

R 566

ТАФАККУР



ИЖТИМОЙ-ФАЛСАФИЙ,
МАЪНАВИЙ-МАЪРИФИЙ
ЖУРНАЛ

ТАФАККУР 4/2008




90



ДОРИЛФУНУНГА


Неки қалбимизга чўф бўлиб тушган,
Сенинг оташингда тобланган бари.
Фиштин биноларинг тафтида пишган
Муҳаббат аталмиш севги гавҳари.
Ўйлар сурар эдик тегрангда узок
Толиба – Лайлию талаба – Мажнун.
Муҳаббат дарсидан бергайсан сабоқ,
Вафо дарсхонаси, эй Дорилфунун.
Сенинг қучогингда топдик дўсту ёр,
Дўстлик нималигин англаб ололдик.
Хазил-мутойиба бўлса ҳам бисёр,
Ва лекин дўстликка содик қололдик.
Бу кун ҳар қайларда юрсак ҳам йирок,
Дўстларни эслаймиз – дилда ҳаяжон.
Оташин дўстлиқдан бергансан сабоқ,
Эй, сен Дорилфунун – муnis онажон!

Абдулла ОРИПОВ



ОРИГИНАЛ НЕРДАГЕ
УЗБЕКИСТОН
МИЛЛИЙ
УНИВЕРСИТЕТИ

NATIONAL
UNIVERSITY
OF UZBEKISTAN
НАЦИОНАЛЬНЫЙ УНИВЕРСИТЕТ УЗБЕКИСТАНА



“O’zim o’qimaganman, lekin — zo’r!”

Бу китобни мактабдалик давримда ҳам ўқимоқчи бўлиб кўп үринганман, аммо ҳар гал бошлаб, охирига етказолмаганман. Ҳали ёшлиқ қилсан керак, аклим етмаяпти шекилли, деган хаёлда ташлаб қўйганман. Орадан қирқ йиллар ўтиб тағин қўлга олдим, бу дафъа сабр-бардош билан, синчилаб ўқиб чиқдим. Асар, дарҳақиқат, бир талай фазилатларга эга эди. Бироқ мутолаа асноси ҳадеб анови машҳур нақл ёдга тушаверди: “Қиролимизнинг таърифу тавсифлардан тўқилган либоси у қадар бут эмас-ку?..”

Гап шундаки, бу китоб адабиётимизнинг шубҳасиз мумтоз намуналаридан ҳисобланади, ифтихорли рўйхатларнинг бош-бошида туради. Бадбинлигимдан куйиниб, ҳам-каслардан фикр сўрадим, шу асарнинг устидан нон еб юрган доно мутахассисларни гапга солдим. Ишонинг-ишонманг, эшитган жавобларим деярли бир қолипда эди: “Анча илгари ўқиганман, ҳозир эсда йўқ [ёки ўқимаганман], лекин — зўр!”

Бир вақтлар довруғи оламни тутиб, номи темир рўйхатларга михланиб қолган-у, асл моҳиятидан, гоҳо ўзидан-да кўпчилик бехабар — “ҳозир эсда йўқ, лекин зўр” китоблар, кинолар, саҳна асарлари камми?! Бундай “ғалати машҳур” ҳодисалар, ажабки, адабиёт ёки санъат доирасидагина эмас, ижтимоий ҳаётимизда ҳам топилади. Дейлик, недир хизматига қарабми ёки замона зайли биланми, бирорни осмонларга учирib улуғлаймиз. Ош бўлса ҳам — Эшматжонга, гўшт бўлса ҳам — Эшматжонга. Лауреат ҳам шу, депутат ҳам шу, делегат ҳам шу. Бу ҳол бора-бора жамият онигига ўрнашиб, тегманозик бир эркатойга айланади у. Даври ўтгач эса, ҳалиги зотнинг номаи аъмоли, қилган-қилмаган хизматларини бир сидра ғалвирдан ўтказиб, лол қоласиз: ўзимиз қатори эканлар-ку акам! Лекин энди унга тил теккизиб кўринг-чи, “Кимга тош отмоқчисан, эй бетамиз?!. Ўзинг ким бўлсан, нимани қойиллатиб қўйган экансан?!” ва ҳоказо дашномларга кўмилиб кетасиз.

Биз бу ўринда кўр-кўронा сифинчоқлик, пирпарастлик касали ҳусусида сўз юритяпмиз. Собиқ оғалар тилида бу тушунча “кўмир” деб аталади. Ўзбекчароқ талаффузда “у’нинг бошига бир чертсангиз, “кўмир” бўлади-қолади. Шу, ўзимизнинг кўмир, яқинлашганда, қўлга олганда қораси юқадиган...

Нима демоқчимиз ўзи? Ҳар даврнинг хос валламатлари, машҳури жаҳон асарлари, “юқумли” анъаналари бўлмоги табиий. Аммо вақти ўтиб янги замон келганда, уларга муносабатда эҳтиётроқ бўлган маъқул эмасми? Қўлга олишдан олдин чангчунгини қоқиб-артиб дегандек...

Бирор асар элбурутдан кўтар-кўтар қилингандага шаддод бир устозимиз бундай дегувчи эди: “Ўзим ўқиб кўрмасам, авлиёси келса ҳам ишонмайман, акаси!”

Бояги китобнинг эса номини барибир айтмайман. Балога қолишдан қўрқаман. Бошқалар ҳам билади уни. Улар ҳам кўрқса керак. Дарвоқе, бундай “ғалати машҳур” ҳодисалар битта-иккитагина бўлса экан...

Ж.М. Абдуллаев



Тафаккур

ИЖТИМОЙЙ-ФАЛСАФИЙ, МАЊНАВИЙ-МАЊРИФИЙ ЖУРНАЛ

Бош мұхаррір
Әркін АЪЗАМ

Таҳририят:

Дамин ЖУМАҚҰЛ
(масъул котиб)

Мұхиддин РАХИМОВ
(бўлим мудири)

ШОҲСАНАМ
(бўлим мудири)

Ольга ЖОЛДАСОВА
(бўлим мудири)

Наргиза УСМОНОВА
(саҳифаловчи)

Журнални безашда Машраб
НУРИНБОЕВ олган суратлардан
фойдаланиди.

Жамоат кенәзчи:

Дилором АЛИМОВА

Абдулла АЪЗАМ

Хуршид ДАВРОН

Нурилдин ЗАЙНИЕВ

Баҳодир ЗОКИР

Нажмиддин КОМИЛ

Султонмурод ОЛИМ

Хайриддин СУЛТОН

Нурислан ТҮХЛИЕВ

Абдураҳим ЭРКАЕВ

Түлеберген ҚАЙИПБЕРГЕНОВ

Муртазо ҚАРШИБОЙ

Фарҳод ҲАМРОЕВ

Ибрөҳим ҲАҚҚҰЛ

Муассис — Республика Мањавият ва мөъриғат кенгаши.

Ўзбекистон Республикаси Матбуот ва ахборот агентлигида 0219-ракам билан рўйхатта олинган.

Матнгардо фойдаланингган мисол, кўчирма ва маънумотлар синклигига учун муаллифлар жавобгардир.

Журналдан кўчириб босингандо монба койи этилиши шарт.

Шеърий асарлор журналинг ўз ташибуси билан чоп этилади.

Монзилимиз: 700047, Тошкент шаҳри,
Мовароонмаҳор кўчаси, 6-йй



233-10-68
239-05-19

Журнал андозаси таҳририяниң комп’ютер бўлимида тайёрланди.

“Шарқ” нашриёт-матбоя акциярлик компанияси босмахонаси, 700029, Тошкент шаҳри, Буюк Тўроң кўчаси, 41-йй.
2008 йил 14 октябрь куни босмахонага топширилди. Когоғ бичими 70x100 / $\frac{1}{16}$ / босма тобок 4924-буюртмо.
Нашр адади 3000 нусха.

НИМА ДЕЙСИЗ, ЗАМОНДОШ?

Мањавият — комиллик мезони. Тошкент шаҳар бош имом-хатиби Анвар қори ТУРСУН билан суҳбат.....4

ЯНГИ АСР МУАММОЛАРИ

Абдураҳим ЭРКАЕВ. Глобаллашув: ахборот хуружи ва оммавий маданият.....10

ОЛИЙ МЕЗОНЛАР

Чори НАСРИДДИНОВ. Глобус қаршиидаги ўйлар....18

ЮРАК ТИЛГА КИРДИ

Беҳзод ФАЗЛИДДИН. Дунё товланишдан чарчамади ҳеч.....24

МАЊНО ВА МОҲИЯТ

Эшқобил ШУКУР. Сўзга саёҳат.....28

СУРАТ ВА СИЙРАТ

Шодмон ОТАБЕК. Адабиёт қисмат бўлса....36

Шукур Холмурзаев ўзи драматик болда
мозаруб билан сурхатда (1990).



SAHIFALARIDA

саҳифаларида

НАСР ЖАВОҲИРЛАРИ

- Макс ФРИШ. Бир ҳалокат
ҳисоботи. *Хикоя*.....44

САНЪАТ ФАЛСАФАСИ

- Ҳамидулла АКБАРОВ. Кино ва
аксиология.....58



Чори НАСРИДИНОВ

МОҲИЯТ ЖИЛОЛАРИ

- Мансурхон ТОИРОВ. Зехнимиздаги
чақинлар.....64
Исматулла МАМАНОВ. Отамдан
қолган ўйтлар.....68

ИБРАТНОМА


- Турсунбой АДАШБОЕВ. Ҳиммат.
Баллада.....72

НАВОЙ СОҒИНЧИ

- Дамин ЖУМАҚУЛ. “Чун илик
бермаски...”.....74

ЖАВОНДАГИ ЖАВОҲИР

- Шуҳрат РИЗО мутолаа қиласи.....76



Кузги бояғ

ТАЛҚИН ВА ТАДҚИҚОТЛАР

- Зоҳиджон ХУШВАҚТОВ. Ёшлар ва
плюрализм.....84
Низом ТАНГИРОВ. Ноосфера даври:
тариҳий сабоқлар, янги имкониятлар.....85
Шоҳиста ШОЙИМОВА. Адолатнинг
устувор шарти.....86
Шаҳноза Одилхонова. Барча эзгу-
ликлар манбаи.....88
Абад ХўЖАКЕЛДИЕВ. Осуда ҳаёт
кафолати.....89
Зиёдахон РАСУЛОВА. Никоҳ ва
насл-насад.....90
Наргиза КУРБОНОВА. Бесамар кетган
уриниш.....91
Дилбар ҚОДИРОВА. “Замона бирла,
мутриб, соҳ қилғил...”.....92
Ойниса МУҲАММАДИЕВА. Бедил
фиркатининг икки сарчашмаси.....93
Журналнинг инглизча мухтасар
мазмуни.....95



НИМА ДЕЙСИЗ, ЗАМОНДОШ?

МА'NAVİYAT— КОМІЛЛІК МЕЗОНІ

Тошкент шаҳар бош имом-хатиби
Анвар қори ТУРСУН билан сұхбат

— Анвар ака, маълумки, дин аслида инсонни комилликка ундаиди. Пайғамбаримиз Мұхаммад алайхиссаломнинг “Яхши хулқларни камолга етказиш учун юборилдім” мазмунидаги ҳадислари ҳам бунинг далили. Шундай экан, нима учун айрим тоифалар камолот манбаи бўлган муқаддас диндан ҳам ўз ҳавои нафси учун фойдаланишга интилади? Ахир, улар комил аждодларимиз ҳаётидан ибратланса бўлмайдими? Бу тоифадаги кимсаларнинг ҳидоят турганда залолатни, саодат ўрнига разолатни танлашлари сабаби нимада?

— Ҳақиқатан ҳам, дин инсоннинг комил, жамиятнинг мукаммал бўлишига хизмат қиласи. Ҳар доим шундай бўлиб келган. Бундан кейин ҳам шундай бўлажак. Абу Саъд ал-Худрий (Оллоҳ үндан рози бўлсин) ривоят қиласиди, Пайғамбаримиз Мұхаммад алайхиссалом “Дин насиҳатдур”, дедилар. Шунда саҳобалар “Кимга, ё Расулуллоҳ?” деб сўрадилар. Сарвари коинот “Оллоҳ китоби пайғамбари, мусулмонлар имомлари ва омма учундир”, деб жавоб бердилар.

Таассуфлар бўлсинки, диннинг насиҳат эканини, унга амал қилиш инсон хулқини комил бир мақомга кўтаришини ёддан чиқариб, уни нафсу ҳаво, манфаат воситасига айлантиришга уринадиганлар ҳам бор. Энг ачинарлиси, диний маълумоти кам, бироқ муқаддас динимизга ихлос билан хизмат қилиш ниятидаги баъзи ўшлар асл ҳақиқатни англамай, ўzlари сезмаган ҳолда ана шундай кимсалар алдовига учган ҳоллар ҳам бўлди. Бунга йўл қўймасликка биз — дин олимлари, зиёлилар масъулмиз.

Ана шундай бузғунчи фирмалардан бири ўзини “Хизб ут-тахрир” (“Озодлик партияси”) деб эълон қилган бўлса ҳам, аслида “Хизб ут-тахриб” — бузғунчилик партияси эканини таъкидлаш керак. Мусулмонлар жамоасини айниш, уларнинг эътиқодини айнитиш, фисқу фасод, бузғунчилик — уларнинг муддаоси шу. Оллоҳ таолонинг “Улар (мушриклар) динларини бўлиб, фирмә- фирмә бўлиб олгандир, ҳар бир фирмә ўз олдиғаги нарса билан хурсанддир”, деган ояти ана шундай тоифаларга қаратса нозил бўлган.

Бундай кимсаларнинг ўз йўналишини роботлар сингариғайрат билан ҳимоя қилиши, кўр-кўрона сифиниши одамларни янгиштирмаслиги керак. Чунки хурофт аҳли ботил ақидаларини тарқатишга одатда жиддий киришади.

“Хизб ут-тахрир”, кўпчилик дин олимлари эътироф этганидек, мўътазилийларнинг вориси. Улар ҳам, худди мўътазилийлар сингари, ақлга ислом шариати белгилаганидан кўра ортиқроқ баҳо берди, жуда кўп асл ҳақиқатларни инкор қилиб, ноқис ақлларини пешво билди. Натижада, сиз тўғри таъкидлаганингиздек, ҳидоят турганда залоплатни, саодат ўрнига разолатни танлади.

Имом Аъзамдан (Унга Оллоҳнинг раҳмати бўлсин) бидъат йўналишлар хақида сўралганда бундай жавоб берган эканлар: “Ўзингга оятни раҳнамо бил, салаф йўлидан юр, эътиқод хусусида янги пайдо бўлган нарсалардан сақланки, у залоплатдир”. Имом Молик “Бидъатдан сақланинглар”, деганларида, шогирдлари “Эй Абу Абдуллоҳ, бидъат нима?” деб сўрадилар. Шунда Имом Молик айтдилар: “Аҳли бидъатлар Оллоҳнинг исмлари, сифатлари, илми, каломи, қудрати тўғрисида сўзлайди, салафи солиҳ сукут қилган ўринларда сукут қилмайди”. Улуғ имомларимизнинг бу сингари ўгитлари бизга чин ҳақиқатни англатиши билан ҳам аҳамиятлидир. Бинобарин, “Хизб ут-тахрир” ва унга ўхшаш оқимларнинг вакиллари айнан бидъат соҳибидир. Улар қайси масалада сукут сақлаш зарурлиги борасида ҳам мезонни ёддан чиқаргандир. Шу боис улар мусулмон ҳалқимиз орасида тафриқа, хусумат ва адватни юзага келтиromoққа, тинчлик, хотиржамликка раҳна солмоққа, жамият маънавиятига зиён етказмоққа уринди. Хайриятки, уларнинг бу ёвуз режалири амалга ошмади. Бу каби оқимларнинг ҳоли менга улуғ мутафаккир Мирзо Абдулқодир Бедилнинг бир ҳикматини эслатади:

Шамшири Худо садо на дорад,
Баъдаз заданаш даво на дорад.

“Худо шамширин садоси йўқдир, / Урса мабодо, давоси йўқдир” деган мазмундаги бу ҳикмат одамзодни огоҳ бўлиб яшашга даъват этади, ҳаётдек бебаҳо неъмат нима учун берилганини унутмасликка чорлайди.

— Энг ёмони, бу сингари тоифалар баъзан ё билиб-билмай ёки қасддан улуғ олимларнинг, мутафаккиларнинг қарашларини инкор этишга, уларни беҳурмат қилишга ҳам журъат этади. Бу бориб турган одобсизлик эмасми? Бунга Сизнинг муносабатингиз қандай?

— Дарҳақиқат, улуғ олимларга эҳтиром кўрсатиш — бурчимиз. Қуръони каримда “Билганлар ва билмаганлар баробар бўла оулурларми?” дейилган бўлса-ю, Расууллоҳ саллоллоҳу алайҳи васаллам олимлар пайғамбарларнинг ворислари эканини таъкидласалар-у, қимdir бунга зид ишни қилса, шу ҳаракатининг ўзи унинг тубанлигига далилдир.

Бузгунчи тоифалар, жумладан “Хизб ут-тахрир” Пайғамбар алайҳиссаломдан саҳих иснод билан ривоят қилинган ҳадислар ҳам, агар оҳод ҳадис бўлса, унга эътиқод қилиш жоиз эмас, деб ҳисоблайди. Яъни Расууллоҳ саллоллоҳу алайҳи васалламдан ривоят қилган саҳобалар сони уч кишидан ошмаса, бу ҳадисни истилоҳда “оҳод ҳадис” дейилади.

Бу иддао нафақат хато, балки Имом Бухорий, Имом Муслим ва бошқа муҳадислар томонидан тамоман саҳиҳлиги қайта-қайта исботланган юзлаб ҳадисларни инкор этиш демакдир. Шунинг ўзиёқ бундай тоифаларнинг залоплатда эканига далилдир.

Диннинг ривожи, мамлакатнинг равнақи илм туфайлидир. Шунинг учун ҳам Пайғамбар алайҳиссалом “Кимки бу дунё роҳатини кўзласса, тижорат қилсин, охират саодатини ўйласа, ибодатга машғул бўлсин, ҳар икки дунёси обод бўлмогини истаса, илм ўргансин”, деб насиҳат қилгандар. Шу боис ҳазрат Навоий



“Кимики қилди олимларга таъзим, / Қилур гўёки Пайғамбарга таъзим”, деб олимларни эъзозлашга ундағанлар.

— Кўхна Шарқда ҳар доим ҳам маънавият моддиятдан устун деб қаралган. Бироқ бу дунёкараш моддий бойликларга эгалик қилишни минбаъд инкор этган эмас. Аксинча, ҳалол мол-мулкка эга бўлган, маънан баркамол инсонгина ҳалқ наздида ҳам, Ҳақ наздида ҳам чинакам бой ҳисобланган. Маънан комил бўлганлари учун ҳам аждодларимиз моддий бойликларини юрт равнақи, жамият манфаати йўлида сарфлаган. Бугун бизда мулқдорлар қатлами шаклланяпти. Аммо улар аждодлар анъанасини қай даражада давом эттирипти? Ҳазрат Навоийга ўхшаб мадрасалар, кўприклар, работлар — эл-юрт фойдаланадиган иншоотларни, маърифат масканларини барпо қиляптими улар? Ҳар қадамда ресторрану тўйхоналар қурилаётгани бунинг аксини кўрсатмайдими?

— Фикрингизга қўшиламан, аждодларимиз маънавиятни инсон ҳаётининг асосий мазмуни деб билган. Шу боис бойлар, мулк эгалари, сиз айтмоқчи, мадрасалар, кўприклар, работлар — эл-юрт фойдаланадиган иншоотларни, маърифат масканларини барпо этгандар. Аслида, бу ҳам муқаддас динимиз, эътиқодимиз тақозоси. Шариат истилоҳида буни садақаи жория дейилади. Садақаи жория қилишга интилиш — икки дунё саодатини кўзлаган банданинг ҳаётий аъмоли. Пайғамбаримиз саллоллоҳу алайҳи васалламнинг муборак ҳадисларидан бирида шундай марҳамат қилинади: “Инсон вафотидан кейин унинг барча амаллари тўхтайди. Магар уч амал борки, бундан мустасно. Булар — садақаи жория, жамиятга манфаат келтирувчи илм, фарзандлар дуоси”. Бу, ана шу уч амал важҳидан кишининг вафотидан кейин ҳам унинг номай аъмолига савоблар тўхтовсиз ёзилиб туради, деганидир. Аждодларимизнинг садақаи жорияга бу қадар аҳамият берганлари сабаби шунда.

Бугунги мулқдорлар ҳақидаги саволингизга жавобан айтишим мумкинки, улар орасида ҳам ана шундай савоб ишларга алоҳида эътибор берадиганлари бор. Холис Оллоҳ розилиги учун етим ёки эҳтиёжманд талабаларнинг ўқиши учун шартнома пулларини тўлаб бераётган, масжидлар, мактаблар, болалар боғчаларини таъмирлашга беминнат ёрдам кўрсатаётган, савоб амаллардан ҳимматини аямётган кўплаб юртдошларимиз ҳазрат Навоийнинг буғунги давомчиларидир. Бироқ, сиз айтмоқчи, топганини ресторану тўйхоналарга сарфлаётгандар ҳам йўқ эмас. Бир кунлик тўй учун, соҳта обрў учун миллионларни оғринмай сарфлаб, фарзандининг ўқишига қолганда арзимаган маблаққа китоб сотиб олишни рабо кўрмайдиганлар ҳам, афсуски, учраб туради. Тўю азаларда эл кўрсинг учун қозон-қозон ош дамлатиб, эҳтиёжманд қўшниси қарз сўраб чиққанида терс қарайдиганлар ҳам йўқ эмас. Буни инкор этиб бўлмайди. Бу сингари иллатларнинг бош сабаби, Фикримча, маърифатсизликдир, жаҳолатдир. Маърифатсизликнинг муолажаси эса жуда мушкул. Мамлакатимиз ва миллатимизнинг юксак даражада тараққий этишига халақит берадиган бу сингари иллатларни бартараф этиш йўлида ҳиммат ва сабот кўрсатиш ҳар биримиз учун ҳам фарз, ҳам қарзdir.

— Президентимизнинг яқинда нашр этилган “Юксак маънавият — енгилмас куч” деб номланган китобида жамият маънавиятини юксалтиришда муқаддас динимизнинг тутган ўрнига юқори баҳо берилган. Жумладан, “...кўп асрлар мобайнида ҳалқимиз қалбидан чукур жой олиб, ҳаёт маъносини англаш, миллий маданиятимиз ва турмуш тарзимизни, қадриятларимиз, урф-одат ва анъаналаримизни безавол саклашда муқаддас динимиз қудратли омил бўлиб келаётгани” алоҳида таъкидланган. Кенг жамоатчиликда катта қизиқиш уйғотган бу китоб Сизда қандай таассурот қолдирди? Дунёнинг айрим мамлакатларида моддий неъматларга эгалик қилиш учун қирғинбарот кетаётган, баъзи худудларда инсон шаъни топталаётган бир шароитда бизнинг юритимизда маънавиятга бу қадар катта эътибор берилишининг аҳамияти нимада деб биласиз?

— Дунёда шундай китоблар бўладики, улар аввало инсоннинг онгига таъсир этиб, кўп билим, фикр ва маълумотлар беради, дунёқарашини, тафаккур уфқини кенгайтиришда мухим ўрин тутади. Бошқа бир китоблар борки, аввалимбор инсоннинг кўнглига, ҳиссийет оламига таъсир этади, унинг туйгуларини тарбиялашга, қалб қўзини очишга хизмат қиласди. Айни пайтда бу китобларнинг барчасига хос хусусиятларни ўзида мужассамлаштирган, ҳар жиҳатдан ноёб, қадрли асарлар ҳам бўлади. Улар ҳам онгимизга, ҳам руҳиятимизга баробар таъсир этади, ўзининг маърифий куввати билан ҳам тафаккуримизни юксалитиради, ҳам қалбимизни нурафшон этади, нафақат бир инсон, балки бутун жамият ҳаётидаги қарашларни ўзгартириб, гўзал ва бетакрор маънавий фазилатларнинг шаклланишига сабаб бўлади. Муҳтарам Юртбошимиз Ислом Каримовнинг “Юксак маънавият — енгилмас куч” номли китоби, ҳеч шубҳасиз, ана шундай нодир ва ибратли китоб эканини шахсан мен уни ўқиш жараёнида чин дилдан ҳис қилдим.

Ушбу асарда муаллиф маънавият аввало инсон ҳаётининг маъно-мазмуни ташкил этадиган бекёён бўлишини исботлаб беради. Бу ҳақда фикр юритар экан, қўйидагиларни таъкидлайди: “Инсон маънавий оламининг юксалиши билан боғлиқ турли ҳолатлар хақида кўп гапириш мумкин. Лекин, мұхтасар қилиб айтганда, Оллоҳнинг ўзи бизга буюрган комил инсон бўлиш, ҳалоллик ва адолат билан ҳёт кечириш каби олижаноб фазилатларнинг маъно-мазмунини нафақат чуқур англаш, балки ана шундай хусусиятларга эга бўлиш, уларга амал қилиб яшаш одамзоднинг маънавий бойлигини белгилаб берадиган асосий мезон десак, ҳеч қандай хато бўлмайди”.

Табиийки, маънавият ҳақидаги бундай ҳаққоний фикрлар китобхонни доимо сўз билан иш бирлиги асосида яшашга даъват этади. Муаллиф бу борадаги мулоҳазаларини изчил давом эттирап экан, шахс ҳаётининг маъно-мазмунни иймон, виждан, ирова каби олий фазилатлардан иборат эканига эътиборни қаратади: “Чиндан ҳам, агар одамзод бу дунёда руҳан пок бўлиб, иродаси бақувват, иймони бутун, виждан уйғоқ бўлиб яшамас экан, инсон ҳаётининг қандай маъноси қолади?”.

Ушбу асарда маънавиятимизнинг жавҳари бўлмиш муқаддас ислом динига берилган таърифлар ҳам теран илмий-фалсафий асосга эга экани билан ажраби туради. Муаллиф динимиз эзгулик, тинчлик, меҳр-оқибат дини эканини уқтиради. Ислом динининг моҳияти ҳаққонийлик ва покликка чорлаши, бинобарин, у ҳамиша эзгуликка, бафрикенгликка, ҳалқ маънавиятини юксалитиришга, руҳий камолотга хизмат қилиши зарур эканини ҳам назарий, ҳам амалий нуқтаи назардан изоҳлаб беради, юртимиз заминидан етишиб чиқкан буюк алломаларимиз орзу қилган ҳақиқий исломий маънавият қандай бўлиши кераклигини холис баён этади.

Маълумки, бугунги кунда ислом динини никоб қилиб, ўзларининг фаразли мақсадларига эришишга уринаётган ҳар хил фирмә ва оқимлар билан муқаддас динимиз ўртасида ҳеч қандай боғлиқлик йўқ. Китоб муаллифи шу ҳақда жуда куйиниб, дину диёнатимизни бузадиган бундай ҳолатларга қарши доимо сергак ва ҳушёр туриш, бу каби ҳаракатларга ҳеч қачон йўл қўймаслик зарурлигини алоҳида уқтириб ўтади. Бунинг учун аввало тинчлик, меҳр-оқибатни ўзида мужассам этган динимизни ана шундай хуружлардан асраб-авайлашга ундейди: “Шу нуқтаи назардан қараганда, муқаддас ислом динимизни пок сақлаш, уни турли хил фаразли хуруж ва ҳамлалардан, тухмат ва бўхтонлардан ҳимоя қилиш, унинг асл моҳиятини униб-ўсиб келаётган ёш авлодимизга тўғри тушунтириш, ислом маданиятининг эзгу гояларини кенг тарғиб этиш вазифаси ҳамон долзарб бўлиб қолмоқда”.

“Юксак маънавият — енгилмас куч” китобида мусулмон дунёсидаги етакчи ташкилот бўлмиш Ислом конференциясининг таълим, фан ва маданият масалалари бўйича тузилмаси АЙСЕСКО томонидан Тошкент шаҳрининг 2007

йилда Ислом маданияти пойтахти деб эълон қилиниши халқимизнинг муқаддас динимиз ривожига қўшган бебаҳо ҳиссасининг яна бир эътирофи экани фурур ва ифтихор туйғулари билан баён қилинади.


Ҳаммамизга маълумки, бундан 18-20 йил аввал, мустабид шўро даврида ислом маданияти, мусулмон дини ва унинг қадриятлари ҳақида гапиришнинг ўзи мумкин эмас эди. Умуман, дин ҳақида, иймон ҳақида сўз айтиш сал бўлмаса жиноят ҳисобланарди. Алҳамдуллаҳ, истиқолимиз шарофати билан ва Юртбошимизнинг доимий эътибори натижасида жуда қисқа даврда юртимиз, унинг бош шаҳри бўлмиш Тошкент Ислом маданияти пойтахти, яъни дунёдаги халқлар ўртасида ўз ота-боболарининг дини, мероси, тарихи ва маданиятини кўз қорачиғидек асрраб-авайлаш бобида бошқаларга ибрат ва намуна бўла оладиган халқнинг азим шаҳри сифатида жаҳон жамоатчилигининг юксак эътирофига сазовор бўлди.

Асарда бу ҳақда катта ифтихор ва мамнуният билан фикр юритилар экан, ислом маданияти равнақи ва тараққиётiga мислсиз ҳисса қўшган ватандoshларимиз Имом Бухорий, Имом Термизий, эътиқод илмининг алломаси Имом Мотуридий, дин ва миллатнинг ҳужжати Бурҳониддин Марғиноний, буюк азизавлиёларимиз Абдулҳолиқ Фиждувоний ва Баҳоуддин Нақшбанд каби мумтоз зотлар ҳақида халқимиз, айниқса, ёшларимиз учун ниҳоятда зарур ва ибратли фикрлар баён этилади.

— Китобда маънавий юксалишга тўсиқ бўлаётган иллатлар ҳақида ҳам тўхтаби үтилган. Уларни бартараф этиш йўллари, усувлари чукур таҳлил этилган. Шундай эмасми?

— Тўғри айтдингиз, китобда муҳим масала — жамиятимизнинг моддий ва маънавий тараққиётiga тўсиқ бўладиган иккита катта гуноҳи кабира, яъни лоқайдлик ва ҳasad ҳақида жуда ўринли фикрлар билдирилган.

Тарих шуни кўрсатадики, лоқайдлик ва бепарволик хукм сурган юрт ҳеч қачон тараққиётга эришмаган ва эришмайди ҳам. Бундай иллатга қарши зийрак ва ҳушёр бўлишимиз, лоқайдликка нисбатан лоқайд бўлмаслигимизни муаллиф алоҳида таъкидлайди: “Барчамизга аён бўлиши керакки, қаердаки



Тошкент Ислом университетининг янги биноси

бепарволик ва лоқайдлик ҳукм сурса, энг долзарб масалалар ўзибўларчиликка ташлаб қўйилса, ўша ерда маънавият энг ожиз ва заиф нуқтага айланади. Ва аксинча — қаерда хушёрлик ва жонкуярлик, юксак ақл-идрок ва тафаккур ҳукмрон бўлса, ўша ерда маънавият қурдатли кучга айланади”.

Шунингдек, ҳасад ҳисси ҳам ижтимоий муносабатларни издан чиқарадиган, жамият, оила, ёру дўстларнинг орасини бузадиган, ахлоқсизлик ва андишасизлик, ёлғон ва алдов каби манфур иллатларни авж олдирадиган энг катта гуноҳлардан-дир. Ҳадиси шарифда “Ҳасад билан иймон бир қалбда жамланмайди”, дейилади. Демак, ҳасади бор кишининг иймони ҳам, маънавияти ҳам бўлмайди.

Айтиш керакки, китобда баён қилинган, моҳияти ҳар томонлама очиб берилган бундай долзарб масалалар бугунги ёшларимиз тарбиясида сув билан ҳаводек зарур. Шунинг учун ҳам “Юксак маънавият — енгилмас куч” китоби ҳалқимизнинг маънавий юксалишига хизмат қиласиган муборак бир асар десак, албатта, тўғри бўлади.

Маълумки, қадимдан юртимизда мўътабар китобларни оила даврасида отоналарнинг фарзандларига, мактаб ва мадрасаларда устоzlарнинг талабала-рига ўқиб, мағзини чақиб бериш анъанаси бўлган. Шунинг учун бу китобнинг маъно-мазмунини фақат оммавий аҳборот воситалари ва расмий анжуман-лардаги чиқишлиримизда шарҳлаш билан кифояланиб қолмасдан, ҳалқимизнинг руҳига мос бўлган ана шундай анъаналаримиз ёрдамида эл-юртимизга, айниқса ёшларимизга етказсан, иншооллоҳ, маънавиятимиз бундан ҳам юксак, иймонимиз бақувват бўлишига эришамиз.

— Жорий йил аввалги йиллар билан мантиқий боғлиқ ҳолда “Ёшлар йили” деб эълон этилган эди. Хукуматимиз томонидан Ёшлар йили давлат дастури қабул қилинди. Уни амалга ошириш юзасидан эътиборга молик ишлар бажарилди ва бажарилаёттир. Сизнингча, бу борада диншунос олимларнинг, мутахассисларнинг вазифалари нималардан иборат? Улар бу вазифаларни қай даражада уddyдалаяпти?

— Йилларнинг турли номлар билан аталиши мустақиллик даврида ўрф бўлган яхши бир анъана. Бу орқали Юртбошимиз бутун жамият, жамоатчилик диққатини энг муҳим, энг зарур масалаларга қаратиб келмокдалар. Жумладан, Ёшлар йилида ҳам келажагимиз эгалари бўлган авлод тарбиясида эътиборга молик натижаларни кўлга киритдик. Биргина диний соҳани олайлик. Мамлакатимизда ёшларнинг диний таълим ва тарбия олишлари учун барча шароитлар яратилмоқда. Тошкент Ислом университети, Ислом институти, кўплаб мадрасалар фаолияти бунинг далилидир. Тошкент Ислом университетининг замон талабларига мос янги биноси фойдаланишга топширилгани, Самарқандда ҳадис илми ўқитиладиган марказ барпо этилаётгани бу борада эришилаётган ютуклар кўлами нечоғлиқ катта эканини кўрсатади.

Бугунги кунда диний таълим олаётган ёшларнинг “Зиё” студияси юқори савиядада телекўрсатув ва радиоэшиштиришлар тайёрлаб, тенгдошларнинг диний маърифати ошмоғига хизмат қиласига ўтказадиган. Улуғ аждодларимизнинг ислом дини ривожида муҳим ўрин тутган асарлари, замондош олимларнинг тадқиқотлари мунтазам чоп этилиб турибди. Куръони карим тафсирлари, ҳадиси шарифларнинг шарҳлари, дунёга машҳур илмий асарларнинг нашрлари шулар жумласидандир.

Инсоф билан ўйлаб кўрайлик, яқин ўтмишда бундай шароитларни орзу қилиб бўлармиди? Албатта, йўқ. Буларнинг барчаси ёш авлод камолига эътибор бизда давлат сиёсати мақомига кўтарилганинг исботидир. Муҳтарам Президентимиз таъбири билан айтганда, “Ёшлар — бизнинг келажагимиз, эртаниги кундан умидимиз ва эзгу ишларимизнинг давомчилари” экан, бу борадаги ишларни изчил давом эттиришимиз зарур. Эришилган ютукларни янгилари билан бойитишимиш керак. Ишончимиз комилки, бу борадаги интилишлар яқин истиқболда юксак натижалар беради.

Нурбой АБДУЛҲАКИМ сұхбатлашди.

Абдурахим ЭРКАЕВ



Globallashuv: axborot xuruji va ommaviy madaniyat

Инсоният кейинги асрларда босиб ўтган тарихий йўл шундан далолат бермоқдаки, ишлаб чиқариш технологиялари ва коммуникация воситаларида туб ўзгаришлар юз бериши жамиятни янги тараққиёт босқичига олиб чиқади.

Маълумки, XIX асрда буг машиналари, темир йўл транспорти ва пароходларнинг ихтиро этилиши товар ишлаб чиқаришни кўпайтиришга кенг йўл очган эди. XX асрга келиб эса электр энергиясининг ишлаб чиқаришда кўлланиши, радио, телефон, телеграф, авто ва ҳаво транспортининг вужудга келиши саноат соҳасидаги инқилобга сабаб бўлди. Бинобарин, бугунги шиддатли тараққиёт замирида ҳам шунга ўхшаш омиллар музассам экани шубҳасиз. Бу ҳақда фикр юритганда, аввало, ахборот технологияларининг ишлаб чиқариш, алоқа ва коммуникация соҳасига жадал кириб бораётганини таъкидлаш лозим.

Тўғри, ахборот ва ахборот воситала-

ри илгари ҳам ишлаб чиқариш ва иқтисодиётни, ҳаётнинг турли соҳаларини бошқаришга камарбаста бўлган. Масалан, зарур статистик маълумотлар, ҳисоб-китоблар, фан-техника янгиликларига доир ахборотлар бошқарувнинг барча бўғинларида раҳбарият учун муҳим аҳамият касб этган. Лекин, тан олиш керакки, бундан йигирма-йигирма беш йил муқаддам ахборот бугунгидек ҳал қилувчи омилга айланмаган эди.

Дарҳақиқат, бугун ахборот ва ахборот технологиялари бошқарув соҳасида ёрдамчи восита эмас, балки асосий унсурлардан бирига айланди. Бу икки омил ишлаб чиқаришни компьютерлаштириш, автоматлаштириш ҳамда назорат қилишдан тортиб савдо муносабатлари ва банк операцияларигача, юридик ва жисмоний шахсларнинг расмий-норасмий ёзишмаларию олис масофадан туриб мuloқотга киришишгacha бўлган кенг кўламли жабхаларни қамраб олмоқда. Энг муҳими,

Абдураҳим Эрқаевнинг "Истиқлол ва миллий онг" сарлавҳали дастлабки мақоласи журналинизнинг 1995 йилги 3-сонида эълон қилинган эди. Хар жиҳатдан пишиқ-пухта ёзилган бу мақола, маълум бўлишича, муаллифнинг матбуотдаги илк чиқиши экан. Шундан кейин ўтган йиллар мобайнида у маънавият ва маърифат ҳамда миллий ғоямизга доир бири биридан мазмундор ўндан ортиқ мақоласи билан қатнашиб, "Тафаккур"нинг яқин ҳамкорига айланди, журнал таҳрир ҳайъати сафидан жой олди. Ана шу мақолалар зуваласида қорилиб нашр этилган бир неча китоби билан эса миллий мағкура тарғиботчиси сифатида илмий жамоат даврасида муносиб ном қозонди.

Долзарб мавзудаги ушбу мақоласига журнал саҳифаларидан ўрин берилар экан. Қашқадарё вилоят ҳокимилигида масъул лавозимда хизмат қилаётган муҳтарам муаллифимиз, зукко файласуф олим Абдураҳим Эрқаевни олтмиш ёшга тўлгани билан қутлаймиз, серташвиш фаолияти ва илмий ижодига барака тилаймиз.



Таҳририят

улар мuloқot ва ахборотнинг шакл ва имкониятларини бойитиб, бу борадаги тезкорлик ва самарадорликни бекиёс даражада ошириб юборди, айниқса таълимнинг сифати, даражасини тубдан ўзgartирди. Тасаввур қилинг, ҳозирги пайтда ҳар қандай илмий-техникавий, иқтисодий ёки гуманитар мазмундаги ахборот, агар махфий бўлмаса, бир зумда бутун дунёга тарқалади. Бу жараён на сиёсий, на жуғрофий чегараларни тан олади, у глобал моҳият касб этиб улгурди.

Табиийки, бу ўринда глобаллашувнинг ўзи нима, деган масала хусусида яна бир бор тўхталиб ўтишга тўғри келади.

Бутун дунёда эътироф этилган таърифга кўра, глобаллашув — жаҳон тараққиётининг асосий тенденцияларидан биридир. Савдо ва ишлаб чиқариш, иқтисодий, молиявий алоқаларнинг дунё миқёсида фоят кучайиши, тезлашиши глобаллашувнинг вужудга келишига замин яратди. Бу даврда ҳар қандай йўналишдаги ҳамкорлик, капитал ва товарлар ҳаракати, шартномалар, дастлабки музокаралар электрон алоқалар воситасида амалга оширилади. Бу эса, бир томондан, истеъмол моллари ва хизматларни, икkinchi томондан эса молия-

вий тузилмалар, бухгалтерия ҳисоблари, ўзаро тўловлар, аудит, статистика сингари фаолият турларини стандартлаштириб, ягона андозага келтирди. Айниқса, XX асрнинг 60-йилларидан бошлаб трансмиллий компанияларнинг жадал ривожланиши дастлаб уларнинг ваколатхоналари мавжуд бўлган мамлакатларда, сўнгра эса жаҳон миқёсида ҳам ягона стандарт ва технологияларнинг тезкор тарқалишига, истеъмол ва турмуш тарзининг бир хиллашувига сабаб бўла бошлади.

Яна бир сабаб — дунё миқёсида урбанизациянинг кучайиши ҳам глобаллашув жараёнини тезлаштириди. Ҳақиқатан ҳам, ҳозирги вақтда ривожланган ва ривожланётган мамлакатлар ўртасида турмуш сифати, даражаси ва истеъмол преискуранти нуқтаи назаридан сезиларли фарқ сақланиб турган бўлса-да, ишлаб чиқариш ҳамда ижтимоий ҳаёт муносабатларида ўхшашлик ортиб бормоқда. Мисол учун, жаҳондаги деярли барча мамлакатларда шаҳар аҳолисининг иқтисодий фаол қисми эрталаб ишга, ёшлар ўқишга бориб, кечқурун хонадонларига қайтади, бўш вақтуни ҳам қарийб бир хил — телевизор олдида

ўтказади. Хатто ишда ва кўчада кийиладиган кийимларнинг тури ва бичими, рўзгорда ишлатиладиган буюмлар ҳам айтарли бир хил. Буларнинг барчаси турли ҳалқларнинг психологиясида, тафаккур тарзида, ҳордик ва майшатга, истеъмолга, ҳаётга муносабатида муштарак қарашлар пайдо бўлишига олиб келди, оммавий маданиятнинг тарқалишига замин яратди. Натижада дунёning деярли ҳамма мамлакатларида ҳордик ва кўнгилочар "маҳсулот"лар ишлаб чиқаридиган индустря шаклланди.

Шундай қилиб, глобаллашув — иқтисодий, сиёсий, маданий алоқаларнинг ҳаддан ташқари интенсивлашуви, энг янги ахборот технологиялари ва умуман ахборотнинг жаҳон миқёсида шиддат билан тарқалиши, ҳалқаро стандартлашув ва майший турмушда, истеъмолда, шу жумладан, номоддий истеъмолда умумий қолип ҳамда андозаларнинг пайдо бўлишидир.

Президент Ислом Каримов "Юксак маънавият — енгилмас куч" китобида глобаллашув феномени ҳақида алоҳида тўхталиб, унинг ижобий ва салбий жиҳатларини ҳар томонлама чукур ёритиб беради. Хусусан, бу муқаррар жараённинг ижобий томонлари тўғрисида фикр юритар экан, куйидагиларни таъкидлайди: "Хозирги пайтда унинг ғоят ўткири ва кенг қамровли таъсирини деярли барча соҳаларда кўриш, хис этиш мумкин. Айниқса, давлатлар ва ҳалқлар ўртасидаги интеграция ва ҳамкорлик алоқаларининг кучайиши, хорижий инвестициялар, капитал ва товарлар, ишли кучининг эркин ҳаракати учун қулайликлар вужудга келиши, кўплаб янги иш ўринларининг яратилиши, замонавий коммуникация ва ахборот технологияларининг, илм-фан ютуқларининг тезлик билан тарқалиши, турли қадриятларнинг умуминсоний негизда умумлашуви, цивилизациялараро мuloқотнинг янгича сифат касб этиши, экологик оғатлар пайтида ўзаро ёрдам кўрсатиши имкониятларининг ортиши — табиийки, буларнинг барчасига глобаллашув ту-

файли эришилмоқда" (Ислом Каримов. Юксак маънавият — енгилмас куч. Т., "Маънавият", 2008, 111-112-бетлар).

Юртбошимиз глобаллашув айни пайтда зиддиятли ҳодиса эканини ҳам ҳаққоний қайд этади. Буни аввало глобаллашув натижасида оммавий маданият ниқобидаги ноxуш ҳодисаларнинг, аксилмаданиятнинг (فارбда "контркультура" деб аталади) тарқалиш ҳавфи ҳамда ҳалқнинг ранг-баранг, бой маънавий ҳаётининг бирхиллашуви, миллий ўзлик туйғусининг сусайиши, эгоизм ва нигилизм каби хатарларнинг кучайишида кўриш мумкин.

Глобаллашув, шунингдек, интеллектуал мулк ва илмий-техник ғояларнинг айрим ривожланаётган мамлакатлардан Фарб томон оқиб кетишига қулаги шароит яратмоқда, трансмиллий компанияларнинг муайян ҳудуд ва минтақалардаги ҳукмронлигини кучайтириб, неоколониализмнинг, сиёсий босим ўтказишнинг нозик ниқобланган шаклларини юзага чиқармоқда, оммавий ахборот воситалари орқали жаҳон ва миллий ижтимоий фикрни ўз манфаатига бўйсундиришнинг янги усулларини туғдирмоқда. Шунга қарамай, глобаллашув замонавий тараққиётнинг зарур ва объектив натижаси эканини эътироф этиш лозим.

Бугунги кунда ахборотнинг жамият ҳаётидаги аҳамияти шу қадар ортиб кетдики, ижтимоий, иқтисодий, маданий, сиёсий алоқалар, ҳалқаро муносабатларнинг янги шаклларини вужудга келтирди. Айни пайтда у салбий мазмундаги алоқалар — сиёсий, иқтисодий, мағкуравий ва маданий экспансияни ҳам кучайтироф.

Президент Ислом Каримовнинг мағкура полигонлари ядро полигонларидан ҳам ҳавфлироқ бўлиб бораётгани ҳақидаги фикри реал мазмунга эга бўлиб, ҳозирги ижтимоий ҳаётнинг кўздан яширин хусусиятларидан бирини ифода этади. XX асрнинг иккинчи ярми ва XXI асрда экспансиянинг янги шакллари пайдо бўлди. Улар биринчи навбатда иқтисодий ва технологик жиҳатдан

бошқа мамлакатни қарам қилиш билан боғлиқ. Агар мазкур ҳийлалар етарли натижа бермаса, XXI аср қашфиёти – “рангли инқилоблар” усули қўлланмоқда. “Рангли инқилоблар” эса маҳсус танланган ва йўналтирилган ахборот ёрдамида аввало ҳужум обьектига айланган мамлакат аҳолисини чалғитиш йўли билан амалга оширилмоқда.

Бундай вазиятда манфаатдор сиёсий кучлар оммавий ахборот воситалари ёрдамида воқеаларни бузиб кўрсатиб ёки нохолис шарҳлаб, бутун жаҳон жамоатчилигини ўша уйдирмаларга ишонтириш орқали ўзларининг ғаразли мақсадларига эришмоқчи бўлади.

Ҳозирги вақтда бирор бир мамлакатда сунъий равишда сиёсий муҳолифат яратишнинг асосий усулларидан бири маҳсус танланган ва интенсив тарқатиладиган ахборот бўлиб қолмоқда. Ахборот хуружи орқали жаҳон жамоатчилигининг онгу тафаккурини бошқаришга уриниш сиёсий курашнинг асосий услуга айланиб бормоқда. Айниқса, “рангли инқилоблар” ёрдамида турли мамлакатларда фарбарастан ҳукуматларни шакллантириш, вақти-вақти билан ҳар хил мишишлар тарқатиш воситасида уларни чўчитиб олиб, жиловда ушлаб туриш, демократия ва фуқаролик жамиятини мустаҳкамлаш ниқоби остида турли халқаро фондлар орқали қарама-қарши кучларни рағбатлантириб, бир-бира га ва ҳукуматга қарши гижгижлаш – буларнинг барчаси халқаро муносабатларда кўлланаётган янги сиёсий экспансия технологиясидир. Бу технология ахлоқий меъёрларга, баъзи ҳолларда ҳатто халқаро ҳуқуқ меъёрларига ҳам беписанд қарайди. Шундай қилиб, ахборот хуружи нафақат сиёсий кураш, балки сиёсий экспансия воситаларидан бирига ҳам айланди.

Ахборот хуружининг аҳоли онгига кўрсатадиган салбий таъсирини камайтириш, бу хуружга қарши мағкуравий иммунитет ҳосил қилиш масалага комплекс ёндашувни талаб этади. Бунда маънавий-тарбиявий тадбирлар

моддий, иқтисодий бунёдкорлик ва кенг маънодаги ижтимоий ислоҳотлар билан кўшиб олиб борилиши лозим. Акс ҳолда мағкуравий-тарбиявий ишлар кутилган натижани бермайди.

Ислом Каримовнинг юқорида зикр этилган китобида жамият уйғун ва барқарор ривожланиши учун моддий ва маънавий қадриятларга, иқтисодий ва маънавий ҳаётга бирдек эътибор қартилиши лозимлиги алоҳида уқтирилади. Ушбу асарда иқтисодий ва маънавий ҳаёт қушнинг икки қанотига қиёсланади. Куш баланд парвоз этиши учун икки қаноти ҳам бакувват бўлиши керак. Жамият ҳам юксалиши учун моддий ва маънавий қадриятлар уйғун ҳолда ривожланиши талаб этилади.

Агарда жамият ҳаётида мағкура, тарғибот, тарбия иқтисодий асосга эга бўлмаса, турмуш фаровонлигининг муттасил ўсиши билан мутаносиб тарзда олиб борилмаса, фойя ва фикр ҳам, тарбиявий чоралар ҳам обрўсизланади. Соғиқ совет тузуми давридаги ҳаёт миссолида бунга ишонч ҳосил қилганимиз.

Ўтган асрнинг 70-йиллари охирида – собиқ СССР ва Фарб ўртасида совуқ уруш авжига чиққан паллада Пентагон генералларидан бири таҳминан шундай деган эди: СССРга қарши курашда B-52 самолётларидан (ядро бомбалари билан қуролланган стратегик бомбардимончи самолёт) сариқ чақалик фойда бўлмади. Лекин СССРни ич-ичидан емиришда американинг мовий жинси шимлари B-52 самолётларидан кўпроқ фойда келтирмоқда.

Ҳақиқатан ҳам, америка жинси шимлари, рок мусиқаси, фарб ва япон истеъмол буюмлари коммунистик мағкура таъсирини чиппакка чиқариб юборди. Аҳоли, айниқса ўшлар ҳатто оддий тиши чўткаси ва пастаси, атирсовун ёки соқол олишда ишлатиладиган устаранинг ҳам чет элда чиққанини харид қилишга интилди. Чунки бу матоҳларнинг сифати совет буюмларидан анча юқори эди. Бундан ўттиз-қирқ йил илгари чет элга саёҳатга борган совет кишиси япон

транзистор радиоприёмниги ёки магнитофонини олиб келишини орзу қилар эди. Бунинг учун у бир-икки тушликдан воз кечарди (ейилмаган овқат пулини эса мезбонлар қайтариб берар эди). СССР худудидаги чайков бозорларида чет эл кийимлари, пардоз буюмлари ва бошқа молларга эҳтиёж катта эди. Хориж автомобилларига эга бўлиш ўрта қатлам вакиллари учун ушалмас бир армонга айланган эди.

Ўтган асрнинг 60-70-йилларидан одамлар онгига совет давлати ўта қолоқ, бу тузум фуқаролар ҳақида, инсон хусусида мутлақо қайфурмайди, ҳатто оддий истеъмол буюмини ҳам сифатли ишлаб чиқаришга қодир эмас, деган тушунча қаттиқ ўрнаша бошлади. Дўйонлардаги товарларнинг сифатсизлиги, ойлик маош микдорининг камлиги, иқтисодий етишмовчиликлар совет ватанпарварлиги, октябрга садоқат, коммунистик эътиқод каби тушунчаларни халқ кўзи ўнгига қадрсизлантириди. Фуқаролар онгига совет тарғиботининг таъсири сусайиб, аксинча, чет эл мағкурасининг таъсири кучайиб бораверди. Бу мустабид тузумнинг ҳалокатидан далолат эди.

Етмиш йилдан зиёд ҳукм сурган зўравонлик ва қатагон усулларидан воз кечиб, жамиятни демократлаштиришга уриниш эса СССРни қулатди. Бу тузум зўравонликсиз яшай олмаслиги маълум бўлди.

Хуллас, маънавият ва иқтисодиётни муштарак ривожлантириш ахборот хуружи ўта кучайиб кетган глобаллашув шароитида айниқса долзарб аҳамият касб этмоқда. Чунки бундай вазиятда ҳар қандай ижтимоий, сиёсий, иқтисодий, маданий-маънавий муаммо ҳақидаги ахборот аҳоли ўртасида жуда тез тарқалиб, турли кескин ҳолатлар келиб чиқишига сабаб бўлади. Бундай муаммоларга эса ички ва ташки кучлар ўз манфаати нуқтаи назаридан муносабат билдиради. Баъзилари улардан ғаразли мақсадларда фойдаланишга уринади.

Бугунги кунда глобаллашув таъсирида маънавий эҳтиёжларни қондиришда

ҳам стандартлашув қарор топа бошлади. Бу жараён бугун рок ва поп мусиқа, видео ҳамда турли жанрдаги арzon-гаров фильмлар, сериаллар, ранг-баранг кўнгилочар шоу-томошалар, ўйинларни қамраб олмокда. Оммавий маданият ниқобидаги аксилмаданият пайдо бўлиб, тобора кенг ёйилиб бормоқда.

Президентимизнинг бу борада катта ташвиш билан огоҳлантириши бежиз эмас: “Табиийки, “оммавий маданият” деган ниқоб остида ахлоқий бузуқлик ва зўравонлик, индивидуализм, эгоцентризм тояларини тарқатиш, керак бўлса, шунинг ҳисобидан бойлик орттириш, бошқа халқларнинг неча минг йиллик анъана ва қадриятлари, турмуш тарзининг маънавий негизларига беписандлик, уларни қўпоришга қаратилган хатарли таҳдидлар одамни ташвишга солмай қўймайди” (Ўша асар. 117-бет).

Ушбу фикрдан келиб чиқадиган биринчи хулоса шуки, оммавий маданиятини ниқоб қилиб олиб бузуқлик ва зўравонлик сингари инсон шахсини руҳан емирадиган тояларни тарғиб этадиган асрларнинг ҳақиқий маданиятга ҳеч қандай алоқаси йўқ.

Маълумки, маданият “элитар маданият” (хос маданият) ва “оммавий маданият”га бўлинади. Ўтмишда оммавий маданият халқ баҳшилари куйладиган достонлар, сайилларда, тўйларда оммага кўрсатиладиган томошалар — дорбозлик, аскиябозлик ва масҳараబозлик, халқ ашулалари каби қўринишларда мавжуд бўлган. Шу боис у ўзининг ҳалқчиллиги, эзгулик ва инсонпарварлик руҳи билан ажралиб турган. Лекин бугун унга оммавий маданиятнинг таркибий қисми эмас, балки фольклор ёки анъанавий халқ маданияти деб қаралмоқда. Farбда уни кундалик ҳаётдан этнографик музейлар ёки аҳён-аҳёнда ўтказиладиган халқ сайиллари ва фестиваллари томон сиқиб чиқаришга уринишлар кучли.

Замонавий оммавий маданият эса XX-XXI асрлар цивилизияси маҳсули улароқ стандартлашган истеъмол

маҳсулотлари ва "эркин" хулқ-атвор на- муналари йиғиндиси сифатида тор мазмунда тушунилаётир. XX асрда ма- иший техниканинг ривожланиши омма- вий маданият шаклларини бойитди — дастлаб патефон ва грампластиналар, магнитофонлар, ихтисослашган эстрада жанрлари, ансамблари сингари янгиликлар пайдо бўлди. Кейинчалик турмуш фаровонлиги ўсиши билан ис- теъмолчилик психологиясининг янада кучайиши адабиётда кўнгилочар, маз- мунан саёз саргузашт ва детектив асар- ларнинг, "эркин мұхаббат" мавзуидаги китоблар, кино ва телевидениеда "бе- маза опера" деб аталмиш сериаллар, турил аудио ва видео дисклар, шоу тадбирларнинг, уларни оммавий тарз- да ишлаб чиқарадиган индустрияning вужудга келишига сабаб бўлди. Таби- ийки, бундай "маҳсулот"ларда халқчилил, миллийлик ниҳоятда заиф, улар фақат декорация ва маҳаллий колорит сифатидагина кўлланади. Лекин, аф- суски, қаттиқ рақобат шароитда баъзи корчалонлар мўмай даромад илин- жида инсонда тубан ҳирсларни кўзгайдиган мавзуларни кўпайтириб, аста- секин замонавий аксилмаданиятни яратди. Таъкидлаш керакки, унинг на- фақат элитар маданият, балки ҳақиқий оммавий маданиятга ҳам мутлақо ало- қаси йўқ. Оммавий маданият ҳақида кўплаб мақолалар ёзаётган тадқиқот- чилар ва тарғиботчилар буни эсдан чи- қармаслиги, ҳақиқий оммавий мадани- ятни уни ниқоб қилиб олган аксилмаданият билан чалкаштираслиги зарур, деб ўйлаймиз.

Бинобарин, оммавий маданиятга қар- ши эмас, балки оммавий маданиятни ниқоб қилиб олган аксилмаданиятга, унинг дидизлигига ва ахлоқизлигига, инсонни ҳақоратловчи, тубанлаштирув- чи маҳсулотларига қарши курашиш ке- рак. Бироқ замонавий оммавий мадани- ятнинг ўзида ҳам мураккаб ботиний зид- диятлар, миллий ўзига хосликка нисбатан яширин таҳдидлар мавжудки, буни ҳам унутмаслигимиз керак.

Америкалик машҳур сиёsatшунос олим ва арбоб Збигнев Бжезинский ом- мавий маданият тарқалишининг глобаллашув жараёни ва АҚШнинг жаҳон халқ- ларига таъсири ортиб бораётгани билан боғлиқ эканини эътироф этади: "Хатто "совук уруш" энг авж палласига кўтарилган, совет тузуми ҳали сталин- изм сикувида бўлган вақтда ҳам "темир девор" совет ёшларини Farbning ва ай- никса Американинг "халокатли" ва "чир- кин" таъсиридан тўсib қоломаслиги чет элликларга аён эди. КГБ учун совет зиё- лиларини хорижнинг доктриналари за- ҳарлашидан иҳоталаш комсомол ёшлар- ни жинси кийишдан, жаздан юз ўгири- ришдан ёки уларнинг чет элликлардан америкаликларнинг қизиқишилари тўғри- сида сўрашига халақит беришдан осон- роқ эди.

Шўролар назоратни бўшаштиргач эса, тақиқланган барча хорижий нарса- ларга кўр-кўёна эргашиш оммавий тус олди. Бугун алоқалар глобаллашган, кучли мағкуравий рақобат барҳам топ- ган шароитда foявий назоратни амал- га ошириш янада қийинлашиди. Энди оммавий маданиятга фақат аҳолисининг аксарияти қишлоқ жойларда яшайди- ган, чукур анъанавий маданиятга эга бўлган мамлакатларгина қаршилик қила олади" (Бжезинский З. Выбор: мировое господство или глобальное лидерство. М., "Международные отношения", 2007, стр. 232).

Оммавий маданиятнинг жозибаси ни- мада? Нега унга интилиш кучли? Тадқи- қотлар шуни кўрсатмоқдаки, ҳатто бир халққа мансуб ёшлар ҳам, улар ҳар хил ижтимоий қатламдан бўлишига қарамай, оммавий маданиятга бирдай мойиллик кўрсатади. Юкорида қайд этилганидек, бу ҳолат, биринчи навбатда, урбанизация ва глобаллашув шароитида турли халқлар турмуш тарзининг, ҳаётий қараш ва мезонларининг яқинлашуви, хордиқ ва истеъмолнинг стандартлашуви оқибати- дир. Лекин оммавий маданият таъсири- нинг кучайиши сабаблари фақат шулар- дангина иборат эмас.

Оммавий маданият сари интилишга инсон зотига хос бўлган азалий иштиёклар, унинг шуурида асрлар оша яшаб келаётган табиий-ижтимоий тенглик майлари, шунингдек, жамоавийлик психологияси билан боғлиқ архетиплар ҳам сабаб бўлади. Улар миллати, тили, дини ва маданиятидан қатъи назар, барча одамларнинг айрим ижобий ёки салбий нарсаларга инстинктив интилишини маълум даражада белгилайди.

Оммавий маданиятга шаклан ва мазмунан оддийликнинг хослиги гўёки унга эгалитар (тенглик, текисчилик) ва демократик тус бергандек бўлади. Масалан, классика услубида кийиниш (костюм ва галстук) ўрнига жинси ва футболка ёки свитер ва крассовка кийиш бамисоли камтарлик, либераллик ифодаси бўлиб кўринади. Бундай ҳолат тимсолида гўёки адолатли тенглик (эгалитаризм) на-моён бўлади.

Булар оммавий маданиятнинг тарқалишига таъсир кўрсатган психологик сабабdir.

Лекин оммавий маданиятнинг кенг тарқалиши билан боғлиқ ижтимоий-сиёсий, ижтимоий-иқтисодий, эстетик ва бошқа сабаблар ҳам бор. З.Бжезинскийнинг американча оммавий маданият жозибадорлиги асосида ижтимоий эгалитаризмга алоҳида аҳамият берадиган, айни пайтда индивидуализм ва шахс муваффақиятларини инкор қилмайдиган американча демократия ётибди, деган фикрида жон бор. Ҳатто жаҳонга машҳур сиёсий арбобларни ҳам кичрайтириш-эркалаш шаклидаги исмлар билан аташ (Жеймс ўрнига Жимми, Уильям ўрнига Билл), Бжезинскийнинг фикрича, американча оммавий маданиятнинг қанчалик расмиятчиликдан йироқ эканини акс эттиради.

Оммавий маданият тарқалишининг асосий ижтимоий сабаби эса Фарбдаги анъанавий қадрият ва маънавиятнинг инқироз сари юз тутишидир.

XX асрда содир бўлган жаҳон урушлари фарб қадриятлари тизимида пашроқандаликни кучайтирди. Шу тариқа

инкиюзламачиликка асосланган фарб ахлоқий меъёрлари ҳам ёш авлодни қаноатлантирумай қўйди. Улар “сексуал инқилоб”, турмуш ҳамда мулоқот эркинлиги ва шу каби бошқа ҳукуқларни талаб қилиб чиқди. Натижада ўтган асрнинг 60-йиллари иккинчи ярмидан аксарият Фарб давлатларида ёшларнинг оммавий норозиликлари юз бера бошлади. Ана шундай оммавий норозиликлар сабабли 1968 йилда ҳатто Франция президенти генерал де Голь истеъфога чиқишига мажбур бўлди. Оммавий норозиликлар беиз кетмади. Фарбда ахлоқий қадриятлар маълум даражада қайта баҳоланди. Беҳаёликни очиқ тасвирлайдиган санъат асрларига нисбатан тақиқлар анча “юмшади”.

Бундай ўзгаришлар натижасида Германия ва Италия каби давлатларда ёшларнинг “қизил бригадалар” деб аталмиш террорчилик тўдалари, Фарбнинг деярли барча мамлакатларида ўзларини “хиппи” деб атайдиган гурухлар пайдо бўлди. Хиппилар очиқасига анъанавий одоб-ахлоқ қоидаларини инкор қилиб, эркин жинсий алоқаларни ёқлаб чиқди. Улар яхши кийинишни, айниқса безакларни, шунингдек, оиласвий турмуш қоидаларини шахснинг табиий интилишларини чеклайдиган инкиюзламачи буржуа ахлоқининг сарқитлари, деб эълон қилди. Бу ҳаракат замонавий оммавий маданият таркибида аксилмаданият унсурларининг кўпайишига ҳисса қўшди. 70-йилларнинг иккинчи ярми ва 80-йилларда хиппилар ўрнида “панк”лар ҳаракати пайдо бўлди. Хиппиларнинг аксарияти ёши улгайиб радикал қарашларидан воз кечди, таъбир жоиз бўлса, қариди куйилди, аммо уларнинг айримлари янада тубанлашиб, “панк”лар ҳаракатининг асосчисига айланди ва ёшлар орасидан янги издошлар топди. Панклар — аксилмаданият руҳида тарбия кўрган ёшларнинг люмпен (тубанлашган) қатламидир. Панклар аксилмаданиятнинг асосий таянчи, истеъмолчиши ва тарғиботчисига айланди. Тан олиш керакки, қисқа муддат давом

этган хиппи ва панклар ҳаракати оммавий тус олмади. Чунки унинг аксарият вакиллари ақли расо кишилар эди.

Аммо 60-70-йиллардаги ёшлар ҳаракати Farb дунёсида сиёсий ва ижтимоий ислоҳотларга сабаб бўлмаса-да, ёшлар онгида, жамиятнинг маданий ҳётида сезиларли салбий из қолдирди, аksilmadaniyatni "қонунийлаштириди", оммавий маданиятнинг саёзлашувига катта хисса кўшди.

Албатта, кичик бир мақолада оммавий маданиятдек улкан ижтимоий ҳодисанинг бунчалик кенг тарқалишига асос бўлган барча сабабларни таҳлил қилишнинг имкони йўқ. Унутмаслик керакки, бу сабаблар орасида баъзи ижтимоий қатламларнинг ривожланмаган дидига оммавий маданиятда кўп учрайдиган мазмунан саёз, сийқа ва жўн маҳсулотларнинг мос келиши ҳам мавжудлигини инкор этиб бўлмайди. Оммавий маданият бир томондан аксилмаданиятга бориб тақалса, иккинчи томондан мумтоз маданиятга бориб тақалади. Шу боис бундай маданият намуналари ичida нозик дид ва юксак маҳорат билан яратилган асарлар ҳам йўқ эмас.

Кези келганда, оммавий маданиятнинг тарқалишига туртки бўлган яна бир сабабни алоҳида таъкидлаш зарур. Бу сабаб шундан иборатки, оммавий маданият баъзи жиҳатлари билан компенсаторлик вазифасини бажаради, одамларни турмуш муаммоларидан, турли қийинчилликлардан бир оз чалғитади, шахсий номукаммаллик туйғусидан вақтингчалик халос қиласи, кўнгилга таскин беради. Одамлар хаёлан ўзини эрмак телесериаллар қаҳрамонларига ўхшатади, рақиблари ёки ёмон кўрган кишиларини улардаги салбий персонажларга қиёслайди, ёмонлик барибир жазолана-

ди, деб ўзини овутади. Тўқис ҳаётга реал дунёда етиша олмаган киши фильмлар ва сериаллар орқали виртуал (хаёлий) тарзда фаровонликдан, "гўзал турмуш"дан гўёки баҳраманд бўлади. Оммавий маданиятнинг айнан шундай компенсаторлик хусусияти уни авомга жозибадор қилиб кўрсатади. Бундай асарлар оддий одамга хуш кайфият бағишиласа, унинг компьютер ўйинлари каби энг замонавий шакллари кишини мониторга, аниқроғи, ундаги ўйинга руҳан тобе қилиб кўймоқда.

Ўтмишда компенсаторлик вазифасини диний панд-насиҳатлар бажарган бўлса, эндилиқда оммавий маданият бажармоқда.

Глобаллашувнинг салбий оқибатларини, оммавий маданият никобидаги аksilmadaniyat ва турли фаразли, нохолис ахборотлар хуружининг таъсирини мумкин қадар камайтириш учун аҳоли, айниқса, ёшларнинг сиёсий онгини, ҳуқуқий, ахлоқий, эстетик маданиятини юксалтириш талаб этилади. Навқирон авладни миллий ва умумбашарий қадриятларга, маданият дурдоналарига болаликдан бошлаб ҳурмат руҳида тарбиялаш, уларда оммавий маданиятга хос айрим кўринишларга танқидий муносабатни, аksilmadaniyatga, турли бузғунчиғоялар ва ахборотларга нисбатан мағкуравий иммунитетни шакллантириш алоҳида аҳамият касб этади.

Шу нуқтаи назардан қараганда, Президентимиз раҳнамолигида ёш истеъоддларни қадрлаш, уларни ҳар томонлама кўллаб-куvvatлаш борасида кейинги вақтда юртимизда амалга оширилаётган кенг кўламли ишлар таҳсинга лойикдир. Ҳеч шубҳасиз, маънавий-маърифий соҳада кўрилаётган бу эзгу тадбирлар амалий самарасини беради.

Чори НАСРИДДИНОВ



Эссе

1

Биз географияни мактабда олтинчи синфдан ўргана бошласак-да, бу соҳадаги билимларга икки-уч ёшимиздаёқ эҳтиёж сезамиз ва уларни ҳаётнинг амалий сабоклари сифатида ўзлаштира бошлаймиз. Дейлик, ўзимизни қуршаб турган кичик оламни, ундаги томонларни ёки уч ўлчамли фазонинг энг оддий хусусиятларини ўрганиш ҳам, маълум маънода, жуғрофий билимларга асосланади.

Маълумки, дунёвий илмлар табиий ва ижтимоий йўналишларга бўлинади. Яъни, табиатшунослик фанлари табиат, жамиятшунослик фанлари эса жамият ҳаёти билан боғлиқ билимларни ўрганади. Бошкача айтганда, барча фанлар бир хил ҳодисаларни турли нуқтаи назардан тадқик қиласди. Шу маънода, табиий фанлар ҳам, ижтимоий фанлар ҳам яхлит бир бутунликни таш-

кил этади. Чунки улар ўрганадиган обьектнинг ўзи бўлинмас ва ягонадир.

Мактабда ўқиб юрган кезларимизда синфимизда “Оссиё” деган қишлоқдан ҳам дарсга қатнайдиган болалар бор эди. Болалик экан-да, баъзан гап талашиб қолсан, уларни “осиёлик” дея ўзимизча мазах қилган бўлардик. Нимадир бўлиб бу гапдан жуғрофия ўқитувчимиз хабар топибди. Бир куни у ана шу тенгдошларимизнинг кўнглини кўтариб, “Оссиё — дунёдаги энг катта қитъа. Қишлоғингиз бу ном билан аталишидан ҳар қанча фахрлансангиз арзийди”, дегани ёдимда. Шу воқеадан кейин “оссиё”лик синфдошларимни яхши кўриб қолдим. Ўқитувчимизнинг биргина изоҳи ўтамиздаги меҳр риштасини мустаҳкамлаган эди.

Дарҳақиқат, Осиё дунёдаги энг катта қитъа бўлиб, унинг майдони 43,4 миллион квадрат километрни ёки жами куруклигининг 30 фоизини ташкил этади. Таниқли

француз шоири Поль Валерининг “Европа — Осиёнинг кичик оролчасидир” дегани бежиз эмас.

Осиё — энг қадим цивилизациялар макони. Япония, Хитой, Хиндистон, Месопотамия, Яқин Шарқ, Византия, Марказий Осиё башарият тарихидаги ноёб топилмаларга ниҳоятда бой.

Ватанимиз худудидаги энг қадимги манзилгоҳ Фарғона водийсидаги Селунгур горидан топилган. Маълум бўлишича, бундан миллион йил аввал ҳам бу ерда одамлар яшаган экан. Шу жиҳатдан, қадимшуносларнинг инсоният бешиги Африка эмас, балки Осиё, деган қаравшари асослидек туюлади. Осиё қитъасида асрлар давомида Бобил, Шумер, Осуря, Хараппа, Урарту, Турон каби буюк давлатлар хукм сурган. Агар бу давлатлар шаклланган минтақаларнинг жуғрофий ўрнига эътибор берилса, улар экватордан таҳминан бир хил узоклинида ва унга параллел тўғри чизиқда жойлашганини кўриш мумкин. Бинобарин, бу цивилизациялар мўътадил табиий иқлим шароитига эга бўлган минтақаларда ривожланган. Бу эса мазкур маданиятлар қандайдир тасодиф билан эмас, муайян ижтимоий-тарихий ва табиий шарт-шароитлар таъсирида вужудга келган, деб айтишга асос беради. Шу ўринда ўн иккинчи асрда яшаб ижод килган машхур араб мутафаккири Ибн Рушднинг иқлиmlар ҳақидаги таълимотини эсга олсан. Аллома дунёни учта — иссиқ, мўътадил ва совуқ иқлими мухитга бўлган. Унинг фикрича, доимо ёз бўладиган иссиқ ўлкаларда яшаш учун зарур маҳсулотлар етарли, қулай об-ҳаво шароити мавжуд экани боис инсонларни қоринфами, бошпана муаммоси кўп ҳам ташвишлантиргмаган. Совуқ об-ҳаво ҳукмрон юртларда эса одамлар овқат излашга ҳамда совуқдан ва йиртқич ҳайвонлардан ҳимояланиш йўлларини ахтаришга мажбур бўлган. Шунинг учун ҳам бу иккала минтақада ижтимоий-маданий ривожланиш юз бермаган. Бундай юксалиш фақат мўътадил иқлими ўлкаларда содир бўлган. Негаки, бу ўлкаларда йил фасллари алмашиниб туради. Одамлар иссиқ кунларда қиши фамини ейишга, яъни озиқ-овқат ва бошқа зарур нарсаларни жамлашга, шунингдек, уйжой қуришга мажбур бўлган. Айнан шу эҳтиёж цивилизацияга туртки бўлган. Кейинги асрларда юз берган илмий-техник тараққи-

ёт таъсирида шимолий, яъни совуқ, шунингдек, иссиқ минтақаларда жойлашган мамлакатлар ҳам кўп соҳаларда юксак ривожланиш босқичларига эришди.

Маълумки, ҳар қандай мамлакат, ўлка ва миллат тарихи уларнинг номидан қадимийроқ бўлади. Айтишларича, “Осиё” номини юононлар қўйган экан. Гап шундаки, “Осиё” сўзи юонончада “Шарқ” деган маънони англатади. Буни қарангки, қадимий ҳалқлардан бўлган осурийлар тилидаги “асу” сўзи ҳам шундай маънода ишлатилар экан. Қизифи, “Европа” атамаси ҳам грекчадан олинган бўлиб, юонча “европа” ва осурийча “эреб” — “ғарб” деганидир. Буларнинг барчasi дастлабки цивилизациянинг Осиёда, аникроғи Олдосиёда пайдо бўлганини билдиради. Қадимги аждодларимиз дунё ҳақидаги тасаввурлари бир оз кенгайгач, ўзларидан кунчикар томондаги ерларни Осиё — Шарқ, кунботар тарафдаги ўлкаларни эса Оврупо — Ғарб деб атай бошлаган.

Қадимги цивилизациялар ҳақида гап кетганда, аслида яхлит бир қуруқлик — материк бўлган Оврупо ва Осиё қитъаларини ўзаро қиёслаш анъана тусини олган. Бу ҳолатни Оврупо ва Осиёнинг умумбашарий тараққиётга кўшган улуши юксаклиги билан изоҳлаш мумкин. Маълумки, Африка ҳам энг қадимги одамлар яшаган маконлардан хисобланади. Айни пайтда, осиёча рӯҳ сезилиб турадиган қадимги Миср маданияти эътиборга олинмаса, бу қитъа тараққиётдан анча ортда қолган. Кейинчалик қашф қилинган Америка ва Австралия қитъалари эса янги цивилизациялар макони бўлиб, уларнинг ҳозирги кундаги юксак ижтимоий ва иқтисодий тараққиёти Оврусиё маданиятининг маҳсули, холос.

2

Тадрижий таълимот тарафдорлари хисобланган қадимшунос олимларнинг эътироф этишича, одам дастлаб Африка қитъасида пайдо бўлган, аникроқ қилиб айтсак, ҳайвонот оламидан ажralиб чиқсан. У тур сифатида аста-секин кўлайиб, табиий-ижтимоий маконини кенгайтириб борган. Тараққиётнинг маълум бир босқичида бу жараён кучайиб, шу даражага етганки, бир замонлар одамзодга бешик бўлган макон — Африка замини унга торлик қилиб қолган. Шу тариқа бундан бир неча миллион йил

аввал қадимги ажоддлардан бир гуруҳи жа-
зира маънанинг тарк этиб, ўзлари учун ҳали
номаълум бўлган диёр — Осиёга йўл ола-
ди. Улар хозирда бу икки қитъани ажратиб
турган сунъий сув ҳавзаси — Сувайш канали
худуди орқали ўтиб келган. Ўша замон-
ларда Олдосиё — Ўрта ер денгизи ва Форс
кўрфази оралиғидаги ҳудуднинг иқлими
мўттадил, намлик даражаси меъёрида
бўлиб, дехқончилик ва чорвачилик учун ни-
ҳоятда қулай эди.

Кўхна Месопатамия маданиятининг ай-
нан шу жойда шакллангани тасодиф эмас,
албатта. Бу жой таҳминан хозирги Ироқ
худудига тўғри келади. Месопатамия ма-
даниятининг кейинги тараққиётга нечоғлиқ
катта таъсир кўрсатганини айнан шу ерда
одамлар илк бор ҳайвонларни қўлга ўргат-
ганидан билиш мумкин. Айнан шу минтака-
да одамлар оловдан фойдаланишни ўзлаш-
тирган. Инсонлар табиий бошпаналари —
форларни тарк этиб, уй-жой кура бошлаган.
Мазкур худудда инсоният тарихидаги энг
улкан қашфиёт — ёзув пайдо бўлган. Шунни
ҳам айтиши керакки, бу қашфиётлар турли
минтақаларда, мутлақо мустақил равишда,
бир вақтда ёки турли замонларда яратил-
ган бўлиши ҳам мумкин. Айнан шу маконда
дехқончилик, чорвачилик ва хунармандчи-
лик кўринишидаги дастлабки меҳнат тақ-
симоти юз берган. Одамлар бир жойда
муқим яшашга кўнинкан. Ўтрок ҳаёт эса та-
ракқиётни тезлаштирган. Чунки овчилик ва
термачилик асосига қурилган кўчманчи ҳаёт
ривожланишни чеклаб кўяр эди. Ўтрок ҳаёт
туфайли жамоавий бирлашмаларнинг янги
шакли бўлган шаҳар ва давлатлар шакллан-
ган. Демак, шу фикрларга таяниб айтиш
мумкинки, гарчи одам биологик тур сифа-
тида Африкада пайдо бўлса-да, ижтимоий
ва маданий ҳодиса сифатида камол топи-
шида унга Осиё доялик қилган. Шундан сўнг
табиатидаги янгиллик яратишга мойиллик
руҳи инсонга тинчлик бермаган. Башарият
фарзандларининг комилликка интилиш
йўли шундан бошланган бўлса, ажаб эмас.

Бизнингча, кишилик жамиятининг асоси
хисобланадиган бир ота ва бир онадан иборат
бўлган моногам оила ҳам осиёча ҳоди-
садир. Айнан ана шундай оила қарор топи-
ши билан инсониятнинг маънавий-ахлоқий
ҳаётида улкан ўзгаришлар юз берди. Оила
ҳакиқий тарбия ўчигига, жамият таянчига
айланди. Асрлар давомида ҳар бир тузум

оиласага, унинг камолот даражасига ва аксин-
ча, ўзаро муносабатлар жамиятдаги ижти-
моий-иқтисодий ва ҳатто сиёсий мухитга
таъсир кўрсатгани шубҳасиз. Буни айниқ-
са жамият ва инсон ҳаётида ахлоқий қадри-
ятиларнинг роли ошиб борганида кўриш
мумкин. Айнан ахлоқ оила ва жамиятнинг
камол топишида муҳим роль ўйнади. Ке-
йинчалик, давлат пайдо бўлиши билан, ах-
лоқ ижтимоий хулқ-атвор ва ҳатти-ҳаракат-
ларнинг мажбурий шакли — ҳуқуқий онг
ҳамда қонунларнинг шаклланишига асос
бўлади.

Хозирги кунда инсонга қаратилган ах-
борот оқимининг ошиб бораётгани ҳақида-
ги мулоҳазалар тез-тез қулоққа чалиниб
турибди. Буни ахборотларнинг шакл ва
мазмун жиҳатидан ўзгараётганига ишора
деб тушуниш мумкин, албатта. Аммо, биз-
нингча, бугун ахборот камайса камайдики,
лекин зинҳор кўпайгани йўқ. Ўлаб кўринг,
қадим замонда яшаб қолиш учун табиат
билан шундай ўйғуналашиб зарур эдики, бу
инсон ва табиий мухит ўртасидаги фаол
ахборот алмашинувини тақозо этарди. Бу
ҳол ўша олис замонларда ҳаёт-мамот ма-
саласи бўлиб, мувозанат бузилган тақдир-
да инсон ҳалокати муқаррар эди.

Инсоният тарихига назар ташласак, мад-
аниятнинг асл моҳияти инсоннинг инсон-
ликка интилишида яққол намоён бўлади.

Бундай интилиш эса аввало Осиёдан
бошланган. Машҳур Farb файласуфи Зиг-
мунд Фрейд “Ҳар қандай маданият — инсон
устидан қилинган зўравонлиқдир” деганида
маданиятни қоралаш ниятидан мутлақо йи-
роқ бўлган. У шунчаки ижтимоий ва ахлоқий
меъёрлар мажбуриятидан холи ибтидоий
одам билан бир қадар ижтимоийлашган ва
маданийлашган янги давр кишиси ўртаси-
даги фарқни кўрсатмоқчи бўлган, холос.
Фрейд бу муаммога файласуф ва руҳиятшу-
нос сифатида назар ташлайди. Айтайлик,
кўнглига келган ишни қилишга ўрганиб қол-
ган одамга бирон нарсани ман этсангиз, қандай
ахволга тушади?! Маданият ҳам ибти-
доий одам учун ана шундай ўзига хос маъ-
навий ва ахлоқий чекловлардан иборат му-
носабатлар мажмуидир.

Умуман, табиат ва жамиятда мутлақ эр-
кинлик бўлиши мумкини? Асло, йўқ! Бор-
ликдаги ҳамма нарса ва ҳодисалар қатъий
қонунлар асосида бир-бири билан боғлан-
ган. Шу маънода, “Эркинлик — англанган

заруратдир" деган гап зап топиб айтилган. Демак, инсоннинг эркинлик даражаси унга ўз мамлакати конституцияси ва қонунлари белгилаб берадиган эркинликлар билан бир қаторда, унинг онг даражасига ҳам боғлиқ. Албатта, бу ўринда ахлоқий қадриятларни ҳам унугиб бўлмайди. Ҳамонки шундай экан, маданий қадриятлар ҳар томонлама камол топган замонавий жамиятлар ва шахсларнинг шаклланishiда ҳал қилувчи роль ўйнайди.

3

Осиёда инсоният камолотида улкан аҳамият касб этган ўлмас маънавий қадрият — дин пайдо бўлди. Шубҳасиз, дин инсон учун энг азиз ва муқаддас қадриятлардан бири ҳисобланади. Диний онг пайдо бўлиши билан жамиятдаги жуда кўп иллатларга барҳам бериш имкони туғилди, муҳими, ахлоқий қадриятлар кучайиб, диний мезонлар қонун тусини олди. Диний дунёқарашибнинг такомиллашуви оқибатида дастлаб бир қабила доирасида пайдо бўлган динлар аста-секин миллий динларга айланса борди. Кейинроқ дунё динлари пайдо бўлди. Бу динларнинг барчаси айнан бизнинг қитъамизда пайдо бўлганини хурматли ўкувчига эслатишнинг зарурати бўлмаса керак. Бу жараёнда Марказий Осиё ҳалқлари ҳам фаол иштирок этган. Қўхна Хоразм заминида шаклланган зардустийлик таълимотида яккахудолик фояси илгари сурилади. Зардустийлик биринчи марта меҳнатни энг савобли амал — ибодат сифатида тарғиб этади. Зардустийликнинг бундай фоялари, ҳеч шубҳасиз, бошқа диний таълимотлар ривожига ҳам ижобий таъсир кўрсатган.

Қадимги юон фанининг илмий ва маданий ютуқлари ҳам Оврупога айнан Осиё орқали ўтиб боради. Осиёликлар қарийб йўқолиш арафасида турган бу бебаҳо меросни овруполикларга қайта тиклаб ва бойитиб берган. Бу маънавий-маърифий жараёнда IX-XII асрларда яшаб, иход қилган осиёлик олимлар (уларнинг кўпчилиги марказий осиёлик эди) томонидан ўрганилиб, араб тилига таржима қилинади. Айниқса, Форобий ва Ибн Сино каби буюк қомусий алломалар бу ишга улкан ҳисса қўшган. Кейин бу мерос араблар кўл остида бўлган Шимолий Африка ва Переней ярим ороллари орқали Оврупога тарқалади. Бу

ҳақиқатни Фарб фалсафасининг йирик вакили — Гегель "фан ва билимлар, айниқса фалсафа Farbga араблардан ўтган", дея ҳақли равишда эътироф этади.

Тарихдан аёнки, ўтишда Оврупода марказий осиёлик олимлар ҳам араб деб ҳисобланган. Чунки улар асарларини ўша пайтда ҳалқаро тил, қолаверса, ҳукмрон мафкура тили бўлган араб тилида ёзишга мажбур эди. Ажабланарли томони шундаки, ҳанузгача ана шу таъсирдан қутуолмаган айрим юртдошларимиз буюк аждодларимиз номига беихтиёр "Al" қўшимчасини қўшиб айтади. Яъни, уларни "араб" деб кўрсатмоқчи бўлганларнинг тегирмонига билиб-бilmay сув қўйиб юборади.

Фарб олимлари кўпинча Оврупонинг Осиёга таъсирини тан олиб, Шарқнинг Farbga кўрсатган таъсирини инкор этади. Таникли шарқшунос олима Фозила Сулаймонова "Шарқ ва Farb" деб номланган китобида бу ҳақда атрофлича фикр юритган, юонларнинг босқинчилик юришлари давомида Шарқ ҳалқларидан кўп нарсаларни ўрганганини далиллар асосида ёртиб, исботлаб берган. Ҳақиқатан ҳам, Шарқ ҳалқларига хос давлат тузуми, иқтисод ва маданият эллинизмга кучли таъсир кўрсатган. Бу эса ҳеч қайси ҳалқ ёки элат бошқа ҳалқлардан узилган ҳолда тараққиётга эриша олмаслигини яна бир бор тасдиқлайди.

4

Ер сайёраси — тирик вужуд. Биз унинг таркибини иккiga — органик ва ноорганик моддаларга бўлиб ўрганамиз. Бу нисбатда гарчи жонсиз, яъни ноорганик жисмлар ҳам бўлса-да, заминимиз биокимёвий жиҳатдан тирик организм ҳисобланади. Негаки, жонсиз муҳитда ҳаёт бўлиши мумкин эмас! Қолаверса, одамзод ўз нигоҳини олис коинот бўшликларига қаратган бўлмасин, Ер ҳақидаги билимларимиз ҳаминқадар. Биргина мисол, одамзод фақат геология нуқтai назаридан замин бағри бўйлаб бир неча ҷақирим ичариға кира олди, холос. Унинг пастки қатламлари ва айниқса, ядроросида кечадиган жараёнлар ҳақидаги илмий хулосалар нари борса, гипотеза, яъни илмий тахминидир. Физика соҳасидаги кеийинги тадқиқотлар сайёрамиздаги ҳаётни таъминлаб турган муҳим омиллардан бири бўлмиш Ернинг магнит майдони унинг

ядросида кечадиган жараёнлар билан тўғридан-тўғри боғлиқ эканини исботлади. Бундан ташқари, Ердаги ҳаёт сайёрамизнинг ўлчами, атмосфера ҳавосининг кимёвий таркиби, сувнинг физикавий ва кимёвий хусусиятлари, озон қатлами, заминнинг Куёшга нисбатан узоқлиги ва оғиш бурчаги каби яна юзлаб, эҳтимол, минглаб омилларга боғлиқи, буни шунчаки тасодиф дейиш, юмшоқ қилиб айтганда, ҳақиқатни тан олмаслик бўлур эди.

Сўнгти вақтларда оммавий ахборот воситалари сайёрамиз экологиясининг ёмонлашаётгани, асосий энергия манбалари бўлган кўмир, нефть ҳамда табии газнинг тобора камайиб бораётгани ҳақида ташвиш ва хавотирли маълумотларни тез-тез баён қилмоқда. Аслида, бу — табии ҳол. Чунки ҳозирги тараққиёт, цивилизацияйнан ана шу минерал захираплар асосида юксалмоқда. Шунинг учун ҳам баъзи адабиётларда "нефть цивилизацияси" деган атаманинг ишлатилаётганига ажабланмаса ҳам бўлади. Аммо шуни унутмаслик керакки, она ер бағридаги табии захираплар аёвсиз қазиб олиниши оқибатида экологик мувозанат бузилиб, инсон ҳаётига хавф кучайиб бормоқда.

Одамзод турли даврларда маълум бир предмет ёки моддадан энг кўп даражада фойдаланган: тош даврида асосий меҳнат куроллари тошдан, темир ва бронза даврларида эса улар мазкур металлардан ясалган. Кейинчалик бу металлар ўринини бошқа маъданлар эгаллади. Лекин уларнинг бирортаси ҳам охиригача тугаб битгани йўқ. Бу гал ҳам шундай бўлади — нефть ва табиий газ тугамасдан туриб одамзод энергиянинг бошқа манбаларини кашф этади! Ҳозир бу йўлда муйян ишлар амалга оширилди: атом энергетикасига асос солинди, Куёш энергиясидан фойдаланиш ва термоядро реакторларини яратиш устида самарали илмий тадқиқотлар олиб борилмоқда.

Кимёвий элементлар даврий жадвалини яратган Д.Менделеев нефтдан ёқилғи сифатида фойдаланишни пулни ёкишга қиёслаган эди. Ҳақиқатан, бу ноёб кимёвий бирикмадан ёқилғи ўрнида фойдаланиш кўпам мақсадга мувофиқ эмас. Чунки, биринчидан, нефть қайта тикланмайдиган табиий бойлиқ, иккинчидан, у шунчалик ноёб кимёвий таркиб ва тузилишга эга бўлган минералки, ундан ёқилғидан кўра қиммат

ва фойдали юзлаб турдаги маҳсулот олиш мумкин. Учинчидан эса, ер бағрида ётган нефть, кўмир, табиий газ ва бошқа минерал хомашё захираплари бутун сайёрамиз биоэкосистемасидаги табиий мувозанатнинг мухим омилидир.

Тўғри, қадим даврларда ҳам инсон фаолияти оқибатида атроф-муҳитга зарар етган, бироқ уларнинг ўрни қиска вақт ичида қайта тикланган. Бунинг сабабларини куйидагича изоҳлаш мумкин: биринчидан, табиий муҳит соғлом бўлган; иккинчидан, етказилган зарар кўлами катта бўлмаган; учинчидан, бу таъсир муҳитнинг биокимёвий таркибини ўзгартирадиган даражада эмас эди; тўртинчидан, дунё аҳолиси жуда кам эди; бешинчидан, ўсимлик ва ҳайвонот оламига мансуб организм турларининг ҳаммаси тўлиқ сақланган эди; олтинчидан, ҳали катта шаҳар ҳамда мегаполислар йўқ эди.

Фожиа шундаки, одамзод охирги минг ийилликлар давомида биологик, ҳатто ижтимоий-маънавий жиҳатдан ўзгармагани холда, табиий муҳит тез суръатлар билан салбий томонга ўзгариб боряпти. Шу боис ҳозирги даврда табиий муҳитни соғломлаштириш учун инсоннинг ўзини маънавий-ахлоқий жиҳатдан ўзгартириш керак, деган фикрни нафақат экологлар, балки бошқа соҳа вакиллари ҳам борган сари қатъий тарзда таъкидламоқда. Кейинги вақтларда илмий ва сиёсий адабиётларда, оммавий ахборот воситаларида "экологик этика", "табиат этикаси" сингари фалсафий-ахлоқий мазмундаги янги атамалар пайдо бўлгани ҳам бежиз эмас.

5

Эсингизда бўлса, Қатар давлати пойтахти Доха шаҳрида бўлиб ўтган Осиё ўйинлари мусобақаларида иштирок этган 45 та мамлакат орасида медаллар сони жиҳатидан Хитой биринчи ўринни эгаллаган эди. Яқинда ўтказилган Пекин олимпиадасида ҳам шундай бўлди. Шарҳловчилар таъкидлаганидек, бу давлат вакилларининг спорт соҳасидаги бундай фаоллиги кўпчиликни ҳайратга солмоқда. Лекин тан олиш керакки, дунёдаги энг қадимий цивилизация ўчоқларидан бири бўлган бу мамлакатда ҳамма соҳаларда улкан ўзгаришлар амалга оширилмоқда. Ялпи ички маҳсулотнинг

йиллик ўсиш суръати ўртача 9 фойизни ташкил этаётганинг ўзи бу халқ салоҳиятидан далолатдир. Бу давлат Бирлашган Миллатлар Ташкилоти Ҳавфсизлик Кенгашининг доимий аъзоси сифатида жаҳон сиёсатида тобора юксак нуғузга эга бўлиб бормоқда.

Хитой илмий-техник имкониятлари нуқтаи назаридан ҳам дунёнинг илгор давлатларида бирига айланмоқда. У бошқа мамлакатлар ёрдамисиз космонавтика соҳасини жадал ривожлантироқда. Ҳозирги кунда бу йўналишда ўзаро ракобатчи бўлган АҚШ ва Россия Федерацияси давлатлари сафидан ҳақли равишда муносиб ўрин эгаллашга эришди. Хитой ялпи ички маҳсулот ишлаб чиқариш бўйича бугун дунёда тўртинчи ўринда туради. Таникли иқтисодчилар тез орада унинг бу соҳада учинчи ўринга чиқиб олишини башорат қилмоқда.

Ижтимоий ва иқтисодий соҳалардаги бундай катта ўзгаришларни Осиёнинг бошқа давлатларида ҳам кузатиш мумкин. Айтайлик, кейинги бир неча юз йил давомида энг қолоқ ўлкалардан бири бўлиб келган Хиндистон ҳам ўзининг иқтисодий ва илмий-техникавий ютуклари билан жаҳонни ҳайратга соляпти. Қизиги шундаки, аҳолисининг каттагина қисми ишсиз, қашшоқ ва бошпанасиз бўлган бу мамлакатда ялпи ички маҳсулотнинг йиллик ўсиш ҳажми 7 фойизни ташкил этмоқда.

Аёнки, Оврупо Иттифоқи сиёсатида АҚШнинг таъсири сезилиб туради. Бу қитъанинг ҳамма масалаларда Америка билан узил-кесил ҳамфиқр бўлиб яшашига ҳозирча тарихий ўзига хослигини сақлаб қолишига интилаётган Франция ва Германия монелик қилмоқда, холос.

Африка эса, аксинча, табиий, сиёсий, демографик ва иқтисодий талотўплар олдида ожизлигини намойиш қилиб кўйди. Бу ўлканинг табиий захираларидан истаганча фойдаланишга ўрганиб қолган Оврупо унга ҳар томонлама ёрдам беришга кўп ҳам ошиқаётгани йўқ.

“Яқин Шарқ инсониятнинг Африкадан кейинги иккинчи катта муаммосидир”, деб ёзади сиёсатшунос Вадим Дубков. Унинг учта қитъа ўзаро туташган минтақада жойлашгани эса муаммони янада чигаллашибуради. Бу зиддиятни ҳал қилиш борасида энг катта ваколатга эга бўлган БМТ ўз фаолиятида турли хил ташки таъсиirlарга дуч келяпти. Оврупо Иттифоқи, НАТО ва

Катта Саккизликка аъзо давлатлар шундай сиёсий кучлар сирасига киради. Улар кўпинча халқаро муаммоларни ҳал қилишда БМТга муқобил куч сифатида йўл тутишга ҳаракат қилмоқда, бу эса кўпинча вазиятни юмшатиш ўрнига янги зиддиятлар келтириб чиқармоқда. Ўз навбатида БМТни ислоҳ қилиш ҳақидаги таклиф ва мулоҳазалар ҳам тобора қатъий тус олмокда.

Жаҳоннинг улкан ҳудудларини эгалланган Овруосиё кенгликларига дикқат билан назар ташланса, иккита мухим жиҳат эътиборни жалб этади. Биринчиси — табиий захиралари тобора тугаб бораётган ривожланган Оврупо ва минерал хомашё бойликлари мўл-кўл, бироқ иқтисодиёти нисбатан кам тараққий этган Осиё ўртасидаги ўзига хос зиддият; иккинчиси эса Оврупода давлатларнинг эллик йиллик саъй-ҳаракатлари натижасида бу қитъанинг Оврупо Иттифоқи деган ном остида тобора бирлашиб бораётганидир.

Осиё давлатлари эса ўзаро шартномалар, минтақавий ташкилотлар асосида бирлашиш ва ҳамкорлик қилишга интилаётган бўлса-да, иқтисодий, сиёсий, ижтимоий, миллий ҳамда диний тафовутлар сабаби бу қитъанинг умумий мақсад ва манбаатлар негизида бирлашиши хусусида ҳозирча бир нарса дейиш қийин. Маълумки, мамлакатимиз Овруосиё ҳамкорлик ташкилотининг аъзоси ҳисобланади. Бу эса ижтимоий-иктисодий тараққиётнинг янги истиқболларини очиб бериш билан бирга, минтақамиз миқёсида ва минтақалароро интеграция жараёнларида янада фаол иштирок этиш учун қулай шароит яратиши шубҳасиз.

Овруосиё иқтисодий ҳамкорлиги, аввали, иқтисодий ташкилот. Бу ташкилот 200 миллиондан кўпроқ аҳоли яшаётган 20 миллион 797 минг квадрат километрдан иборат бепоён ҳудудни ўз ичига олади. Фоятда мухим геосиёсий ўрни, иқтисодий-ижтимоий ва маданий салоҳиятига кўра, Ўзбекистон бу ташкилот ривожида алоҳида роль ўйнамоқда.

Қадимий қитъамиз ҳақидаги фикрларимизни якунлар эканмиз, беихтиёр Осиёнинг буюк фарзанди, сиёсатчи ва давлат арбоби Жавоҳарлал Нерунинг сўзлари қалбимизда акс садо бергандек бўлади: “Бутун дунёнинг нигоҳи Осиёга қаратилган, чунки ҳар биримизга аён — келажакнинг қандай бўлишида Осиёнинг ўрни бекиёс”.

Dunyo tovlanişdan charchamadi hech...

ЮРАК ТИЛГА КИРДИ

Беҳзод ФАЗЛИДДИН

* * *

Сўз излаб саргардон, сўз ичра зорман —
Гапдон давралардан қочиб кетди тил.
Диққинафас хона, сендан безорман —
Шеър ясаб ўтишига ҳаё қилар Дил.

Ёзганларим сари кўпаймоқда кам,
Дардларимни айтсан, нолишга йўйма.
Нопок оёқ билан қошингга борсан,
Ҳайда, Адабиёт, ишкари қўйма!

КЎНГИЛ

Ҳеч бўлмаса, хафа бўлдим, де,
Ё бўлмаса, бирор сўз айт, ҳой!
Фақат бундай қарама менга,
Кўзим тегиб синиб қолган Ой.

ЎҒИЛ

Дада, далангизга дард сочиб келдим,
Яна машаққату заҳматлар Сизга.
Белингиз оғриди, мен қочиб келдим,
Қачон олиб бердим раҳматлар Сизга?

Ая, согинчингиз сочи оқарди,
Бормадим — кўпайиб кетди тўйларим.
Шу ёшимда фақат севиши ёқарди,
Сиздан кўра кўпроқ уни ўйладим.

Бошдан нима ўтди — билдирганим йўқ,
Кимдир тўқаверди нур изларимга.
Ўзимни-ку хафа қилдириганим йўқ,
Озор бериб қўйдим азизларимга.

Майсалар, парёстиқ бўлинг, бош қўйса,
Чинорлар, Отамнинг ёнида юринг.
Боласини ўйлаб юраги куйса,
Аччиқхина қилиб чой дамлаб беринг.

Бу ташвишлар билан бўлмайди қариб,
Мени кутши учун келган оламга.
Қўллари толмасин челак кўтариб,
Булутлар, сув ташиб беринг Онамга.

Дада, дардингизга бошман, биламан,
Ая, тушларингиз бир кун келар ўнг.
Ҳали юзингизни ёруг қиласман,
Одамшоир бўлиб борганимдан сўнг.

КЕЛДИМ

Гуллар ранг алмасиб зерикмадилар,
Дунё товланишдан чарчамади ҳеч.
Ирмоқлар кўксимда биримадилар,
Келиб кўзларимдан кишинларни еч.

Бору йўғим билан ўзимга хосман,
Беназир ишқимдан ҳануз кўнглим тўқ.
Қанча юлдуз тўқди пойимга осмон,
Кўз учида бўлсин, қараганим йўқ.

Бошимни эгмоқчи эди ранж-алам,
Мудом борлигинги билаб яшадим.
Сени билласам ҳам, танимасам ҳам,
Ёдингни машъала қилиб яшадим.

Бахт шундоқ ёнимдан кетди бурилиб,
Ишқ ҳаққи, тилимни тишлаб турибман.
Шунча йилдан бери ўлиб-тирилиб,
Сен учун ўзимни асраб юрибман.



Хар куни шеър ёзиш билан машғул юзлаб одам китоб дўконларини шаклан шеърга ўхшаган "эъжод"лари билан тўлдириб ташлаётган бир замонда Шеъриятнинг муқаддас даргохи томон пул эмас, нур излаб чиққан шоирнинг ихчамгина туркумини ўқиб, кўксимдаги сўлғин туйгулар бирмунча уйғонгандек, анчадан буён руҳимни қийнаб келаётган тоза шеър согинчи камайгандек бўлди.

Даққионусдан қолган дунёда ҳар бир асл ошиқ кўхна муҳаббатни яшартирганидек, ҳар бир янги истеъод ҳам эски мавзуларни янгилайди, кўзимиз ўрганиб қолган дунёга бошқача нигоҳ ташлашга даъват этади. Беҳзоднинг шеърларида мен ана шу тозарини, ана шу ўзига хос нигоҳни, қолаверса, ўзим мансуб бўлган авлоднинг адабиётга кириб келган чоғларидаги бир нафасни сезгандек бўлдим.

Асл шоир ҳаётнинг четида туриб эмас, ичиди — унга худди пилла куртидек ўралиб яшашга маҳкум. Бу осон эмас. Мен Беҳзодга ана шу маҳкумлик ичиди шеърларидан уфуриб турган тоза ва эркин нафасни

бир умр саклаб қолишини тилайман.

Хуршид ДАВРОН,
Ўзбекистон халқ шоири



Асло тополмасин қайгу изингни,
Кулавер, ўрнингга мен сиқиламан.
Үйқуларингда ҳам асра ўзингни,
Сенга шамол тегса, мен шиқиламан.

Ой яна бепарво кўчамдан ўтар,
Шошиб Ваҳтдан олдин қошингга елдим.
Кўзларингни очгин, пардани кўтар,
Қара, тушларингдан чиқиб мен келдим!

БОЗОР

Бугун ҳам пул эмас, Нур излаб чиқдим,
Нигоҳларим тоза — кўзимда кир ийқ.
Яна назари оч тўпга ийлиқдим,
Одамман деган кўп, юзида нур ийқ.

Қандай юрак очай юраксизларга,
Наҳот, шуларни деб тўкмоқчиман тер?
Ёрдам бергим келар маҳбус сўзларга,
Гаплар осмондадир, пойгакларда Шеър.

Яшаши ҳадисини билмасман балки,
Инсонлик илмидан олурман таълим.
Ҳалолликдан сабоқ берарми ёки
Ўзи амал қилмас ҳаётмуаллим?

Тошларни чайнашга темир тишиим бор,
Чўкиб кетмасликка топарман қудрат.
Менишунослар билан нима ишиим бор,
Бу ийлдан кўз юмиб ўтгум ийқ фақат...

МЕНДАН ЯХШИ ЁМОН ЙЎҚ

Кўнглингизнинг кўшикини ёполмайсиз барибир,
Мендан яхши ёмонни тополмайсиз барибир.

Мингта булбул нағмаси битта изҳоримча йўқ,
Дунёларнинг роҳати зарра озоримча йўқ.

Кўзингизга ўт ёқар кўкка чизиб расмимни —
Иниларим — юлдузлар эслатади исмимни.

Кейин қандай яшайсиз — ҳаволар ҳам ёқмайди,
Оворалар бўлибсиз, менсиз Қуёш чиқмайди.

Изингизга гул отган дунёларнинг кўнгли кир,
Мендан яхши ёмонни тополмайсиз барибир...

“УЧЛИК” ЛАРИМ

Сўқирнинг қўлига шам берма, дедим,
Ҳаёт кағирига дам берма, дедим,
Мендан бошқасига гам берма, дедим.



Соядай қадамим поийдайди Гуноҳ,
Мени ўзимдан кўп ўйлайди Гуноҳ,
Нимага яшаига қўймайди Гуноҳ!?

* * *

Товланишини бас қил, зарга оғмайман,
Шеър билан овутма, сўзга сизмайман,
Мен ииғлай олмаслар учун ииглайман.





МАЬНО ВА МОХИЯТ

Эшқобил ШУКУР

SO'ZGA SAYOHAT

Тўхтамасдан гапирган одам бир дақиқада юздан ортиқ сўз кўллайди. Лекин у шунча сўздан бирортасини ҳам чин маънода ҳис этмаслиги мумкин. Сўзни тушуниш бошқа, уни ҳис этиш бошқа. Сўзни ҳис эта олган одамга сўз ҳам ўз сирларини очади. Чунки, ҳис этишда фикрни туйғу жонлантириб юборади. Сўзни ҳис этган одам сўзга ҳис бера олади.

Маҳмуд Кошфарийнинг “Девону луго-тит-турк” асарини ўқисангиз, ҳар бир сўзниң ўзи бир мўъжиза эканига амин бўласиз. Умуман, сўзниң туғилиши, яшаши, ўзгариб бориши, бошқа тилларга саёҳати, вақти етганда ўлими, хуллас, сўзниң умри бизни Она Тилнинг қизиқарли кечмишлар сари етаклади.


Одам анатомияси бўлгани каби, сўзниң ҳам ўз анатомияси, ўз математикаси бор. Гапни шундан бошласак...

* * *

C+Y+B =СУВ. “Ювмоқ” (йувмоқ) феълининг ўзаги — “йув”. Хўш, бу ўзакнинг ўзи қаердан келиб чиқсан? Менимча, “йув” феъли “сув” сўзидан келиб чиқсан. Одамлар, қариндошлар бежиз бир-бирига ўхшаш бўлмаганидек, сўзлар ҳам бир-бирига шунчаки қофиядош ё қариндош эмас. “Сув” билан “йув” она-бала бўлса ажаб эмас. “Сув”нинг

она сўз эканига шубҳа йўқ. Ўйлаб кўрилса, мантиққа кўра, нимаики ювилса, сувда ювилган. “Йув” “сув”дан келиб чиқсан. Алишер Навоий “йув”нинг “йуй” шаклини ҳам кўллаган. Лекин у замонлар “сув”нинг “су” шакли ҳам бўлган. Қадимги битиктошларда сув фақат “сув” шаклида берилган. Фикримизча, Навоий даврига мансуб ўзгаришлар арабий ва форсий тил таъсири натижаси бўлиши мумкин.

C+Y+T=СУТ. “Сут” оти ҳам “сув” сўзи билан алоқадордек, назаримда. Сут ҳам, сув ҳам суюқлик, демак, “суюқлик” сўзи бу сўзларга бегона эмас. Энди қуидаги шажарага эътибор қилинг ва фикрлаб кўринг. Унда бир-бирига шакл жиҳатдан ҳам, маъно жиҳатдан ҳам яқин сўзлар танланган.



Й+Э+Р= ЙЭР. Дастрлаб, "юр" ўзак феъли "ер" сўзидан келиб чиққандай туюлди менга. Чунки, кўпинча феъл ясалаётганда, моддий манбани ифодаловчи биринчи сўз — асос бўлганини кузатиш мумкин. "Ер" сўзи эса худди шундай моддий асосдир. Қолаверса, ҳавода училади, сувда сузилади, ерда эса юрилади. Бунинг устига, "ер" ва "юр" сўзи бир-бирига уйқаш. Лекин мени учинчи сўз — "йўл" ўйлантириб қўйди. "Йур" билан "йўл"ни она-бала дейишга кўп жиҳатдан асос бордай... Ерда юрилади... Йўлда юрилади... Йўл ерда бўлади. Ҳархолда, "ер" сўзи она сўзга ўхшайди.

К+Ў+З = КЎЗ. "Кўрмок" феълининг ўзаги — "кўр" "кўз" сўзидан келиб чиқкан. Мантиқа асосланилса, кўриш фақат кўзга хос. "Кўзи ожиз" маъносини ифодаловчи "кўр" сўзининг манбаи ҳам "кўз" сўзи-дир. Қарангки, кўз билан кўриш маъносини берувчи "кўр" ҳам, умуман кўрмаслик маъносидаги "кўр" ҳам бир хил товушлардан таркиб топган. Дейлик, "Кўзим кўр бўлсин, сени кўргунча мундок".

Шунингдек, осмон маъносини англатувчи "кўк" сўзи ва "кўл" сўзи ҳам "кўз" сўзи билан туғишгандай туюлади. Энди куйидаги сўзларга дикқат қилинг: КЎ+З, КЎ+Р, КЎ+К, КЎ+П, КЎ+Ч, КЎ+М. "Кўк" билан "кўл"ниң "кўз" сўзи билан алоқадорлигини дарров илғаса бўлади. Чунки, адабиётимизнинг ўн асрлик тарихида бўсўзлар бир-бирини рамзий ифодалаб келган. Шу ўринда, "кўч" ва "кўм" феълларининг "кўз" сўзига яқинлашуви ҳақида ҳам фаразимизни айтайлик. "Кўч" ва "кўм" сўзлари кўздан пана бўлиш маъносини англатмоқ мақсадида ясалган, назаримда. Зоро, тилимиз тарихида бундай феъл ҳодисаси бор: "қол" — "қоч", "сол" — "соҷ" кабилар. Бунда охирги битта товуш ўзгариши билан сўздаги ҳаракат тескари кутбга ўтиб кетади.

* * *

К+E = KE. Биргина "к+е" товушлари қовушишидан қанча сўз пайдо бўлгани мени ҳайрон қолдиради. Одатда, ҳалқ ти-лида "кел" ўрнига "ке" кўп ишлатилади. Худди шу икки товушдан тилимизда феъл-

лар, отлар ва сифатлар вужудга келган. Бир-бирига мутлақ қарама-қарши бўлган "кел" ва "кет" сўзларининг эгизак экани ажабланарлидир. Энди "кес" сўзига дикқатимизни қаратайлик. "Кес" ҳамиша "кел" билан "кет"ниң ўртасида пайдо бўлади. Масалан, "йўлни кесиб ўтди" деймиз. Ҳолбуки, йўлдан келинади ва кетилади. Демак, бу сўзлар оға-инилар. Яна "кеч" ва "кез" сўзлари ҳам "келиш" ва "кетиш" сўзлари билан уйғунлашади: "дарёни кебиб ўтди", "дунёни кезди". Қўриниб турибдики, келтирилган ҳар икки гапда ҳам келиш ва кетиш маъноси бор. Аммо, "кезмак" феълининг ўзаги "кенг" сўзидан олинган бўлиши мумкин. Чунки, кезиш ҳақида гапирилганда, беихтиёр хаёлда кенглик жонланади. Лекин "кенг" сўзида ҳам келиш ва кетиш маъноси сезилади.

Шу ўринда тилимиздаги жозибали сўзлардан бўлган "келин" сўзи ҳақида ҳам тўхталиб ўтсак. "Келин" сўзи аслида "келган" сўзидан келиб чиқкан. Бунда ҳам "кел" — ўзак сўз.

Юқорида келтирилган мисолларга асосланиб айтиш мумкинки, қадим замонларда, Она Тилимизнинг болалик даврида сўзлар ниҳоятда қисқа бўлган экан: KE+Л, KE+Т, KE+C, KE+Ч, KE+З, KE+(НГ), KE+К.

Бу менинг фаразларим, шунчаки талкиним. Эҳтимол, нотўғридир, лекин сўзни ҳис этишга, борича кўришга ҳаракат қилдим. Гейне айтганидай, "Хаёлга ошно бўл, хатодан кўркма!"

* * *

Энди она тилимиздаги баъзи сўзларнинг асл маъно илдизларига тўхталиб ўтсак. Қуйида таҳлил этиладиган сўзларнинг аксарияти бугунги кунда ҳам тилимизда фаол қўлланади. Лекин биз уларнинг асл илдизига деярли эътибор бермаймиз. Бу сўзларнинг туб маъносини англатмоқ учун Махмуд Кошгариининг "Девону луготиттурк" асарига фикран саёҳат қилмоқ кепрак. Шунда сўз ҳаётини, унинг тарихи, кечмиш-кечирмишини ҳис этмоқ мумкин.

САВЧИ (СОВЧИ). Қадимги туркий тилда "сав" — "сўз" деган маънони англат-

ган. Дарҳақиқат, биронинг эшигига совчиликка борган одам қуда бўлишни истаётган тарафнинг сўзларини етказади. Шунинг учун ҳам у “сўзи” — “совчи” дейилган. Шунингдек, “Девон”да “савчи” сўзи “пайғамбар” маъносини ҳам англатгани айтилади.

ЧАЛҒАЙ. Биз қуш қанотларини яхлит тарзда қанот деб атаймиз. Лекин қанот ён қисм, учки қисм ва елкага ёпишган қисмлардан иборат. Одамда ҳам шундай: бармок, кафт, тирсак, билак каби қўл қисмлари бор. Куш қанотларининг уч қисми “чалғай” дейилган. Ҳозирги тилимизда қанот учини ифодаловчи яхлит сўз йўқ, фақат “куш қанотининг учи” дейиш мумкин. Нимагадир қанот учини ифода қилган “чалғай” сўзи ишлатилмайди. Лекин бу сўз ўлмаган, халқ тилида чопон ёқасининг уч қисми ҳозир ҳам “чалғай” дейилади. Умуман, бу сўзга эҳтиёж бор. Чунки тилимизда “чалғай” сўзининг маъносини ифода этувчи бошқа муқобил сўз йўқ.

ДАНГАЛ. Нутқимизда “у дангал одам”, “дангал гапни айтди”, “дангал бўлинг” деган гаплар кўп ишлатилади. Бу сўз одамнинг қатъиятини, шикоатини ифодалайди. Қадимда арпа ва буғдой ўрилгач, уларнинг даста-даста қилиб боғланган боғи “дангал” дейилган. Шунинг учун бу сўз қатъиятли, бир сўзли, мард, ўзини йиғиб ололган одамларга нисбатан кўлланади.

ЯЛАНФОЧ. Қадимда “ўт тушган жой каби қора, заранг, гиёҳ битмас ер”ни ифодалашда “яланг” сўзи ишлатилган. Демак, “яланг”+ “оч”дан “яланғоч” сўзи дунёга келган.

“ГУНГ” сўзи ҳозирги кунда қулоғи эшитмайдиган ва гапиромайдиган ногирон одамга нисбатан ишлатилади. Қадимда эса “жория” маъносини англатган. Чунки жориялар тилсиз ва қулоқсиз бўлиши керак эди. Улар эшитмаслик ва гапирмасликка маҳкум эди. Ҳақиқий гунглар эса, яъни кар-соқовлар “тунгу” деб аталган.

БАЛУ-БАЛУ. Қадимги туркий тилда бу сўз, Кошварий изоҳига кўра, онанинг бешик устида айтадиган алласи маъносини англат-

ган. Бу сўз русларнинг алласи — “баю-бай” билан нақадар яқинлиги ажабланарли. Ким билади дейиз, балки ҳақиқатан ҳам бу сўзларнинг илдизи бирдир.

КИЙИК. Бу сўзни биз ҳозирги тилда тор маънода, яъни фақат оҳу маъносида тушунамиз. Аслида бу сўз барча ёввойи жониворларга нисбатан ишлатилган.

ТЎП. Кошварий изоҳига кўра, “тўп” “тўпик” сўзининг қисқарганидир. Дарҳақиқат, тўпик ҳам, тўп ҳам шаклан юмалоқ “Колток” балки “тўп-тўп” сўзининг ўзгарган шаклидир.

ЧЎП. Асл маъноси — ҳар нарсанинг сикилгандан сўнг қолган ташландиги, чиқиндиси. Бу сўзни “чўп-устихон” маъносида қўллаганимизда унинг илдизига яқинроқ борамиз. Гоҳида эса ҳўл новданни ҳам чўп деб атаймиз. “Чўп” сўзига уйқаш “чўл” сўзи ҳам қуриган маъносини билдиради. Энди “чўл” ва “чол” сўзларига эътибор берсак, улар ҳам маъно жиҳатдан бир-бирига жуда яқин. Шунингдек, “Қуриган” сўзи билан “қуриган” сўзи ҳам аслан бирдек. Шунга асослансан, “чўп”, “чўл”, “чол” сўзлари ҳар жиҳатдан бир-бирига уйғун, яъни улар қуриган маъносини беради.

ТОЛ. “Тол” деганда фақат дарахтни тушунамиз. Бу сўзининг асл маъноси — “хўл новда”. Кошварийда келтирилишича, ноzik ва хушкомат канизаклар ҳам тол деб аталган.

ЁШ. Бу сўзининг ҳам ҳозирги тилда “тол” каби маъноси торайган. Чунки “ёш” сўзи “кўкат, янги, соғ” деган маъноларни ҳам билдирган.

ЧАНОҚ (асл маъноси — идиш) — қадимда от ва молларга сув қуйилган идиш бўлган. Дарҳақиқат, пахта чаноғи — пахта турадиган идиш, мия чаноғи — мия турадиган идиш маъносида сўзининг асл илдизига яқин боради. Яна тарихда маълум бир вақт ёғочдан ясалган барча идишлар чаноқ сўзи билан ифодаланган.

ЧАВОҚ. Тилимизда “ичак-чавоқ” ибораси кўп ишлатилади. Ичак сўзининг маъ-

носи маълум. Лекин чавоқ сўзининг маънени нима экан? Кошғарий изоҳига кўра, чавоқ сўзи “кичик балик” дегани маънони англатган. Бу сўзининг ичак сўзига қўшиб кўлланишига сабаб — ичак атрофидаги майда-чуйда нарсаларни ифодалашдир эҳтимол. Чавоқ сўзи кўпроқ майда-чуйда нарсаларга нисбатан кўлланганини қадимий туркий тилда паст, тубан, майда одамнинг “чавоқ эр” деб аталганидан ҳам билса бўлади. Шунингдек, ҳозирги тилда гўшти чавақлаш мазмунидаги бу сўз уни майдалаш маъносини беради. Шу ўринда “ичак” сўзига ҳам изоҳ бериб ўтсак, “ичак” — “ичик”, “ичкари” сўзларидан олинган бўлиб, “ички” маъносига яқин келади.

“КУМ” сўзининг биз англайдигандан бошқа маъноси ҳам бор. Қадимда бу сўз сув тўлқини деган маънода ҳам ишлатилган. Қизифи шундаки, саҳро ёки чўлларда катта қумликларни кузатсангиз, уларнинг худди сув каби “тўлқинланиб” турганини кўрасиз. Яъни, қумликлар саҳрова сув тўлқини янглиғ кўриниш ҳосил қиласди. Умуман, саҳрова денгизга ўхшашилик бор. “Кум”ни сув тўлқини маъносида ишлатиш балки шундандир.

ҚОРА ЁҒ. Бугунги кунда нефтни “қора ёғ” десангиз камдан-кам одам тушунади. Ҳолбуки, қадимда нефть “қора ёғ”, “қора мой” дейилган. Керосиннинг “ер мой” дейилиши ҳозир ҳам шеваларимизда сақланиб қолган.

ҚОР. Бу сўз ҳозир тилимизда факат битта маъно, яъни осмондан ёғадиган ёғин маъносини англатади. Мажозий сифатларда ҳам айнан шу маънога таянилади. Ўтмишда бизда қатиқ томизғиси ҳам қор дейилган. Ҳар икки ҳолда ҳам оқлик маъниси асос бўлган. Аммо, қайси бири бирламчи? Ёғин маъносидаги “қор”ми ёхуд қатиқ томизғиси маъносидаги “қор”ми? Ёки улар шунчаки шакли бир бўлиб қолган сўзларми?

УНДАМОҚ. Бу сўзни нутқимизда кўп ишлатамиз. Атрофимиздагиларни нималаргadir ундеймиз, даъват этамиз. Хўш, асли бу сўз қандай келиб чиқсан? “Унда-мок” феъли “ун” сўзидан пайдо бўлган.

“Ун” — “товуш” дегани. Демак, “ундамоқ” — товуш чиқариб чақирмоқ дегани.

ЧАЛДИ. Бу феъл қадим-қадимдан бирбирига тескари бўлган икки хил маънени англатган. Тилимизда феъллар камдан-кам ҳолларда бир неча маънони, айниқса, тескари маънони билдирган. “Чалди” феълининг илк маъноси — чалиб йиқитиши: оёқдан чалди. Иккинчи маъноси — эшиттириш: куй чалди — куйни эшиттириди.

ҚОВУҚ. Дастрлаб мени “қовуқ” ва “қовоқ” сўзлари ўртасидаги ўхшашилик қизиқтириб қолди. Бу сўзларнинг бири одам танаси аъзоси маъносини билдиrsa, иккинчиси полиз экини “ошқовоқ” маъносини англатади. Қарангки, улар мазмун томондан бир-биридан узоқ, лекин товушлар уйғунлиги жиҳатдан деярли бир хил. Аммо туб маъно сари борилса, бу уйғунлик бежиз эмаслиги маълум бўлади. Яъни, “қовуқ” сўзи “ими бўш нарса” маъносини англатади. Қовоқнинг ҳам ичи бўш. “Қовоқ калла” деган ибора ҳам шундан: Балки, “қовун” сўзи ҳам бу сўзлар билан қариндошdir. Чунки қовуннинг ҳам ўртаси бўш бўлади.

АДАШ. Бу сўз ҳозир бир хил исмли кишиларга нисбатан “исмдош, отдош” маъносида қўлланади. “Адаш” сўзининг асл мазмуни — “дўст”, “ўрток” бўлган.

АЛЧАҚ (ОЛЧОҚ). Бугунги кунда ўта салбий маънода ишлатиладиган бу сўз ўтмишда “юмшоқ табиатли”, “ювош”, “заиф”, “нозик” маъноларини билдирган. Балки қўрқоқлик, ожизлик, мумсиклик каби иллатлар бу сўзининг салбий тус олишига сабаб бўлгандир. Чунки заифлик бор жойда бу каби иллатлар ҳам бўлган. Ёхуд заиф эркакларга нисбатан “алчак” сўзи ишлатилган бўлиши ҳам мумкин. Чунки, қадимги туркийлар эркак кишининг “юмшоқ табиатли”, “ювош”, “заиф”, “нозик” бўлишини асло ёқтирумаган.

КЎЗИЛДУРУК. Кошғарийда бу сўзга дуч келганимда ҳайрон қолдим, чунки минг йил аввал ҳам аждодларимиз кўзойнақдан фойдаланганмикан, деган фикрга бордим. Бўлиши мумкин. “Кўзилдурук” сўзи “ка-

сал кўзга от думидан тўқилган кўзойнак” деб изоҳланган.

СУК. “Суқланиб қараш” ибораси ҳозирги кунда кўпроқ яхши кўриш маъносини англатади. Дейлик, “Йигит қизга суқланиб қаради” каби. Асл илдизга эътибор қилсан, бу сўз “очкўзлик билан қараш” маъносини билдирган. Қадимда шаҳодат бармоғини “суқ бармоқ” дейишган. “Чунки, у овқатта ҳаммадан олдин узалувчи очкўз бармоқдир” деб изоҳ берилган “Девон”да.

СОФИНИШ. Бу сўзнинг асл маъносига эътибор қилинса, унинг тарихини яхшироқ ҳис этиш мумкин. “Софинди” сўзи энг аввал “бировнинг ғамини еди” деган маънени билдирган. Дарҳақиқат, бу сўз ҳозир ҳам бирор учун кўйиниш, бировга интилиш мазмунини англатади. Шундай экан, “сифинди” сўзининг туб илдизи ҳам “соғинди”нинг илдизи билан бир бўлса ажаб эмас.

ЙИГЛАДИ. “Девон”да “чиланди” деган сўз келтирилиб, “намланди, терлади” маъносига изоҳланган. Шевада “йиглади” сўзининг “жилади” шакли бор. Мантиқан ўйлаб кўрilsа, “чиланди” билан “жилади” бир-бирига яқин. Қолаверса, йиглагандагу кўз намланади. Тўғри, “йиглади”нинг “сигтади” шакли “Девон”да бор, аммо ҳозир ҳам тилимизда “йиглаб-сигтади” ибораси ишлатилади, бунда “сигтади” “йиглади”га яқин маънодаги бир сўз экани маълум бўлади.

ЮПАТДИ. Бу сўз бугунги кунда ижобий маънени англатувчи сўз сифатида қабул қилинади. “Фалончи пистончини юпатди” деган гапда заррача салбий жиҳат сезилмайди, аксинча, кўнгилга қараш, бировни алқаш, ўзгани эҳтиётлаш каби маънолар тушунилади. Лекин бу сўзнинг асл мазмуни “алдади”, “бошқа бировга тўнгади”, “билиб туриб билмасликка олди” дегани экан.

ЧИГАЛ. “Ишлар чигал” деган ибора ҳаммага тушунарли, лекин “чигал” сўзининг асл маъносига нима? Қадимда тугун боғланса ҳам, ип боғланса ҳам — “чигилди” деб айтилган. Демак, “ишлар чигаллашибди” деган ибора “ишнинг ёчилиши ке-

рак бўлган тугуни кўпайди” деган маънони билдиради.

ҚАЗИ сўзи ҳам ҳозирги тилимизда кўп ишлатилади. Яъни, қази — “от гўштидан тайёрланган таом”. Бу сўзнинг “Девон”да икки хил изоҳи бор: биринчиси — “одам қорнининг буқламаси”, иккинчиси эса — “от қорнининг ёғи”.

ҮТИНЧ сўзи бугунги кунда илтимос маъносини англатади. Кошғарий изоҳига кўра, бу сўзнинг қадимги маъносига “қарз”-дир. Аммо, бошқа манбаларда “үтинч” сўзининг илдизи “ўт” бўлиб, бу сўз “тила” деган маънени билдирган.

САРТ. Беҳбудийнинг “Сарт сўзи маълум бўлмади” деб номланган мақолоси бор. “Бу исм шимол ҳалқи, яъни тотор ва қозоқ қардошларимиз тарафидан Туркистоннинг шаҳар ҳалқига берилган исмдур” деб ёзади Беҳбудий. “Девон”да кўрсатилишича, бу сўз “савдогар” маъносини англатади. XX аср бошларида “сарт” сўзининг маъносига устида зиёлилар кўп баҳслашган. Беҳбудий мақолосида бу сўзниң қабила ёки элат номини англатиш-англатмаслиги борасида мулоҳазалар билдирилган. У бу сўзнинг этимологик маъносига ҳақида ҳам кўпгина олимлар фикрларини келтириб ўтган. Масалан, баъзи мутахассислар “сарт” сўзи “шарт” ёки “сариф ит” сўзларидан келиб чиқкан деса, айримлар бу сўз “маданий” ёки “тохир” маъносини англатади, деганини ҳам таъкидлаган. Бироқ мақолада Кошғарий ҳақида ҳеч нарса дейилмаган. Кошғарий ҳам “сарт” сўзининг қабила ёки элат маъносини англатиши ҳақида маълумот бермаган.

СИН — комат, гавда. “Сину сумбатига қаранг” дейилиши ҳам шу маънода. “Синчи” сўзи ҳам шундан келиб чиқкан. Синчи — отнинг гавдасига ва ташқи кўринишига қараб, унинг қандай от эканини айтиб бера олади.

ЧИЛ. Ҳозирги тилда, асосан, полвонлар кураши пайтида фойдаланадиган усул — “чил” дейилади. Масалан, “Полвон кутилмаганда рақибиға чил берди”, яъни усул қўллади. Бироқ, бу сўз қадимги ти-

лимиизда "ёмонлик" маъносини англатган. Ҳозир ҳам биронга панд берган одамга нисбатан "ёмон чил берибди" деган ибора қўлланади.

ТАРМОҚ. Кошфарий изоҳига кўра, бу сўз дастлаб сувнинг ирмоқларга бўлинишига нисбатан ишлатилган. Демак, "ирмоқ" ва "тармоқ" сўзлари бекорга қофиядosh эмас экан-да. "Ўхшатмаса — учратмас" деган мақолни сўзларга татбиқ этса ҳам бўлади. Чунки, сўзларнинг ўзаро яқинлиги та-содиф эмас.

ТИР. Бу сўзнинг асл мазмуни "яша" деган маънони англатади. Демак, "тирик" сўзи ҳам айнан шу "тир" сўзидан келиб чиқкан. Чунки "тирик" — "яшаётган" маъносида келади.

СЎҚИМ. Бу сўзнинг ўзаги, бизнингча, "соқ", чунки қадимги тилимизда "соқ" феъли "ур", "сўй" маъносини билдирган. "Сўқимга боқилган" ибораси ҳам "сўйишга боқилган" маъносини англатади.

АДАШИШ. Ҳозирги тилимизда "йўлдан озди" деган ибора бор. Ҳудди шу иборадаги "озди" сўзининг илк кўриниши "азди" бўлган. "Адашди" феъли шу сўздан, яъни, "азди"дан келиб чиқкан бўлиши керак.

ҚИЗИЛ ва ЯШИЛ. "Қизил" сўзининг ўзаги — "қиз". Мантиқан олиб қаралгандა ҳам, қизил қизга ярашади. "Яшил" сўзининг илдизи эса "ящ", яъни "ёш" сўзидир.

ЎГИТ. Бу сўзнинг ўзаги "ўг" — акл ва зийраклик маъноларини англатади. Демак, "ўгит" акл бериш мазмунидаги сўздир.

ЎРТАДИ. Бу сўзга ҳам адабий асарларимизда, айниқса, шеъриятимизда кўп дуч келамиз. Бироқ унинг асл маъносига ҳамиша ҳам эътибор қиласвермаймиз. "Ўртади" феълидаги "ўрт" ўзаги "ёнгин" маъносини англатади. "Ўртади"нинг мазмуни — "ёнгин ёқди".

ЙОҒУРТ. Ҳозирги вақтда дўконларда, реклама роликларида "йоғурт" сўзини кўп учратамиз. Қадимги тилимизда "йоғурт" сўзи "ивиган сут" маъносини англатган. Бу сўз рус тилига ўтганда ҳам ўз кўринини деярли сақлаб қолган.

НАЖДАК. Кошфарий "Девон"ида берилган изоҳга кўра, "ниждағ" бу — "қайроқтош" деганидир. Демак, "наждак" ҳам русча сўз эмас.

ОҒУЛЧУҚ. Бу сўз бачадон маъносини англатади. Ҳозир ҳам жонли тилимизда пул сақланадиган ҳамён маъносида "қопчук" сўзи ишлатилади. "Оғулчук" жуда гаройиб сўз — "ўғил жойи", аммо бутунлай истеъмолдан чиқиб кетган.

* * *

Кўярпизски, сўзларнинг ҳам ўз ҳаёти, ўзгаришлари, кечмишлари бор. Ҳар куни тилимизда қайта-қайта ишлатиладиган сўзларга эътибор билан қарасак, уларнинг тарихини, ички сехрини, ранг ва товланишларини хис этамиз. Юқоридағи каби мисолларни яна кўп келтириш мумкин эди. Лекин шу сўзлар таҳлили билан чекландик. Чунки, сўзга эътиборли одамга шунинг ўзи кифоя. Биз кўпинча сўзни факат ташки томонидан кўрамиз. Мухими, унинг ички томонига "қараш"ни ҳам ўрганишдир.

"Девон"да қадимги туркийларнинг урфодатлари, удум-анъаналари, яшаш тарзи ва кечмишлари билан боғлиқ foят қизиқарли маълумотларга дуч келасиз. Ва уларнинг то ҳозирга қадар қайсиdir шаклларда сақланиб келаётгани ёхуд тарихининг қайсиdir манзилларида кўмилиб қолиб кетгани ҳақида ўйга толасиз. Қадимги ҳаёт ҳақида сўзлардан ҳам ортиқ гувоҳлик бера оладиган яна нима бор?! Улар олис момоларимиз ва боболаримизнинг сирли турмуш тарзи сари бизни етаклаб кетади. Зоро, сўзнинг пайдо бўлиши миллатнинг майдонга келиши билан боғлиқ жараёндир.

* * *

ЯДА ТОШИ. "Яда" деб номланган гаройиб бир тош бўлган, у билан қадимгилар фол кўрган, башорат қилган. Бу ҳолат тарихдаги шомонийлик билан боғлиқ бўлиши мумкин. Қадимги туркийлар яда тоши билан шамолни чақирган. Шу тош воситасида Тангридан ёмғир ёғдиришни сўраб илтижо қилган. Ёмғир

сўраш маросимининг ўзи қабилалар хаётидаги мухим тадбирлардан бири бўлган. Чунки, кўчманчи қабилаларнинг чорваси ҳам, экини ҳам фақат ёмғирдан “паноҳ” топган.

ҚИЗЛАШУВ. Кошғарийдан аввал ҳам, кейин ҳам туркӣ қабилаларда ўртага қиз кўйиб гаров ўйнаш удуми бўлган. Қабилалараро ўтказилган камондан ўқ отиш мусобақаларида, катта пойгаларда, кўпкари ва бошқа ўйинларда бокира қизлар худди бир буюмдек совринга кўйилган. Бу одат Марказий Осиёнинг баъзи жойларида ҳатто XX аср охиirlariга қадар хуфиёна тарзда сакланиб қолган. Қашқадарёлик “Якка бўри” лақабли машҳур чавандоз — Дўстмамат чопағон ўтган асрнинг 80-йилларида Туркманистонда бўлиб ўтган бир кўпкарида совринга қиз тикилганини менга айтиб берган эди. Дўстмамат чавандоз кўпкарида қизни ютиб олган. Сўнг қизнинг яқинлари чавандозга қиз эвазига пул бериб, уни қайтариб олган экан.

КИЙИК МУШКИ. Қадимги туркӣ қабилалар орасида “кийик мушки” foят қадрланган. Хусусан, тубут қабиласи уни тайёрлашга уста бўлган. Улар кийикнинг киндигини кесиб олган, куригтан ва талқон қилиб, унга бошқа хушбўй гиёхлардан қўшиб, кийик мушки тайёрлаган. Кийикнинг киндигидаги хушбўй ҳид туркӣларга қадим-қадимдан маълум бўлган. Бу мушқдан келин-куёвлар, аслзодалар фойдаланган.

ҚАТЛАНДИ. “Девон”да “йигач қатланди” деган ибора бор. Бу бирикма “даражат мева тугди” деган маънени беради. Менга “қатланди” сўзи билан ҳомиладор аёлларга нисбатан ишлатиладиган “иккиқат” сўзи ўртасида қандайдир боғлиқлик бордек туолади. Чунки, “қатланиш” — “мева туғиши” маъносини англатса, унда ҳомиладор, яъни иккиқат аёл ҳам мева туғаётган дарахтга қиёсланиши мумкин. Дейлик, “аёл мева тугди”. Ҳозирда ҳам жанубий вилоятларимизда ҳомиладор бўлган аёлга нисбатан “туйнак туғибди” деган ибора қўлланади. У ҳолда нега “аёл қат-

ланди” эмас, “иккиқат”? Орадаги “икки” сўзи қандай кўшилиб қолган? Эҳтимол, “иккиқат” сўзи “икки қават” маъносидадир. Чунки, ҳомиладор хотин вужудида иккита одам бор. У икки қаватли, бир таҳада икки вужуд...

ЭГИЗ. Аслида қадимги тилда “эгиз” “иккиз” — “икки+з” бўлган. Яъни икки бола, эгиз бола маъносини англацган.

ОТНИ КУЗАТИШ. “У отни кузатиш мақсадида эди, унга эришди”. Отни сақлаш, бокиш, унга әгалик қилиш “кузатиш” сўзи билан ифодаланган. Эҳтимол, бу ҳол отга нисбатан туркӣларнинг хурмат-иззати белгисидир. Ўша кезларда энг машҳур мақоллардан бири — “Куш қаноти билан, эр оти билан” бўлган. Яна бошқа бир мисол. “Одамларини, отларини бизга топширди”, дейилади таслим бўлган одам ҳақида. Кўярпизки, бу ерда таслим бўлган кишининг асосий бойлиги сифатида хазиналари эмас, унинг одамлари ва отлари эътироф этилмоқда.

ИМ БИЛГАН ЭР. Қадимги туркӣларда “Им билса, эр ўлмас” деган мақол бўлган. “Им” сўзи “имо, аломат, белгилар” каби маъноларни англатади. Мақолнинг маъниси — яширин белгиларни, ишорат ва аломатларни билган киши бевақт ўлмайди, яъни жувонмарг кетмайди. Қарангки, бутун ҳаётимиз, бизни ўраб турган атроф-олам аломатларга бой. Ҳар нарсадан аломат ва ишоратни англашга интилиш бизга азалий мерос. Бу донишмандлик белгисидир. Бундай фазилат ҳалқимизда бор.

ПАТЛИ ЎҚ. Ёй ўқига елим билан пат ёпишириш кўп ҳам эътиборталаб нарса эмас. Чунки, бундай қилингандан патли ўқнинг учиси қулаилашади. Бироқ айни шу нарсани, яъни камон ўқига пат ёпишириши Америка ҳиндулари ҳам одат қилган. Ҳолбуки, бизнинг тарихимизда патли ўқ бўлган замонда Америка қитъаси ҳақида тасаввурнинг ўзи йўқ эди. Бир вақтнинг ўзида бир-бирига номаълум бўлган икки дунё одамларининг бундай бир хил одати уларнинг илдизи бир эканига далолат қилса ажаб эмас.

“ОЁҚ”ми, “АДОҚ”ми? “Оёқ” сўзининг ўзи катта тарихий йўлни босиб ўтган. Бу сўз асрлар мобайнида тошдай чархланавериб “оёқ” холига келган. Ҳозир ҳам жонли тилда одамнинг оёқ томонини “оёқсери” дейиш билан бирга “адоги” ҳам дейилади. Масалан “адогимдан ўт” ибораси оёқ томондан ўтишни билдиради ёки “бошдан-оёқ” бирикмаси гоҳо “бошдан-адок” тарзида ҳам ишлатилади. “Оёқ” сўзи одамнинг адоги — одамнинг охири деган маънени англатади. Қадимги туркий тилда “адоқ” сўзининг “адақ”, кейинроқ эса “азақ” шакли ҳам бўлган. Тилимиз тарихида “з” товушининг “й”га айланishi ҳам кузатилади. Демак, “оёқ” сўзининг келиб чиқиши бундай: адақ — азак — аяқ — ойоқ — оёқ.

УЧИБ КЕТГАН ОДАМ. Қадимги туркийлар ўлган одамга нисбатан “учди” сўзини қўллаган. Масалан, “Култигин битигтоши”да “Култигин қўй иилида, ўн еттинчида учди” дейилади. Демак, ўлган одамнинг қайгадир учб кетиши ҳақидаги тасаввур ўша даврларда шаклланган. Одамнинг ўлими унинг бутунлай йўқ бўлиб кетиши дегани эмас, балки бошқа оламларга учб кетиши деган қарашлар азалдан бор.

УМАЙ ЭНАДАН ЎФИЛ СЎРАШ. “Умайга топинса, ўғил бўлур” деган кўхна мақол бўлган. Туркийлар тарихида Умай образи алоҳида ўрин тутади. Умай она билан боғлиқ маросимлар, анъаналар, удумлар ва иримлар мавжуд бўлган. Ф.Абдураҳмонов ва А.Рустамов изоҳига кўра, “Умай — қадимги туркларнинг оналик сифатларига эга бўлган худоси”. Маҳмуд Кошфарий Умай сўзига бундай изоҳ беради: “(бала) хотин кишининг ичидан тушиб бўлгандачиқадиган қопчиқка ўхаш нарса. У боланинг қориндаги эгаси дейилади”. Демак, туғилган боланинг йўлдоши Умайга тааллуқли деган тасаввур бўлған. Ҳозир

ҳам ҳалқ орасида боланинг йўлдошига қараб кейинги туғиладиган фарзанднинг қиз ё ўғил бўлишини олдиндан башорат қиладиган доялар бор.

ҚОПДАГИ БОЛА. Кошфарий “қоп”— “қап” сўзини “филоф, жилд, ҳар бир устки ўров” дея изоҳлаш билан бирга яна бир қизиқ маълумотни айтиб ўтган. Яъни, “қап” — она қорнида бола ўралиб турган парда, халта. “Агар бола парда билан туғилса, кутлуғ деб фол қилинади. Уни қаплиф ўғул деб аталади”, деб тушунтирилган. Ҳозир ҳам парда билан туғилган болаларга бундай қараш қисман сақланиб қолган. Аввалио, улар ўз исми билан туғилган деб, “Пардабой” ёки “Пардаҳол” исми берилади ва бола ўралиб тушган пардани муллага дам солдириб, саклаб кўйилади.

ЎЗ ҚУЛОҒИНИ КЕСГАН ОДАМ. “Билга хоқон битиги”да хоқон вафот этгандан сўнг, “...шунча ҳалқ сочини, қулоғини, яногини кесди”, деган гап айтилган. Ҳозир ҳам Марказий Осиёнинг айрим жойларида жаноза пайтида аёллар сочини юлиб, юзини тирнаб-тимдалаб, қонатиб йиглайди, шундай ҳолатда йўқлов айтади. Бу удум айрим жойлардагина сақланиб қолган. Битигтошдаги бу жумлага қараганда, қадимда аза пайтида қулоқни кесиш урфи ҳам бўлган экан.

ҲЎҚИЗНИ ЕГАН ҚУМУРСҚА. Туркийлар азалдан катта нарсаларнинг ҳалокатини майда-чўйдалардан деб билган. “Ирқ битиги”да “Бир қари ҳўқизнинг белини кичик қумурсқалар ейишибди” деган жумла бор. Мен бу жумлани ўқиганимда Габриэль Маркеснинг “Ёлғизликнинг юз иили” романида бутун бир насл тақдири ҳақида айтилган “Авлоднинг сўнгги вакили қумурсқаларга ем бўлади” деган гап эсимга тушди. IX аср бошларида яратилган туркий ёдномадаги қумурсқалар ҳақидаги гап XX аср адибининг сўзлари билан нақадар ҳамоҳанг!



Шодмон ОТАБЕК

ADABIYOT QISMAT BO'LSA...

Ўзбекистон халқ ёзувчиши Шукур Холмирзаев (Оллоҳ раҳматига олган бўлсин) насрда кўп ва хўб ижод қилган. Адиб "Сайланма"ларининг "Шарқ" нашриёт-матбаа акциядорлик компанияси таҳририяти чоп этган ва китобхонлар қўлига етиб борган дастлабки уч жилдига унинг ҳикоялари киритилган бўлса, тўртинчи жилдида эссе селари жамланган.

Бундоқ олиб қараганда, эссе кўпроқ Farbda анъана бўлган ва бизга андак янгиликдай тюладиган жанр, унинг ҳамма бирдек амал қиласидиган қонун-қоидалари ҳам йўқдек. Дарвоке, Шукур Холмирзаевнинг ўзи ҳам бир ўринда буни эътироф этгандай бўлади: "Назаримда, эссе жанри имкониятларини учча-мунча сунистъемол қилганга ўштайман. На чора? Домлам эссе ҳақида менга сабоқ бермаган..."

Китобга адиб "Сайланма"ларини жонкуярлик билан тўплаб, нашрга тайёрлаган Сайёра Холмирзаева (ёзувчининг қизи) мухтасаргина "Кириш сўзи" ёзган. Маълум бўлишича, бу kitobga ёзувчининг кўпгина эссе селари "тўплам ҳажмини ҳисобга олиб" киритилмаган экан. Шундай бўлса-да, мазкур kitob адиб ижодининг янги бир киррасини намоён этди дейилса, ҳеч муболага эмас.

Шукур aka қайсиdir мақолосида "Адабиётда бўлсин, ҳаётда бўлсин умрим йўлида из қолдирган Шахслар ҳақида бир-бир эссе ёзишни илгаритдан ўйлаб юрадим", деб ёзган эди. Чиндан ҳам, бу kitobdan жой олган ҳар бир эссе ана шу эзгу ният рӯёби бўлиб, унинг "ўқтомири", албатта, адиб кечмишига, унинг хотиралари га бориб туташади. Шунга кўра, уларни мемуар адабиёт асарлари сирасига киритиш, унинг ажойиб намуналари дейиш мумкин.



Шуни холис тан олиш керакки, тақдир бир масалада Шукур акага тантлил қилган: "умр йўлида" у Абдулла Қаҳхор, Шукур Бурхонов, Матёкуб Кўшжонов, Мутал Бурхонов, Иброҳим Раҳим, Ботир Зокиров, Одил Ёкубов, Ўлмас Умарбеков, Учқун Назаров, Ўткир Ҳошимов каби замонасилинг машҳур кишилари билан бақамти бўлди. Шукур ака ана ўша Шахслар ҳақида мароқ билан, эҳтирос билан, яйраб-суйиб ёзди. Айни чоқда барча эсселарда ёзувчининг "Мен"и — Шахси ҳам "манаман" деб бўй кўрсатиб туради. Тилга олинган ҳар бир воеа-ҳодисада адабининг синчков нигоҳи яққол сезилади. Шуасно ёзувчи ўзининг мукаммал таржимаи холини ҳам яратдики, адабиётимиз тарихида бу бир янгилик бўлди.

Маълумки, Шукур Холмирзаев — илк ижодидан бошлаб воеа-ҳодисаларни четдан туриб, холис тасвирлаш усулига майл билдирган ва бу эътиқодига бир умр sodик қолган адаб. Эсселар ҳам асосан шу йўсинда ёзилган. Ёзувчи ўз қаҳрамонлари характеристидаги етакчи хусусиятларни уста мусаввир янглиғ бир-икки чизгилар билан китобхон кўз ўнгига жонли гавдалантиради-кўяди.

Шукур Холмирзаев камдан-кам қалам ахлига насиб этадиган баҳтли-омадли ёзувчи эди. Талабалик йилларида ёк китоблари чоп этилиб, ёзувчи сифатида танилган, тан олинган. Абдулла Қаҳхордек "тирик классик"дан "Тўлқинлар" қиссаси маъқуллаб ёзилган хат олган. Ёш ёзувчи бундан ҳовлишиб, ўзини йўқотиб қўймаган. Ўшандан кўнглидан кечган ўй-мулоҳазаларни, орадан йиллар ўтгач, рўйи рост изҳор қилган: "Кўп дўстларим хатни кўриб, ҳаяжонга тушиди. Айрим домлаларим мени табриклишди. Лекин мен қандайдир ҳайронлик ичиди юрдим: "Ўзлари шу ерда — Тошкентда яшасалар, нега хат ёзадилар?" деб ўйлардим баъзан... "Жавоб ёзсанмикин?" дердим-да, беихтиёр кулимсирардим... Қасам ичиб айтаман, Абдулла Қаҳхордан бундай мактуб олишдан уччалик фахрланмадим ҳам".

Ёшлиқ — фўриқида ҳамма нарса бўлиши мумкин. Юзаки қараганда, Шукур ака, сурхондарёча айтганда, "бодилик" — олифталик қилганга ўшайди. Холосага шошмайлик. Ахир, ёзувчи тўғрисини айтган-да. Демак, самимий. Балки унинг ўрнида бошқа ёзувчи бўлганида, орадан кўп йиллар ўтгач, бунақа "ношукурчилик"ни тилга олиб ўтирас эди. Шукур ака эса бундай қил-

майди, чунки рўйи рост ёзиш услугига ҳамиша содик.

Дарвоқе, ўша эссе-нинг давомида қуйидаги лар баён этилган: "...Э, чархи қажрафткор, билмаган эканман. Абдулла Қаҳхордай адаблар истисно тариқасида ўтар экан! Оддий бир қаламкашнинг машқий бир қиссасини эринмай ўқиб чиқиб, тағин ўтириб олиб унга хат ёзиш!. . .Хозир эса туриб-туриб ўйлаб қоламан: "Мана, ёшинг ҳам ўтапти. Қандай ёзувчи бўлдинг, бу — иккинчи масала. Бироқ сендан кейин адабиётга кириб келаётган ёшларнинг асарларини эринмай ўқияпсанми? Кайси бирига эринмай ўз фикр-мулоҳазаларнинг очиқ хат қилиб ёздинг?" дейман ўзимга. Мақтанолмайман. Бироқ адабиётга, ёш авлодга жонкуярлик түйусининг ҳис этилишига, ўзи, Абдулла Қаҳхор сабаб бўлганига икрорман, холос".

Йиллар ўтгач, ўша хат баҳонасида ёзувчи шундай хulosага келади, чунки адабиётга, унинг келажаги билан боғлиқ масалага у ҳеч қаҷон бефарқ қарамаган. Ушбу иқрорномада ёзувчининг фақат Абдулла Қаҳхорга эмас, умуман адабиётга муносабати ҳам маълум даражада ўз аксини топган. Адабиёт эса, унинг учун, ўзи очиқ эътироф этганидек, мўъжиза эди.

Севимли шоиримиз Эркин Воҳидов "Бизда адабий муҳитнинг тарихи маҳсус ёзилмайди" деган эди таассуф билан.

Шукур Холмирзаев адабий муҳитнинг, адабий жараённинг қайнок, жўшқин бир даврига гувоҳ бўлган адаб эди. Унинг эсселири аввало адабий, маданий-маърифий муҳитнинг бетакрор бадиий тарихи сифатида аҳамиятли ва қадрлидир.

"Одил акани ўйласам" эссеси шу жиҳатдан дикқатга сазовор. Шукур ака унда адабиётимиздаги айрим асарларнинг наинки ёзилиш, балки чоп этилиш тарихини ҳам ўзига хос йўсинда ифодалайди. Эсседа Одил Ёкубовнинг адабиётимиз олтин хазинасидан ўрин олган ва кўплаб хорижий тилларга таржима этилган "Улуғбек хазинаси" романнининг Ёзувчилар уюшмасидаги муҳокамаси мароқ билан ҳикоя қилинади.

"Партком секретарининг гагидан кейин шундай холоса пайдо бўлдики, роман қайта ёзилиши керак экан. Ҳаммада бир ҳайрат ва Одил Ёкубовга нисбатан бир ачиниш пай-





до бўлди..." деб ёзади муаллиф. Мухокамадаги қизғин баҳс-мунозараларни, Одил аканинг фақат ўзига хос бўлган нутқ тарзи, гапириш оҳангига, ҳатто дикциясини (масалан, "язувучи" дейиши...) санъаткорлар овозига ўхшатиб тақлид қиласидан пародиячи-артист каби (фақи — бу ерда ҳаммаси жиддий! Дарвоҷе, Шукур ака роствдан ҳам "артист" эди, Шукур Бурхон раҳбарлигига ҳаваскорлар саҳнасида Гамлет ролини қойилмақом ижро этган...) шу қадар маҳорат билан тасвирлайдики, бундан китобхон беихтиёр завқланиб кетади.

Одил Ёқубовнинг эҳтирос билан, жўшиби тошиб гапирганидан таъсиранган Шукур Холмирзаев "Одил ака аксар ёзувчилардан, ҳа-ҳа, деярли барчасидан фарқли ўлароқ, ўз романини ўзи... ҳимоя қила олган адаб эдики, буни ўз кўзим билан кўриб, ўз кулогим билан эшитдим, алқисса, бу адигба бўлган меҳрим яна-да ошиб кетди", дея эътироф этади.

Эссе ниҳоясида юкоридаги фикрини давом эттириб, муҳим тўхтамга келади: "Шундай Одил аканинг иккичи бир фазилатини кашф этдим — бу улкан адаб ўз асарларининг эмас, адабиётимизнинг ҳам ҳимоясига тайёр юрар экан. У нафакат адабиётни...

Шу тобда Одил аканинг — бу сирли-сехрли шахснинг Масковдаги баланд минораларда ("минбарларда" дейилмоқчи, шекилли — **Ш.О.**) туриб, аждаҳо коми қаршисида пахта ва Орол муаммоси ҳақида нутқлари кулогимга эшитила бошлади..."

Шукур Холмирзаев Одил Ёқубов ҳақида (бу тўпламга кирмаган) яна бир эссе битган. Шу тариқа ёзувчи элу юртнинг тилига, дилига тушган атоқли сиймоларни ҳақли равишда улуғлайди.

"Ай, Шукур акам-а..." эссесида Абдулла Қаҳҳорнинг садоқатли шогирди, бир умр одамларга беминнат яхшилик қилиб келган, устози каби мудом ёш ижодкорлар бошини силаган, уларга амалий ёрдам берган, тақдирнинг аёвсиз синовларидан ўтган ва замона зайлар билан ҳаётлигига қадр топмаган ажойиб инсон, шоир ва ёзувчи Шукур ҳақида ҳикоя қилинади.

Хозир эл-юртга таникли шоир Усмон Азим йигитлик палласи Германияда ҳарбий хизмат қилиб юрганида Шукур ака оқ йўл

тилаб, унинг шеърларини матбуотда чиқарди. Уни шоир сифатида кашф этибигина қолмай, келажакда катта ижодкор бўлиб этишишини ҳам башорат қиласиди.

Эсседа Шукурт аканинг инсоний фазилатлари ҳаётий мисоллар билан жуда таъсиридан ифодаланади. Шукур ака эллик ёшлик тўйини шўро даврида Дўрмондаги ижод уйидага хонанишин бўлиб, беш-олти нафар яқин дўстси даврасида камтарона нишонлайди. Ўша вақтдаги расмий доиралардан ҳеч қандай сас-садо бўлмайди. Шунда Шукур ака ўғли Бобур билан уни йўқлаб келади. Елкасига чопон ёпиб, кутлуг сана билан табриклайди.

Ёшларга панд-насиҳат қилишга маънавий ҳаққи бўлган устоз бир даврада шундай дейди: "Мен сизларни яхши кўраман. Сизлар — менинг келажагим... Адабиётимизнинг келажагисизлар... Сизлар — зўр. Биздан зўр... Биз, биз... бир-бири мизни ейишгача бордик. Кўрқоқлик туфайли. Юрак олдириб кўйган эдик. Жон ширин экан... Бизнинг ичимиздан с-сотқинлар кўп чиқди. Сотқинлик ёмон... Сизлар биздай бўлманглар, ўхшаманглар бизга".

Албатта, тарихни, ва ҳатто яқин ўтмишни яхши билмайдиган ҳозирги айrim ёшлилар бу аламли сўзларнинг маъно-моҳиятини уччалик англаб етмаслиги мумкин. Қатарон даврида жон ширинлик қилиб, бир-бирини сотганлар орасида баъзи ёзувчилар ҳам бўлганини улар эшитмаган, ўқимагандир балки. Раҳматли ёзувчининг катта дард билан айтган гаплари авлодларга сабоқдир.

Шукур Холмирзаев "Қадимий Бақтрия турпроғида", "Тоғларга қор тушди" (буларда публицистик оҳанг кучлирок), "Бир оқшом сүхбати ёки Рӯзи Чориев" каби эссларида Сурхон воҳаси ва унинг одамлари ҳақида алоҳида бир эҳтиром, жўшқин эҳтирос билан ёзади. Гарчи ёзувчи бутун онгли ҳаётини пойтахтда яшаб ўтказса-да, асарларига асосий мавзуни ўз юритидан олади, бир умр юртига талпиниб-топиниб яшайди.

Машхур рассом Рӯзи Чориев ҳақидағи эссе муқаддимасида сўз ёрдамида чизилган мухтасаргина қаҳрамон портрети аслига монанд, ўта жонли: "Рӯзи соқоли кўксига тушган, сочи гарданига етган ҳолда, бақириб-чақириб, баъзан пала-партиш, баъзан чукур хаёлчанлик билан, гоҳи бирдан пўртандек фалаён қилиб гапириши, ҳатто кўзига ёш олиб қолишини тасаввур этишининг ўзиёқ мени илҳомлантиради. Уни сўй-

ганимдан, унинг хатти-харакатларидан завқланганимдан, унинг филдек меҳнаткашлигига тан берганимдан, у билан фаҳрланганимдан шавқим кепкетаверади".

Муаллиф, ўзининг холис тасвир услубига биноан, Рўзи Чориевга "сўз бериб" кўяди. Энди завқланиш гали китобхонга келади. Болалиги етимхоналарда, сарсон-саргардонликда ўтган, Россияда ўрисча таълим олган рассомнинг она тилини андак "оёғини осмондан қилиб" гапириши, goҳo ўрисчани арапаштириб юбориши китобхоннинг фашини келтирмайди. Бу гаплар рассомнинг китоблардан ўқиб-уқиб олган хулосалари эмас, ўз ҳаёти, ижоди давомида ишонч ҳосил қылган ҳақиқатлари эди: "Э! Бу дунёда ижод қилиш керак! Надо творить! Вақт ўтади!"

"Биласанми, мен нега одам бўлдим! Чунки мен ҳаётда добрий одамларни кўп учратдим. Улардан ўргандим".

"Ёмонлардан ҳам ўргандим... Ёмон бўлмасликни ўргандим!"

"О! Ўзимизнинг мақомлар! Ўламан! Эшитсан ўлиб қоламан... Қара! Музика — ҳам миллӣ, ҳам интернационал! Одам ҳам шундай бўлиши керак! Одам ҳам... Э, одам зўр! Это великоле чудо!" Рўзи акани яқиндан билган, у билан қадрдан бўлган одам бу чапани эътирофни ўқиганда, беихтиёр қаҳрамонни кўз олдига келтириб, "Худди ўзи-я!" дейиши табийи.

Шукур ака адабиётдаги тенгдошлари ҳақида ўзгача бир илҳом, бетакор завқу шавқ, юракларни сел қилувчи бир соғинч хисси билан, ўртаниб-эврилиб ёзади. Бу жиҳатдан "Йўллар айро тушди, аммо..." эс-сеси характерли. Уни ҳаяжонсиз ўқиб бўлмайди. Гёё кўнгилни жунбушга келтиргувчи лирик, маҳзун бир оҳанг узоқ-узоқлардан оқиб келаётгандек туолади...

Шукур Холмирзаев дилбар шоиримиз Абдулла Орипов билан юртдош, университетда бирга ўқиган, талабаликнинг завқу сурури, ташвишу кувончларини бирга баҳам кўрган.

Эсседа Абдулла ака билан ўzlари хуш кўрадиган Пушкин боғининг мажнунтоллар бош эгиб турган сўрисида бўлиб ўтган бир тарихий сұхбат тафсилоти келтирилади. Йўқ, бу сирли, гаройиб мулоқотни шунчаки икки талабанинг оддий бир гурунги деб бўлмайди...

"Ҳаёт қизик экан-да, хурматли ўқувчи!

— деб ёзади муаллиф. — Мажнунтоллар соясида ўтиришнинг ҳам кимса ҳаётида фасли бўларкан. Айниқса, ўн саккиз-йигирма беш ўшларингда, ҳаётнинг шафқатсизликлари туйғуларингни дағаллаштирмаган, ҳисларинг мурғак бўлган пайтларда. Ҳусусан, изтиробли ҷоғларингда ундаи ерда ўтириш роҳат: зероки, азобланган, сўлғин ҳисларинг билан мажнунтоллинг мунис, ғарифона эгилган толалари орасида бир уйғунлик, балки ухашалик бўлади.

Ҳа-ҳа, биз икковлон ҳам ота-она қучогидан чиққач, ўзимизга яраша қийинчиликлар тортган эсак-да, мусофиричиликка хос туртиклинишларга-да дуч келган ва оғир ўйларни елқадан ошириб ташлаган, бундан ташқари — адабиёт деган сирли дунёнинг тури кўчаларига кириб-чиқаётган йигитлар эсак-да, барибири... мажнунтоллар соясига ишқибоз эдик".

Келажақда машҳур ижодкорлар бўлиб этишган бу икки ўшнинг нозик кўнгли ўшандада шундай шоирона, романтик кайфиятга мойил эди. Ёшлиқда одам кўнгил тубида чўкиб ётган, ҳаттоқи ўзидан ҳам қизғанадиган гўзал орзу-умидларини охир-оқибат ким биландир баҳам кўргиси келади.

Гап шундаки, Шукур Холмирзаевнинг айрим насрый асарлари матбуотда чоп этилган бўлса-да, гоҳо шеърлар ҳам машқ қилиб тургани боис Абдулла ака уни шоир ҳисоблар, "сизнинг йўлингиз — шоирлик" дер эди. Ўзи эса... шеър ёзишини кўпчиликдан пинҳон тутар, матбуотга ҳам шеър бермас эди. Мажнунтол соясидаги ўша сұхбат ниҳоят бу нозик масалага аниқлик киритади. Абдулла ака шеър тўла ўн иккни варақли дафтарини ахийри журъат қилиб курсдошига беради, ўқиб бўлгунича эса ўзини четта олиб туради. Муаллиф ўзбекнинг буюк шоирини (буюклар факат ўтмишда бўлмайди!) ўзи учун илк бор қандай кашф этганини самимий бир ҳаяжон ила, тораги хаприқиб-хаприқиб тасвирлайди: "Бисмиллоҳ" деб бошладим. Ўқиб чиқдим бир шеърни. Каражтман. Уни қайта ўқимоқчи бўлдим-у, навбатдагисига ўтдим. Ундан кейин учинчисига. Кейин тўртингисига. Кейин... Ўқиб қўйдим. Каражтман. Яна дафтарнинг ilk бетини очдим. Таниш-азиз





бир нимарсамни кўргандек,
энди ҳижжалаб ўқий бошладим:

Куз...
Күёшнинг эринчоқ
ёғдуларида
Совуқ ялтирайди
баргизонлар...

Муаллиф ўз ҳайратини, шеърнинг сехру жодусидан қандай таъсирланганини соддадиллик билан изоҳлашга уринади. Албатта, унинг шеърни қандай ҳис этгани, қандай англагани танқидчи, адабиётшуноснинг илмий таҳлилига мутлақо ўхшамайди: “Вой! Күёшнинг эринчоқ ёғдулари...” Ҳа, куз кўёшининг нури “эринчоқ” бўлади. Бу сўзни одамга нисбатан эмас, кўёшга — нурга нисбатан ҳам ишлатиш мумкин экан-ку?.. Худди кўнглимдагини айтгандай... “Совуқ ялтирайди баргизонлар”. Совуқ ялтирас экан, демак, япроқларда қиоров бор. Совуқ ялтирайди! Шунақа дейиш ҳам мумкин экан-а?..”

Оқибат шу бўлдики, муаллиф шеър “завку шукухидан маст-аласт бўлиб” кўзларидан “милт-милт ёш оқизиб” ўтирганида, “Абдуллахон ҳалпиллаб келиб қолади”. “Ёқдими?” деб сўрайди у бир оз ҳадик аралаш юрак ютиб. Шунда Шукур aka “Зўр! Қойил!” дея ҳовлиқиб, баландпарвоз гаплар билан ҳамду сано ўқимайди. Соддагина қилиб, “Сиз — шоир...” дейди.

Кейинроқ эса Абдулла Ориповнинг илк машқлари “Гулхан” журналида бош муҳаррир Эркин Жабборов, бўлим мудири Ноҳсири Фозилов ҳомийлигида эълон қилингани айтилади.

Улуғ шоиримизнинг адабиёт аталмиш кутлуг, муқаддас даргоҳга қадам қўйиши шундай гўзал, самимий ва шоирона тасвирланади. Ёзувчи хотирасида умрбод муҳрланиб қолган бу тарихий воқеани китобхоннинг ҳам маънавий мулкига айлантиради.

“Сайланма”га киритилган “Бинафша ҳидланг, амаки!” эссесининг ҳажми кичикроқ бир қиссага тенг. Дарвоқе, эссеңинг ўзи ҳам худди яхши қиссадек шавқ билан ўқилади. Гарчи бу эссе “Ўлмас Умарбеков ҳакида” дейилса-да, унда 60-йилларда адабиётимизга кириб келган бошқа бир гурӯҳ истеъодлар — Учқун Назаров, Ўтири Ҳошимов каби адиллар, таржимон Низом Комилов ҳамда Турғун Азизов, Ботир Зокиров сингари ар-

тистлар ҳакида ҳам адаб хотиralари берилади. Ёзувчи ўша давр адабий муҳитини яхши билгани, адабий жараён ва унда фаолият кўрсатган тенгдошлари ҳёти ва ижоди ҳам кўнглига яқин бўлгани бу хотиralарга бетакрор ва кўтарикини бир рӯҳ бағишишаган. Адаб тенгдошлари даврасида кўрган-кечиргандарини ўзгача бир иштиёқ билан тасвirlайди. Ижодкорларнинг ўзаро учрашувлари, улфатчиликлари, тонготар гурунглари гоҳо майда икир-чикирларигача батағсил тасвirlанади, беихтиёр ёзувчининг хотирасига қойил ҳам қоласиз. Шунда ёзувчи эссе-хотирада факат бўлиб ўтган эмас, балки бўлиши эҳтимол қилинган воқеаларни ҳам ёзишга ҳаққимикан, деган фикр хаёлдан ўтади...

Эсседа номлари зикр этилган ижодкорлар ҳаммаслаклар эди. Айни чоқда, ўнта бўлса ўрни бошқа дегандек, уларнинг асарлари ҳам, ўзлари ҳам бир-бирига ўхшамасди. Муаллиф ҳамкалам дўстларини турли ҳаётий синовларда, хуш-нохуш кунларда синчковлик билан кузатади, уларни ўзи учун қайта кашф этади, шу аснода ўзини ҳам англаб бораётгандай бўлади.

Ҳаётда ҳар жиҳатдан омадли бўлган Ўлмас Умарбековнинг нурли сиймоси шарқона одоб билан оврупоча маданиятни омухта қилган чинакам зиёли, ўзига хос ижодкор, дўстларига эътиборли ва меҳрибон инсон сифатида ўқувчи хотирасида муҳрланиб қолади. У жўрабоши сифатида ҳамиша ижодкорларнинг бошини қовуштириб юради, гоҳо ўзаро аразлашиб қолганларни яраштириб ҳам кўяди. Дўстларининг ютуқларидан астойдид суюнади, уларни муттасил ижодга рафтагантириб туради, кимнингдир бошига иш тушса, биринчи бўлиб ёрдамга ошиқади. Хуллас, ҳар жиҳатдан рисоладагидек одам у.

Эссе адабиётнинг, ёзувчи меҳнатининг ўша давр маънавий ҳётида қандай нуфузга эга бўлгани ҳакида анча ёрқин тасаввур беради. Ажабо, ўша даврда ёзувчи биргина на ҳикояси (Учқун Назаровнинг “Одамлар” ҳикояси) ёки биргина жажжи қиссаси (Ўлмас Умарбековнинг “Севгим, севгилим” ва Шукур Холмирзаевнинг “Тўлқинлар” қиссаси) биланоқ тилга тушиб, танилиб, ҳатто машҳур бўлиб кетиши мумкин экан! Биринчи китобнинг чоп этилиши муаллиф ва унинг дўстлари, яқинлари учун зўр воқеа, катта байрам бўлган экан! (Хозир пул бўлса чангальда шўрва — ўқувчи мактабни битирмасданоқ китоб чиқариб кўйяпти. Асарнинг қим-

мати, бадиияти учун муаллиф жавобгар эмас!) Қалам аҳли бир-бирига меҳрибон, эътиборли бўлган экан, кўлидан келганча бир-бирига ёрдам берган экан!..

Шукур Холмирзаев эсседа замондошлирини шунчаки улуғлаб, инсоний фазилатларини идеаллаштируйди. Улар ҳам тирик жон, ҳом сут эмган банда эканини унумайди. Гоҳо "қовун тушириб" қўйишларини, худди ёш боладек аразлашиб қолишларини яшириб ўтирайди. Бу билан китобхоннинг ўша ёзувчилардан ихлоси қайтиб қолмайди. Зеро, китобхон ҳамиша ёзувчи Шахсига қизиқади, уни жонли инсон сифатида кўргиси келади.

"Бинафша ҳидланг, амаки!" эссесида серқирра санъаткор, рассомлик ва ёзувчиликдан анча-мунча хабари бўлган ўзбек эстрадасининг асосчиси Ботир Зокировга бағишиланган сахифалар талайгина. Шукур aka Ботир Зокиров билан яқиндан мулокотда бўлган, улар қуни-қўшни, бир давранинг одамлари эди.

Маълумки, Ботир Зокиров дунё тан олган машхур санъаткор бўлган. Илк фазогир Юрий Гагариндан "Энг яхши кўрган қўшиқчингиз ким?" деб сўрашганида, у ҳеч иккиланмай, "Ботир Зокиров!" деб жавоб берган экан.

Мен ҳам Ботир Зокиров кўшиқларини яхши кўрсам-да, нима учун ёқтиришимни тузукроқ тушунтириб беролмасдим. Шукур aka ёзган эссени ўқиб, бу жумбокнинг сирини англагандек бўлдим.

"Энди, наzdимда, муҳим бир нуқтани қайд этишим лозим: Ботир Зокировнинг барча (соҳалардаги) интилишлари орасида... кўйлашга — қўшиқ айтишга бўлган эҳтиёж ҳамма интилишларини босиб кетар, балки барча қобилиятлари ана шу қўшиқ айтиш (танлаш, тайёрлаш, қалбдан ўтказиш ва кўйлаш) салоҳиятига хизмат қиласи, ана ўша соҳалардан қандайдир қониқмаганилиги-да қўшиқларида ўз ифодасини топар, топганда ҳам айни ўзига — Ботир Зокировга хос тарзда — юксак пардаларда, соф шарқона титрамаларда, қалбларнинг туб-тубига кириб борадиган "ингичка" оҳангларда намоён бўларди, зеро унинг қўшиқлари бутун вужуди, куч-куввати, онгидунёси қандайдир жамланган-йигланган қалби тубидан чикар эди.

Вей, унинг қўшиқлари!

Ҳамон ўша-ӯша эътибор этсангиз — уларда манзараларни ҳам кўрасиз (расмдаги-дек), тарихий-мусиқавий-ботиний илдизла-

рингизни ҳам ҳис этасиз, сўз... сўзниңг айтилиш тарзи, қўшиқдаги тўлғокли фикрнинг баёни (хикоядагидек соддатшунарли) онг-қалбингизга шундокнина етади-кўяди".

Узун иқтибос учун узр сўраган ҳолда таъкидламоқчиманки, қўшиқ ҳақида, адабнинг ўз ибораси билан айтганда, "шундок ёса ҳам бўларкан-да!.." Тўғри, қўшиқни тушунтириб бўлмайди, уни тинглаш, ҳис қилиш керак дейишиади. Аммо Шукур aka уни "тушунтира" олгандек гўё. Қўшиқнинг бу қадар мукаммал, теран тахлилини мутахассис-санъатшунос-ларнинг асарларида ҳам ўқиммаган эдим!..

"Сайланмана"нинг сўнгги — "Бу кишим — устоз, мен — шогирд" эссеси (адиб уни "эссе-қисса" деб атайди) китобнинг салкам ярмини ташкил этади. Эссе "ўзбекнинг Белинский" номини олган таникли адабиётшунос олим Матёкуб Кўшжоновга бағишиланган бўлса-да, унда талайгина сюжет йўналишлари бор.

Сир эмас, адабиётдаги устоз-шогирдлик масаласи бошқа соҳалардан кескин фарқ қиласи, мутлақо ўзгача тарзда кечади. Матёкуб Кўшжонов Шукур Холмирзаевга чин маънода, астойдил устозлик қиласи, илк машқлари босилиб чикишида бош-қош бўлган. Икки ўртада яқин муносабат ўрнатилган, ўзаро борди-кељди қилишган. Бу мулокотлардан қониқиш туйган адиб шундай ёзади: "О, инсоний муносабатларнинг энг юксак чўққиларидан бири эмасми бу — устоз-шогирдлик муносабати!"

Шукур aka Матёкуб Кўшжоновнинг "Бадиий маҳорат масалалари" номли туркум маколаларини ўқибоқ устозга ихлос қўйган эди. Кейинроқ домла бошқарган адабий тўғарақда Эркин Воҳидов, Иброҳим Faфуров, Норбой Худойберганов, Маҳкам Маҳмудов, Маҳмуд Саъдий каби ижодкорлар қатори фаол иштирок эта бошлайди. Шу аснона адабиётнинг моҳиятини янада теранроқ англагандай бўлади, бу ҳақда тинимиз ўйлади, ўзича муҳим хуласалар чиқарди. Энг яхши кўрган машғулоти — ўқиш ва ўйлаш эканини қайд этади.

"Эвоҳ, сен нодон "Адабиёт — ҳаётнинг кўзгуси" деган гапни тақрорлаб юраверган экансан-да, — дея Гамлет монологларидан





бирини ўқиётгандек ўз-үзимга хитоб қила бошладим. — Ахир, хаёт ўз ҳоли-ча — хаос, тушунилиши мушкул бир савдо эканини...ха-ха, хис қилардинг-ку? Бироқ шу ҳаётни қандайдир тартибга келтириб, ундан, яъники, ҳаётий ҳақиқатдан мукаммалроқ бадиий ҳақиқатни яратса оладиган ягона унсур — адабиёт эканини нега идрок этмас эдинг?"

Идрок этиш асносида ёзувчи охир-оқибат бундан-да муҳимроқ ҳақиқатларни англаб етади: "...асардаги қаҳрамонларни ёмонлаб ҳам, яхшилаб ҳам бўлмас экан: бунга адиднинг ҳаққи йўқ. Бу ҳол, яъни одамларнинг яхши-ёмонлиги асарнинг ўзидан — холис тасвиридан ситилиб чиқмоғи лозим экан".

Устоз ўзаро муносабатлар асносида шогирдини адабий жараёндаги кўзга яққол ташланавермайдиган айрим сир-асорорлардан ҳам огоҳ этиб боради. Бу ҳақдаги ўзаро гурунгларда бир куни шундай дейди: "Истеъодли одамлар ҳам бир-бирини то-пиши керак. Бусиз бўлмайди... Талантсизлар эса дарҳол бирлашиб кетаверади. ...Барча адабиётларда қадим-қадимдан бўлганидек, бугунги ўзбек адабиётида ҳам иккита кутб бор. Иккита шода занжир десанг ҳам бўлади... У занжирга ман ҳам бир ҳалқаман. Озод, Пиримкул, Одиллар ҳам бор. Насиб бўлса, тузукроқ бир асар ёёсанг, Қахҳор билан танишитираман".

Нихоят, бир куни Шукур акага Абдулла Қахҳор билан танишиш ҳам насиб этади. Ўшанда катта устоз ўш ёзувчига шундай маслаҳат беради: "Домлангиз етук олим... Ундан кўп нарсани ўрганибиз, назаримда. Яна ўрганса бўладиган томонлари кўп... Бироқ бир нақл эсингиздан чиқмасин: домланинг айтганини қил-у, қилганини қилма".

Абдулла Қахҳор адабиётда катта мактаб яратган, бир умр ёзувчилик эътиқодига со-дик қолиб, адабиётнинг манфаати, соғлиги учун курашган улкан ёзувчи бўлиш билан бирга, узокни кўра биладиган донишманд ҳам эди. Устознинг юқоридаги ўғити бежиз айтилмаганига Шукур Холмирзаев кўп ўтмай ишонч ҳосил қиласи.

Матёкуб Кўшқонов бир куни шогирдига "...ҳақиқий адабиёт учун курашда "баъзи бир нуқсонлар"га атайин панжа орасидан қараш лозимлиги" ("Ха-ха, адабиётда шунақанги

ичики бир манёврлар ҳам бўлади. Ниманидир ҳимоя қилиш учун нималардандир кўз юмишгаям тўғри келади...") ҳақида ўз мuloҳазала-рини айтганда, шогирд бу фикрларни "истаб-истамай" (...назаримда, домлам-устозим ўзининг қандайдир (бу аниқ) принципларига қарши иш тутгандек эди") қабул қиласи.

Кейинчалик устоз ҳамма яхши биладиган, ҳамма у билан ҳисоблашадиган катта амалдор ёзувчининг бўшроқ асарини (ва-ҳоланки, Абдулла Қахҳор "вақтим йўқ" дея ўша асарни ўқимаган экан) ёқлаб чиқади. Шогирд, табиийки, устознинг бундай "манёврлар"ини ҳазм қилолмай изтироб че-кади. Лекин орага совуқчилик ҳам тушмайди. Демак, устоз-шогирдлик муносабатлари ҳамиша бир текис, силлиқ кечмаган.

Эссеаги ёзувчининг бўлажак умр йўлдоши билан боғлиқ воқеа-тафсилотлар, ишқий саргузаштлар худди севги ҳақида-ги гўзал бир қисса янглиғ мароқ билан ўқиласи. Тасвиринг тиниқлиги, табиийли-ги, йигит-қиз муносабатидаги шарқона назокат, беғуборлик беихтиёр китобхонни ром этади. Ажабо, севги ҳақида шундай ёзиш учун ҳеч қандай бадиий тўқиманинг ҳожати йўқ экан-да! Ҳаёт ҳар қандай бадиий тўқима-ўйдирмадан кўра мазмунли-роқ ва бойроқ экан!.. Ҳар бир инсоннинг ҳаёти, айниқса у Шахс бўлса, ёзилмаган бир китоб экан!..

Ёзувчи севги борасидаги қарашлари билан адабиётга муносабати қайсиdir нуқтада бирлашиб, омухта бўлиб кетганини қайд этади. Унинг адабиётга муносабати аввалданоқ маълум эди: "Менинг асосий мақсадим — адабиёт-ку! Ҳаммасидан муҳими — шу. ...ёзувчи ҳалқи, аввало, адабиётни билиши керак — адабиёт билан яшashi керак..."

Шу ўринда мавзуга дахлдор кичик бир чекиниш: Шукур акадаги актёрик истеъ-додини эрта пайқаган атоқли санъаткор Шукур Бурхонов уни театр институтида ўқишига қайта-қайта даъват этади, истасанг Офелиянг — Саида ҳам ўша ерда сен билан бирга ўқиди дейди. Аммо Шукур ака "Ўла-ман саттор, мен ёзувчи бўлмоқчиман!" дея ўз аҳдида қатъий туриб олади. Унинг артист-лиги эса ҳаваскорлар саҳнасида Шукур ака раҳбарлиги-раҳномалигида кўйилган "Гам-лет" фожиасидаги Гамлет ролини ўйнаш билан якунланади. Шукур акани яхши билган яқинлари ўртасида эса шу-шу "Шукур ака — артист!.." деган муқим ибора колди...

Аслини олганда, артистликни камситмаган ҳолда айтиш мумкинки, ёзувчилик артистлиқдан минг чандон оғирроқ! Ёзувчи бир вақтнинг ўзида асарида иштирок этатётган ўнлаб, юзлаб одамлар “ролини ўйнаши”, уларнинг ҳар бирига феъл-авторига яраша гап-сўз топиб бериши лозим. Айтиш мумкинки, актёрлик истеъоди Шукур Холмирзаевга ёзувчилик фаолиятида аскатган, албатта. “Қора камар” пьесасининг Давлат мукофотига сазовор бўлиши бежиз эмас.

Хуллас, адабиётни қисмат деб билган Шукур Холмирзаев бир умр ана шу эътиқодига содик бўлиб қолди. Вақти келганда ўша эътиқодини астойдил ҳимоя қилди ҳам. Адабиётнинг дарвеши бўлиб, камтарона, хокисор яшади...

Эссе-хотириларни қоникиш билан ўқиб тутатдими хаёлимдан яна кўп фикрлар кечди. Беихтиёр ўтган йили Наим Каримовнинг “Чўлпон” деган китобини ўқиганим эсимга тушди. Мен ўшанда замондошлари Чўлпон тўғрисида деярли ҳеч нарса ёзib қолдирмагани, муаллиф қатагон қурбони бўлган шоир ҳақида материал тўплашда жуда қийналгани, бирон йилт этган маълумотни олиш учун асосан архив хужжатлари ва ҳатто жосусларнинг чакув-ёзишмаларидан фойдаланишга мажбур бўлганидан ҳайратга тушган эдим. Тўғри, ўша йиллари замон оғир эди, дейишади. Аммо Чўлпонни яхши билган айrim замондошлари мустакиллик йилларида ҳам сукут саклади-ку! Улар хотирилари, кўрган-кечиргандарини ўзлари билан боқий дунёга олиб кетди.

Бу иддаолардан мурод шуки, адабий муҳит ҳақида, ҳозир ҳаёт бўлган ҳар бир таникли Шахс, у ёзувчи бўладими, санъаткорми ёки олимми, бундан қатъи назар, у ҳақда айтилган, ёзилган ҳар бир калима, ҳар бир катта-кичик хотира бебаҳо қадриятdir!.. Уларни ҳозирданоқ қадрига етиб, вақт ганиматлигига қоғозга тушириш, видеотасмаларга муҳрлаш лозим. Шу жиҳатдан, Шукур Холмирзаевнинг эсселари жуда катта аҳамият касб этади. Келгусида эсселарда тилга олинган Шахслар ҳақида жиддийроқ, каттароқ асарлар ёзиладиган бўлса, (Абдулла Қаҳҳор, Шукур Бурхонов, Ботир Зокировлар ҳақида шундай асарлар кела-жакда албатта ёзилади) ушбу эсселар хайрли ишга кўл урган муаллифлар мушкулини

анча осон қилиши шубҳасиз. Афсуски, ҳозирча улуғларимиз ҳақида вафотларидан кейин зўр келса “Фалончи замондошлари хотирасида” деган китоб чиқариш билан-гина чекланияпти.

Бугун Шукур Холмирзаев ҳаёти ва ижоди ўзбек деб аталмиш қадимий ҳалқ тарихининг бир бўлгадидир. Тарихни эса тўғрилаб ҳам, ўзгартириб ҳам бўлмайди, деган гап бор. Хўш, бундай фикрларни айтишдан мақсад нима? Мутолаа чоғида менга шундай туюлдики, эсселарда айrim қиёмага етмаган ўринлар, кўнгил тўлмайдиган жойлар ҳам йўқ эмас. Чунончи, воқеан баъзи тафсилотлар (масалан, “Бинафша ҳидланг, амаки!” да муаллифнинг тенгдош ёзувчилар билан муомала-мулоқотлари, гап-гаштаклари тасвирланган саҳифалар) керагидан зиёдроқ чўзилган, “юки” камроқ, кўпсўзлилик сезилади, баъзи тафсилотлар эса (ёзувчининг иккичи синфа ўқиётганида “Икки сандик” деган эртак китобни сотиб олгани, Шукур Бурхонов театр институтида ўқиш учун даъват этгани, Абдулла Қаҳҳордан хат олгани ва ҳоказо) такрорланади. Шухратнинг 70-йилларда “Шинелли йиллар” романини ёзा�ётгани айтилади, ваҳоланки, бу асар 1958 йилда яратилган... Тўғри, буларнинг айrimлари муҳаррир қалами остидан силлиқ бўлиб чиқиши мумкин эди. Лекин асосий масала шундаки, энди бу эсселарга зўрма-зўраки кўл теккизиш мумкин эмас. Чунки улар бундан бўён ёдгорлик, бундан бўён обида. Биз уларни қандоқ бўлса, шундоғича қабул қиласак, маъқулроқ бўлади.

Шукур Холмирзаев эсселари онгу шуури, диди сарик матбуот билан заҳарланган китобхон учун бир оз зерикарли туюлиши мумкин. “Буюк адабиётни буюк китобхонлар яратиши”ни (Пастернак) ҳисобга олсак, ушбу эсселар аввало адабиётга, ёзувчи шахсиятига ихлос-эътиқоди баланд, ўқимишли-маърифатли китобхонга мўлжаллангган.

Ҳозир китобхонлик, мутолаа маданияти сусайиб кетгани ҳақида кўп гапирилмоқда. Умид шулки, агар китобхон ёзувчилар ҳақидаги мемуар асарларни қизиқиб ўқиса, эл оғзига тушган китобларнинг ёзилиш тарихидан боҳабар бўлса, унда мутолаага рагбат уйғониши мумкин. Шукур Холмирзаев яратган эсселар ана шундай эзгу мақсадга хизмат қиласди.

Макс ФРИШ

BIR HALOKAT HISOBOTI

Ҳикоя

Йўл аслида уники эди, бинобарин, у айбдор эмас. Монпелье яқинида чап томондан тиркамали юк мошинаси чиқиб қолди. Туш маҳали эди, күёш чараклаб туарди, йўлда мошина сийрак...

Марлис — сочи калта қирқилган оккува жувон, қаншарида пўрим бинафшаранг кўзойнак, шимидағи сербар камар жез тўғали. Ўттиз беш ёшларда, ўзи Базелдан, ўта зукко, ҳозиржавоб. Танишганларига бир йил бўлай деб қолган.

“Мен ҳайдасам-чи?” деган гап ҳалокат содир бўлишидан олдин аёлнинг оғиздан чиқкан сўнгги илтижо эмас эди (аммо нимагадир кейин унга доим шундай туюлаверади); мошинада юрган кезларида шўрлик нукул “мен ҳайдай, мен ҳайдай” деб Викторни ҳол-жонига кўймасди.

Авињонда, Марлис ҳали уйқудалик чогида, Виктор ваннага қамалиб олиб, бош котира-қотира узил-кесил қарорга келган: бас, етар! Нонушта пайти (ади-бади айтишиб ўтирамай), “Бўлди, шу ердан орқага қайтамиз, вассалом”, дейди. Шундай бўлгани маъқул чамаси.



“Эзгулик матлабида дарду ҳасрат чека билиш ҳам инсондаги ноёб фазилатдир” деб ёзган эди швейцариялик машхур адид Макс Фриш. “Ҳасрат” иборасини Фриш ва унинг издошлари яратган деярли барча асарларга нисбатан кўллаш мумкин. Зоро, ўтган асрнинг етмишинч-саксонинч ӣилларида Швейцария адабиётида шу ижодкорлар бошлаб берган янгича йўналиш айнан инсон қалбини тафтиш этиши, унинг тафаккурида содир бўлаётган ўзгаришлар, психологик кечинмалар — ички тугёнлар, “айбсиз айбдорлик” ҳисси, муҳтасар айтганда — инсоний ҳасратни ифодалаши билан эътибор қозонган эди.

Улар Виктор ишлайдиган касалхонада танишган. У — врач, омон қолгани учун аёл ундан бир умр миннатдор; шу халоскорини деб эри билан ҳам ажрашган.

Бемор бошида ўтказилган беҳаловат тунлар, меъморлик обидаларининг қайси услугга дахлдор экани борасидаги баҳслар (готиками ёки роман); ўтган ҳар кун бамисоли бир имтиҳон: модомики Авиньонда экансан, папалар тарихини билмогинг шартдек. Билган-бilmagан нарсаларини аёл шу қадар ўжарлик билан сўраб-сuriштирадики, нодонлигини ўйлаб Викторнинг ҳатто ўзидан кўнгли қолиб кетарди. Ахир, бу аёлни ростдан ҳам XIV асрда Рим папаси Авиньонга нега хижрат қилгани қизиқтириса, буни ҳар қандай маълумтномадан билиб олса бўлади-ку. Лекин гап папалар тарихида эмас экан. Кейинчалик ҳамтўшак бўлганларида аёл унга ўшанда бой берган ишончини қайтаргандек бўлди.

У бўйдок, уйланмаган.

Бу галги саёҳатдан аёл беҳад мамнун. Муттасил ёмғир ёғиб турган Генуядан бу ёғига нуқул шу гапни такрорлайди. Бора-бора кун очилиб кетди. “Йўлга андармон бўлиб теварак-атрофдаги ажойиботлардан бебахра кетяпсан-а”, деб кўяди аёл гоҳида. Айниқса, у Прованс деган манзилга мафтун бўлди; мошинада кетатуриб баъзан хиргойи ҳам қилиб кўяди.

У — тепакал, буни ўзи билади.

Унинг назарида ҳам Экс-ан-Прованс хийла кўркам жой, ҳатто жуда хушманзара дейиш мумкин. Аммо бу гапга аёлнинг энсаси қотади, чунки икки қўзи йўлда бўлиб у ҳеч каёкка қарамаётган, ҳеч нарсани кўрмаётган эмиш.

Шаҳарчанинг номи Кавийон эмас, Кавайон экан, у сарсабил экиладиган катта-катта майдонлари билан донг таратган. Дарвоқе, кеча аёл унга шу ҳақда гапирган. Гапи рост чиқади: сал ўтмай йўл четида “Кавайон” деган лавҳа кўзга ташланади. У чурқ этмайди ва қизил чироқни “босиб” ўтади.

Инсон ҳеч кимни ўзини билганчалик билолмайди, тушунолмайди, бу — имконсиз. Шунданми, Макс Фриш ижодида ўзини ўзи “фош этиш” — автобиографик тамойил устунлик қиласи. Сўзга фоят тежамкор адаб ҳикоялари илк қарашда анчайин бир тасвир, этюд, йўл-йўлакай қораланган қайдларга ўхшайди; аксарияти ёзувчининг кундалигида дунёга келганининг боиси ҳам шунда. Кўпинча жанр талабларидан йирок, тайин ечимга ҳам эга эмасдек кўринган бу асарлар, аслида мазмун-моҳиятнинг салмоғи, психологик ёндашувнинг теранлиги билан китобхонни ўзига жалб этади.

Кўплаб қисса ва романлар муаллифи Макс Фришнинг ана шундай ўзгача бир услугда битилган ушбу ҳикояси журналхонларимизни ҳам бефарқ қолдирмас деган умиддамиз.

Таржимон

Мехмонхонадаги ёток тўшаги кенг-мўлгина экан. Аёл дарҳол шунга чўзи-либ олиб “Фигаро литерер” газетасини ўқимоққа тутинади, унинг эса бунақа нарсаларга “тиши ўтмайди”. Аёл – роман филологияси бўйича мутахассис, фан доктори.

Кечки таомни улар Ниццада дўйстлари даврасида қилишади, зиёфат кўнгилли ўтади (*bouillabaise*¹), аммо аёл кейин унга ўтириш чоғи нуқул овқат хакида гапирдинг, дея дашном беради. Яқин одамингизга шундай танбеҳ берипингиз мумкин, албатта. Виктор бўлса шундан сўнг овқат тўғрисида оғиз очмасликка қарор қиласди ва ҳатто тушлик маҳали Марлис таомдан сўз бошлаганида (бу ҳол айниқса, Францияда таомилга айланган) у атай гапга қўшилмай миқ этмасдан ўтираверади.

Бу уларнинг илк саёҳати эмас. Аёл соғайиб кетганидан кейин улар дастлаб Эльзастга боришган. Илгарилари у анча хушчақчақ эди, врачлигимга учеб мен билан юрибсан, дея ҳазиллашиб Марлиснинг жигига тегиб ҳам қўярди.

У ҳали бирор марта ўсалроқ йўл ҳалокатига учрамаган, шунга қарамай, агар Марлис эҳтиёт камарини тақиб олса, айни кўнглидаги иш бўларди. Аксига олиб у хеч қачон камарни тақмайди – Виктор баттар тез ҳайдайди деб қўрқади. У эса энди секинроқ юраман, мана кўрасан, дея ишонтирумокчи бўлади. Секин юради ҳам. Канидан бу ёғига. Аммо Марлис индамай кетаётган бўлса-да, спидометрга кўз ташлаб-ташлаб кўяётганини сезадиу унга гап қўшгиси ҳам келмай қолади. Виктор ўзининг диққинафас одам эканини ўйлаб “уф” тортади.

Авинъонда ваниндан чиқибоқ, у аёлга “Пастда кутаман” дедиу жадал эшик томон йўналди. Нима бўлди экан? Марлис ҳайрон. Толиқиб қолдимикан ё?

Марлис ақлли одамларга, айниқса, әркакларга тан беради, негаки уларни аёллардан кўра заковатлироқ деб билади. Бирор ҳакида гапирганда ҳам “Ха-а, у каллали одам” ёки “Уни ақлли деб бўлмайди” деб қўяди кўпинча. Аммо бирор кимсага уни нодон санашини асло сездирмайди. Баъзи давраларда у Викторга нисбатан теранроқ мулоҳаза юритиб қолса, ўзи хижолат чекади ва буни ҳам муҳаббатдан деб билади.

Виктор уйланишдан гап очай демайди хеч.

“Мана, энди тезликни бир юз киркка чиқариб юбординг!” Марлис гўёшу гапни айтиши тайин эди. “Илтимос, менга бақирма!” дейди-я у яна. Аввало, Виктор бақиргани йўқ, ундан айнан шундай гапни кутганини айтди, холос. Ахир, Марлис йўл бўйи спидометрдан кўз узмай ўтириби-ку? Ана кўриниб туриби – роппа-роса 140 тезликда кетяпти. Марлис ҳам шуни айтятпи-да. Кеча у 160га қўйиб ҳам хайдаган (Кани ва Сен-Рафаэл орали-

¹ Саримсоқниёз ва зиравор қўшиб тайёрланган балиқшўрва, Франциянинг жанубида кенг тарқалган таом (франц.).

ғидаги йўлда), ҳатто бир гал спидометр 180ни ҳам кўрсатган ва ўшанда Марлиснинг бошидан дуррачаси учиб кетган. Шундан кейин улар келишиб олган: энг катта тезлик — 140, ундан оширмаймиз. Энди бўлса, Марлис “Тез ҳайдаяпсан”, деб яна тихирлик қиляпти. Ҳолбуки, ҳашаки бир “фольксваген” ҳам уларни чангига қолдириб кетди. “Тўғрисини айтсан, нимагадир мени кўркув босяпти”, дейди Марлис. Виктор гапни ҳазилга бурмоқчи бўлади: “Кеча 140да юрган эдик, бугун — 120, шу тарзда кетаверсак, Бильбаога боргунча тезликни 30га туширамиз. Ке, қўй шу машмашани!” Шундай дейди-ю, ҳазили ўзига аҳмокона туюлиб кетади, лекин Марлис буни сезмасин-да, деган ўй ўтади хаёлидан. Аёл энди хиргойи қilmай қўяди, Виктор ҳам кува-қувни бас қиласи, иккаласи-да мум тишлагандек кетаверади.

Аёлнинг эри (олдингиси) — химик.

Марселда кутавериб Викторнинг тоқати тоқ бўлганидан аёл оёқ кийим сотиб ололмади; лекин жаҳл ҳам қилмади, туфлиси оёғини сиқаётганини айтди, холос. Арлда эса, Виктор ҳар қанча кутганига қарамай, Марлиснинг оёғига лойик пойабзал топилмади.

Тўғриси, у жон-жон деб ёлғиз нонушта қилган бўларди. Сабаби бўлса ўзига ҳам қоронги. Ваҳоланки, Марлисдан бошқа бирор аёл билан нонушта қилишга хуши йўқ. Буни Марлис ҳам яхши билади.

Марлис шу қадар зийракки!

Ҳамма гап Марлисда, ха, Виктор адашаётгани йўқ.

Эрталаб уйғонганидаёқ бугун бир фалокат рўй беришини кўнгли сезган-дек эди-я; Авиньонда чинор тагида ўтирганларида ҳам шундай бир хавотир безовта қилиб турган...

Аёл бирор нарса харид қилганда худди ёш боладек қувончи ичига сифмай кетади; оладиган нарсаси бўлмаса-да, гапдан тўхтаб, дўконларнинг ойнаванд пештахталари олдида туриб қолиш одати бор. Албатта, унинг ўрнида бошқа аёл бўлганда ҳам шундай қиласи.

Виктор — темирийўл хизматчисининг ўғли, Кур деган шахарчада туғилган, институтни аъло баҳолар билан тамомлаган, тез орада бош врач лавозимига тайинланса ажаб эмас.

Лўлилар тўдалашиб юрадиган машхур жой Saintes Maries sur Mer эмас, Saintes Maries de la Mer деб аталади. Марлис Викторга бу ҳақда лом-мим демайди. Яна унинг хатосини тўғрилаш бўлмасин деб, ҳатто жой номини тилга олмайди. Викторнинг ўзи буни фахмлаб олар, деб ўйлади.

Аёл уни Вик деб атайди.

У Виктордан бирор жихати билан устун кўринишни истамайди — эркакларга ёқмайди бу, айниқса, Виктор бунга тоқат қилолмаслиги аниқ; жарроҳда, одамлар унга ҳаётини ишонишига кўнишиб қолган, бир вақтлар Марлиснинг ўзи ҳам ишонмаганмиди?

“Шунга ишончинг комилми?” деб сўраш Марлисга одат бўлиб қолган. Бирор масалада фикрингни айтгудек бўлсанг, дарров “Ишончинг комилми?” деб қолади.

Авинъонда чинор тагида ўтириб Марлисни кутар экан, Виктор ўзини хув авваллари — ҳазил-мутойибага мойил чоғларидагидек хушвақт хис этади. Күёш чараклаб турибди, шамол эсаётир, тўзонга айланиши ҳам мумкин. Балки бугун ҳаво анча яхши бўлар. Марлисга уйга қайтиш тўғрисида сўз очмайди. Рости, бу энди ақлга сигадиган иш эмас. У чинор остидаги тўғарак стол ёнида ўтириб Guide Michelin² ни вараклайди, Монпельега қайси йўлдан борган маъқул — шуни билмоқчи.

У 42 ёшда.

Бир вақтлар, талабалик даврида Виктор Провансда бўлган, бир хафта чamasи. Арлга яқинлашиб қолганларида Марлис Guide Michelindan у ердаги машхур аренанинг диаметри, ўриниклари сони, иншоотнинг баландлиги, курилган вақти ва шунга ўхшаш маълумотларни овоз чиқариб ўқий бошлаганида у, мен ўша аренангни кўрганман, дейди. Марлиснинг қўлидаги китобча (йўл маълумотномаси) француз тилида, Виктор французчага тушунса-да, бу тилда гапирилса ўзини доим имтиҳондан ўтаётгандек хис қиласи, аммо бунга Марлис айбордor эмас, албатта. Китобча билан бўлиб аёл спидометрга деярли қарамайди. Талабалигида Виктор бу ерга гамбурглик бир қиз билан келган; ўша саёҳатдан хозир девор бошига чиқиб ўтирганларию аренна манзарасигина ёдида қолган. У ўзича аренани тасвиirlай кетади... Арлда фараҳбахш оқшом, Виктор ҳар доимгидан кўра жўшиб-тўлқинланиб гапиради. Бу ҳол Марлисга хуш келади. Улар шароб хўплаб ўтиришади (Виктор ишдалик вақтида ичкиликни оғзига ҳам олмайди). Эртаси куни улар тонгдан Арл аренасини томоша қилишади — кечак Виктор Ним аренасини гапирган экан, Марлис фарқига бормади-ю, аммо унинг ўзи сезди.

Марлис қадди-қомати расо¹ аёл. Тишлари йирик, дўрдоқ лаблари доим ним очиқ бўлганидан, кулмаса-да тишлари кўриниб туради. Латофатини эътироф этиб, парвона бўладиганларга у чандон парво қилмайди; аммо уни фаросатли аёл деб билган эркакларга ёқмоқ учун бор жозибасини ишга солади.

² Йўл маълумотномаси.

Шахарни тарк этганларидан бир соатлар ўтгач, Виктор Арл аренасини Ним аренаси билан чалкаштирганини очиқ тан олади.

Виктор уни күтапти, буни Марлис билади. Аммо ҳали вакт бемалол деб хисоблайди. Нега у доим учрашувга барвакт келиб оларкан-а? Мана, энди кутиб ўтиради. Марлис тез кийиниб, тез пардоз қилишга ўрганмаган. Ҳамиша ахвол шу. Чинор остидаги тўғарак столга жойлашаркан, Виктор ҳам нега бундай югуриб келиб оламан, айб ўзимда, деб ўйлайди. Марлис айтмоқчи, Авињонни томоша килиб, ҳузурланиб ўтиrsa бўлади-ку, ахир. У теварак-атрофни кузата бошлайди. Чинор барглари орасидан қуёш нурлари ёғилмокда. Марлис, Виктор кутаётганини билатуриб, яна дўконнинг ойнаванд пештахталари ёнидан жилолмай қолади. Виктор ҳам ҳечкиси йўқ, озрок чидарман, деб қўяди. Марлис келасолиб Авињондан ҳам ўзимга лойиқ пойабзal тополмайман шекилли, боз устига, эгним ҳам юпунроқ, дейди норози оҳангда. Испания иссиқроқмикан-а? Виктор ўзича шундай бўлса кераг-ов дея тусмоллайди-ю, лекин индамай қўя колади — янгилиши ҳам мумкинда, балки ростдан ҳам ҳали Испанияга боришга тўғри келар. У дабдурустдан “Бриошь ейсанми?” деб сўрайди-да, негадир бошқа таом буюради. Буни ўзи ҳам сезади, аммо хатосини тўғрилаб ўтирайди, чунки Марлиснинг хаёли бошқа ёқда, унинг гапини эшитгани ҳам йўқ. Виктор энди ҳар қандай икирчикирга эътибор берадиган бўлган. Ўзига шундай туюлади. Шунга қарамай, дейлик, Марлис чекмоқчи бўлгани ва унинг олов тутишини кутаётганини барибир пайқамай қолади. Кейин “Кечирасан!” дея дарров олов тутади. “Кечирасан”. Такрорлаш энди ортиқча.

Базелда Марлис эрининг уйида яшамайди, Викникида ҳам турмайди, неғаки бу қўйди-чикди асносида можарога сабаб бўлиши турган гап.

Чакмоқтошни чиқиллатиб ёқаркан, у Марлисга норозилик билан эмас, бефарқ, худди бир буюмга қарагандек тикилади. “Бўйнимдаги занжирчам ёқмадими сенга?” деб сўрайди аёл ундан. У тёё эшитмагандек “Гарсон!” деб чакиради. Кейин Марлиснинг яноғини силаб қўяди, аммо бундан муддаоси нима — англаш кийин. Беш қадамгина наридаги столни артәётган хизматкор бола негадир уларнинг ёнига келмайди. Вик юзини силаб қўйгани аёлни таажжубга қўяди. Виктор тетик, бамайлихотир кўринишга ҳаракат қилаётгани аниқ. “Ҳаво қандай ажойиб-а!” дейди у. Марлис эса “Ҳали хисоб-китоб қилмадингми?” деб сўрайди. Унинг гапида таъна оҳангси сезилмайди. Вик қўлидаги танга билан столни черта бошлаганида, Марлис “Гарсон!..” дея чакиради. Хизматкор югуриб келади. Виктор хисоб-китоб қилаётганида, Марлис ундан Монпельєга бориш йўлини ижикилаб суриштиради. Нега унинг бу иши Викнинг ғашини келтириши керак? Ҳеч-да... У йўл ҳаритасини қунт билан ўрганиб чиққанини Марлис қаёқдан билсин! Нихоят, гарсон нари кетгач, “Тушундингми?” дейди Марлис унга қараб.

У нимадан хавотирда ўзи?

Бир куни (бу саёхатда эмас, олдингисида) Марлис ярим ҳазил оҳангидга “Сен энди менга дўхтири эмассан, Вик, билиб кўй шуни” деган эди.

Гаражда мошина юувчига у “мой” демок ўрнига “бензин” дейди; нима фарки бор, ҳар гапига луқма солиб турадиган Марлис бу ерда бўлмагандан кейин. Мойми, бензинми, ишқилиб, ўзига керак нарсани олди — бўлди-да.

Базелдаликларида ҳаммаси бошқача эди.

Сафар чоғи бир мартагина, Каннда Марлис уни “овсар” деган эди, чунки жаврашларига қарамай Вик бир ёклама қатновли йўлга чиқиб кетди-да. Нима, бу Викка оғир ботдими? Ана шундан кейин у доим Марлиснинг галдаги “таъриф”ини кутадиган бўлди.

Испанияга борамиз деб Марлис ўзида йўқ хурсанд эди.

Ахир, Марлис роман тиллари бўйича... филолог бўлганидан кейин бальзан Викторнинг французча талаффузини силлиқлаб қўйса, бунинг нимаси ёмон, аксинча, раҳмат айтмайдими унга?!

Авиньонда Марлис ул-бул харид килиб юрганида Виктор мошинанинг тепасини очиб қўйиб, тамаки тутатганча уни кутиб ўтиради. Вакт бемалол. Таътилда юришиби. Чекатуриб у Марлисга меҳрибонроқ бўлишга қарор қиласди. Жувон қайтиб келганида ўзини худди чинакам хуштордек тутади: мошинадан тушиб унга эшик очаркан, “Кўзойнагингни топдим. Ўриндиқ тагига тушиб қолган экан”, дейди. Марлис эса “Ана, кўрдингми!” дейди ўша кўзойнакни (шу саёхатдаги иккинчиси) гўё Виктор йўқотгандек таънавор оҳангда. Марлис бошқа тирнокэговлагич сотиб олмоқчи эди, топилмади, лекин олган оёқ кийими Викторга маъкул бўлди. Унда нега Марлиснинг кайфияти чатоқ? Ҳозир, мана ҳозир Викторнинг сабри тугайдигандек туюлади унга доим. Худди хув Марсладагидек. Жомадонининг ярми пойабзал бўлатуриб, нима учун Марлис нукул (Марслдан бошланган бу савдо) оёғини сиқадиганини кийиб юрибди экан? Яна Марсель орқали кетайлик, деганида Викторнинг гапида хеч бир киноя йўқ эди, аммо Марлис шунга ҳам оғриди. Хуллас, икковининг ҳам таъби тиррик.

Хайҳот, касалхонадаги оқшомлар энди ортда қолган!

Манча деганлари, Марлис таъкидлаганидек, Мадриднинг шимолий қисмидаги жойлашмагани барчага маълум; шундай бўлса-да у нонуштага чиққунича Виктор харитани қайта кўздан кечирди. Унга айтиш учунгина эмас, шунчаки, ўзи яна бир бор ишонч ҳосил қилмоғи учун.

Виктор мошинани елдек учирмасликка қатъий сўз бергач, тепа қопқасини очиб кетишиди. Ахир, рўлдаги одам билан унинг ёнида ўтирганинг фарки бор-да. Аслини олиб қараганда, хеч ким билан қувлашмай (Канн ва Сен-

Рафаэл оралиғидаги каби), ҳатто шалоқ юқ машинаси ортидан ҳам судралиб юриш күлгили-ку; кейинчалик ўшанда роса худбинлик қилғанман, деб ўйлады Виктор.

Виктор оти унинг ўзига ёқмайди, Марлиснинг Вик деб аташини, айниқса, құшни столда ўтирганлар буни эшитиб қолишини эса асти хохламайди.

У Европа ягона пул бирлигига ўтиши керак ва ўтиб түғри қиласы деб хисоблады; Марлис бунга шубҳа билан қараса-да, эътиroz билди. Нега унинг бирдан жаҳли қўзиди? Марлисни гапига ишонтиrolмагани учунгинами?

Марлис бутунлай соғайиб кетган.

Аёл индамай қолса, Виктор яна ўзини маломат қила бошлайди. Шу тобда Эльзасдаги сарсабилдан гап очишнинг нима кераги бор эди (яна овқат!), бундан кўра Монпелье бориши йўлини тузукроқ билиб олса бўлмасмиди? Аёл кўзойнагини тақади-да, “Лионга борадиган йўл-ку бу!” деб қўяди. Виктор миқ этмагач, “Мен сени Монпелье тараф юрмоқчисан деб ўйлабман”, дейди яна. Виктор ўзини хотиржам кўрсатмоқ учун чап қўлини мошина ойнасидан чиқариб олади. Рўпарада — “Toutesles directions”³ деган ёзув кўринади. Энди-энди бир-бирига кўнгил қўйган чоғлари илк бор Эльзасга саёҳат қилишганида Марлис унинг гапирган гапига ишонар эди-я. Йўлдан “Toutesles directions” деган яна бир лавҳа чиқади. Бироқ Виктор барibir хатосини тан олгиси келмайди.

У ҳазилни бопладим деб ўйлаганида Марлис кўпинча тишининг окини кўрсатмайди, лекин баъзан у хечам кулгили деб билмайдиган гапларга қақкос уриб кулиб юборади.

Марлис тирнокэвлагич ўрнига сотиб олган дуррачасини бошига ўраб олади, “Хўш, ёқдими?” деганидагина Виктор буни пайқайди. У дабдурустдан “Сен хақсан!” деб қолади. Худдики “Бир вақтлар чўлу биёбон бўйлаб Бағдоддан Дамашққа караб сенсиз мошинада йўлга чиққанман ва етиб ҳам олганман” деган гапига Марлис нимадир дея минфирилаб қўйгандек. Яна, томдан тараша тушган каби, “Қаердамиз эмиш! Катта холангниридамиз, билдинг!” дейди у. Марлис анграйиб қолади — бунақа муомала унинг табиатига зид-ку. Виктор хо-холаб юборади — бамисоли Авиньонинг қоқ ўртасидан иккига ажralадиган антиқа кўприги устида тургандек; ҳолбуки, хозир улар бир корхона ҳовлисида “Passage interdit”⁴ деган ёзув қаршисида эдилар. У мошинанинг орқага кайтиш чирогини ёқади, аёл “Асабийлашма”, деб қўяди шошиб. Шунга ўхшаш “хато”лардан кейин Виктор мошиналар шовкин-суронида ҳар қандай овсар ҳам адашмай топиши мумкин бўлган йўлга тушиб олади. Аммо Виктор ҳануз Марлиснинг янги дуррачаси ёққан-ёқмаганидан сўз очмайди.

³Барча ўйнилишлар бўйича ҳаракатланни мумкин (франц.).

⁴Ҳаракат тақиқланади (франц.).

Марлис оқила аёл, ҳеч бир далил-исботсиз ҳам аён бу.

Агар хозир Виктор оқ ҳалат кийиб олганида борми, ҳаммаси бирдан бошқача бўлиб кетарди; фараз қилинг-а, у оқ ҳалатда Провансдан ўтиб Испанияяга йўл олмоқда...

Нега у оғзига сув солиб олгандек чурқ этмай кетяпти?

Нима, у автоҳалокат нималигини билмас эканми? Марлис бундан бехабар, албатта — анча эски гап-да бу. Охири баҳайр бўлган. Ўзи ҳатто унуби юбораёзган. Шуларни хаёлидан ўтказаркан, у Марлисга кўз қирини ташлайди — хозиргина “трейлер”ни кувиб ўтди, Марлис эса миқ этмади ва гўё шу билан ўша ҳалокатни ёдига согандек бўлди.

Plexus нима дегани — бир-бирига улашми? У — жарроҳ-ку, шуни ҳам билмаса, уят бўлар. Бу ҳам камдек, хозир Марлис “Ишончинг комилми?” деб сўрайди. Лекин негадир у сукутда. Виктор энг яқин йўл Эгю-Морт орқали ўтишини айтгандагина, у “Ишончинг комилми?” деб кўяди одатдагидек.

Марлис оёқяланг ўтирибди, туфлиси оёғини сикяпти, аммо буни сездирмайди. Викторнинг унга раҳми келади, бирор нарса гапириб берсамикан?

Қизиқ, нега қўлинини аёлнинг тиззасига қўйди?

Антибда нега Марлисга бақириб берди, сабабини ўзи ҳам эслолмайди. Кейин эса, ноҳақ бўлса-да, жаҳлдан кўкариб-бўзариб кечирим сўрагандек бўлди: “Бўпти, бўпти, узр энди!”

Марлисни мафтун этган бу текислик Прованс дейиладими ёки Камаргми, очиги, нима фарки бор? Нега Виктор Камарг деб туриб олди? Балки ҳақ бўлиб чиқар...

Эгю-Мортга етгунча чурқ этмай кетишиди.

Марлис огохлантирганига қарамай, Виктор (у ўзини эшитмаганга соглан эди) тўппа-тўғри чоғроқ бир тўхташ майдончасига чиқиб кетади. Мошина бешикаст ва ҳатто уларни одатдаги текис йўлдан кетяпти дейиш ҳам мумкин. Бемалол. Юз қадамлар бўм-бўш майдон бўйлаб, яна салқингина денг. Аммо Марлис бундай бўлишини туш кўрибдими? Шунинг учунми, у яна индамай қўя қолади.

Аёл шаҳарчани томоша қилиб юрганида, Виктор чинор остида ёлғиз ўзи яхна шарбат ичиб ўтиради. Бирдан у ўзининг таътилда юрганини эслаб қолади. Чинор барглари орасидан тараалаётган ёғду ва яна алламбалолар...

Виктор ҳеч качон омон қолгани учун Марлис мендан карздор деб хисоблаган эмас. Бу ҳам силлиққина ўтиши тайин бўлган одатдаги операциялардан эди. Ҳойнаҳой, Марлис ҳам шундай деб ўйлар...

Шу ерда қолсалар ҳам бўларди. Соат энди ўн бир бўпти, тушликка ҳали эрта. Ҳа, бу ерда қолса бўлади. Қадим қалъа деворлари – шамолпана. Ҳали Марлис қайтсан, у ўзини бошқача тутади: кувнок, хотиржам; ахир, ҳамма гап ўзида қолган-ку.

Баъзан у Марлисдан фарзандли бўлишни хохлайди.

Виктор нега ҳадеб Антибдаги каби жанжал қўзғайверишига Марлис ҳайрон. Аввалига бақириб бериб, кейин уч юлдузли “Bonne auberge”⁵ ресторана-нига борайлик, дея қистаб қолгани-чи! Марлис шу юлдуз-пулдуз деганлари-га унча ишонмайди. Виктор эса ўжарлик қилиб гапида туриб олади. Бу таклифи билан маъшукасининг қўнглини тополмаганидан аччиқланиб, бўлмаса, Антибингда тентираф юравер дегандек бир соатлар чамаси уни ёлғиз ташлаб кетади. Энди бир ўзи нима қилсин? Бирга бўлишса, қаерда тушлик қилиш масаласида яна келишишолмайди, яна ҳар доимги баҳслар... Дарҳа-қиқат, шу яқин атрофда бундайрок ресторанлар ҳам бўлатуриб, нега энди “уч юлдуз” лигига боришимиз керак, дея эътиroz билдиради Марлис. Улар йўл олган томонда ресторан борлиги ҳам даргумон; ниҳоят, тоқати тоқ бўлган Марлис “Ишончинг комилми ўзи?” дейди, у бўлса яна индамай кетаверади, кейин бир муюлиш чиқади, кейин эса “Bonne auberge” деган лавҳа қўзга ташланади. Бош официант уларни “жанобларининг ўзи бир соатлар олдин танлаб кетган” баҳаво айвондаги стол томон бошлайди. Шинамгина бу жой айни чоқда хийла салқин, ичкарида хилватроқ бўлмалар, миллий либос кийган официантлар; таомлари анча қиммат бўлса-да, ўртамиёна, лекин буларнинг нима аҳамияти бор? Бир соатча олдин Виктор унга бақириб берганига қарамай Марлис ўзини вақтигофек кўрсатяпти; уни аягани учундир.

Мистраль деган шоир ўтганини Виктор билади. Мистраль деб аталадиган шамол эса, Марлис ўйлаганидек, денгиздан эсмайди. Бу анчайин бир шамол. Тўғри, Марлис айтганидек, “Тегирмондан чиққан мактублар”ни Мистраль эмас, шубҳасиз, Альфонс Доде ёзган, Викторга бу мактаб давридан маълум. Хуллас, баҳслашиб ўтирадиган гап эмас. Аслини олганда, Марлис ҳам “Мистраль – шоир-ку, ўзинг биласан” деган эди, холос.

Улар Викторнинг “Поршे” мошинасида саёҳатга чиққан.

Этю-Мортда чинор остида ўтиаркан, у паспорти бор-йўқлигини билмоқ бўлиб камзулининг чўнтағига қўл тиқади. Виктор шу чоққача бирон марта ҳам паспортини йўқотмаган. Юраги шув этиб кетади: паспорт йўқ; кейин бирдан эслайди – ахир, мошинада қолган эди-ку. Ҳа, эсида, аниқ: уни кўлқоп

⁵ Mashхур қовоқхона (франц.).

филофига ўзи солиб кўйган, шундай бўлса-да, текшириб кўрган маъқул. Ҳар-қалай, кўнгли хотиржам бўлади.

Авинъонда ваннада ўтириб келган қарорига кўра ўша қуниёқ уйга қайтишганидами, ҳозир Леонда бўлишарди, кечқурун Базелга етиб боришарди, лекин бу ерлар шу қадар мафтункорки: чинор барглари орасидан ёfilaётган қуёш нури, чор-атроф... Ҳали Марлис келсин, денгиз бўйига сайрга таклиф қиласди.

Марлис оёғига лойик пойабзal топса эди...

Ҳалокатдан бир соатлар олдин Эгю-Мортда чинор остида ўтиаркан, унинг аччиқина қахва ичгиси келиб қолади. Қаттиқ толиқцан, мосина ҳайдай олармикан? Чинор барглари орасидан ёfilaётган нур уни буткул мафтун этади... Сен-Лиу ҳайкали атрофида капитарлар кукулайди. Марлис йўлга тушайлик энди, дейди, унинг қорни очмабди, чанқамабди ҳам. Аммо, Викторнинг назарида, вақтлари бемалол, шошилмаса бўлади. Уларнинг олдидан кўлтифига уч дона узунчоқ батон нон қистириб олган бир чол ўтади.

Испанияга бориш фикри Марлисдан чиқсан эди.

Виктор ўзини худбин хисобламайди. Бирор кимсани баҳтли қила олишига кўзи етса, ўзи ҳам баҳтиёр бўлиб кетади. Агар бу иш қўлидан келмаса, умидсизликка тушади, ўзини ўзи янимоққа бошлайди.

Уларни четдан кузатган одам Марлиснинг “Ле провансаль” газетасини ўқиётганини, Викторнинг эса узун оёқларини йўлаккача чўзиб олиб қахва ичаётгани ва мўъжиза кутаётганини (гўё буни мана шу куқулашётган капитарлар содир этадигандек) одатдаги манзара деб хисоблайди. Шу тобда Виктор уйланмоққа ҳам рози. Ҳазилни тушуниш ҳам бир фазилат. “Нима, қоқкан қозиқдек шу ерда ўтиравермоқчимисан?” дейди Марлис бетоқатланиб. “Кечирасан-у, мен эмас, сен бемалол газета ўкиб ўтирибсан,” дея жавоб қиласди Виктор. Аммо гапирган гапи кўнглидагидек чиқмайди; кейин эса у, гўё хеч нарса бўлмагандек, чинакам ошиқ йигит қиёфасига кириб унинг сумкасини кўтариб олишини Марлис билади. Шундай экан, мўъжиза кутишга ҳожат йўқ.

Ибодатхона яқинидаги галерейни томоша қилайлик, деб Виктор қўймади. Роман услубида курилган. Марлиснинг эса томошага тоби йўқ.

Улар кўл ушлашиб кетади.

Биринчи марта Викторнинг ўзи ҳар қадамда тўхташни, ҳаммаёқни астойдил томоша қилишни хоҳлаб қолади. Мева-сабзавот бозорига киришади. Қизиқ, Марлиснинг нима қидираётганини билмай туриб, Виктор “Сен ахтариб юрган пойабзal шу ерда!” дейди.

Испанияга боришилари шарт эканми?

У муюлишда қараб туради – Марлиснинг дурраси эсидан чиқибди; Виктор аслида уни кутаётгани ҳам йўқ. Ўзи ёлғиз бўлса нима қиларди? Марлиснинг бу томон келаётганини, яна дўкон пештахаси қошида туриб қолганини кўриб, Виктор “Геральд трибюн” газетасини сотиб олади – қани, оламда нима гаплар экан? Бир вақт газетадан бош кўтариб қараса, Марлис фойиб бўлибди...

Сайёҳлар тушлик қилмоқда.

Салдан кейин келиб Марлис ундан узр сўрайди. У антиқа бир кепка харид қилибди. “Сенга олдим”, дейди кулиб. Кайфияти зўр. Виктор мошина эшигини очаётганида у яна “Мен хайдасам-чи”, дейди. Виктор кўнмайди. Нега мошинани доим у хайдashi керак? Виктор қарорида қаттиқ туриб олади. Энди бу гаплар кимга керак? “Нима, ёқмадими?” Олиб келган олачипор кепкасини айтяпти. Йўлга тушиш олдидан Викторни илк бор ваҳм босади.

Марлис худди ёш боланинг ўзи.

Паспорти чиндан ҳам кўлқопнинг филофида экан.

“Ке, ҳадеб тумшаяверма”, дея Марлис унинг бошига ола-чипор кепкани кўндириб қўяди: “Мана, ярашди-кўйди!” Марлис эхтиёт камарини боғлаб олади. Қизик, айтмасдан турибоқ. Виктор, бошида ҳалиги кепка, моторни ўт олдиради, бирор нимага тегиб кетмайин деган хаёлда орқага қараб олади. Ишқилиб, энди хато қилиб қўймасин-да...

Эгю-Морт деганлари мана шу экан-да.

Марлиснинг ўғли бор, мактабда ўқийди; унинг ўзи Парижда ўқиган, боши очик, у энди ёш бола эмас, кап-катта аёл.

Камаргда от минишлари мумкин... Гаплари унча қовушавермайди. Яхши-ямки, шосседа машина онда-сонда учрайди. “Одам қачон мурда ҳисобланади?” дея жарроҳ сифатида фикр юрита бошлайди у. Юрак кўчириб ўтказини қийин иш. Кейин бирдан “Эртага мошинанинг мойинни алмаштириш керак!” дейди кўнглидан кечётган ўйлар тилига чиқмаслиги учун шоша-пиша. Масалани чигаллаштиришга унинг тоқати йўқ.

Бир вақтлар болалигига Марлис от минган экан.

У бир бельгияликнинг баҳайбат фургони изидан шошилмай кетаверади; ниҳоят, уни қувиб ўтаётганида урилиб кетишига бир баҳя қолади. Марлис чурқ этмайди.

Кўлидаги беморлар уни бамисоли бир авлиё деб билади: оғир-вазмину хотиржамлиги, ўзига ишончи, некбинлиги ва шунга ўхшаш хислатлари учун.

Ола кепкани энди Марлиснинг ўзи кийиб олади. “Сенга ҳамма нарса ярашади!” дейди Виктор йўлдан кўз узмай. Марлис йўл маълумотномасини овоз чиқариб ўқиб боряпти: ҳали Альтамир форларидаги гаройиб манзара-ларни кўриб кўнгли кўтарилсин, мой алмаштириш ҳақида ўйлайвермасин, бежиз айнан Альтамирга қараб йўл тортмаганларини билсин деган ниятда. Аммо Виктор қулоқ солаётганмикан? Марлис ярашмоқчи, яна аввалгидек апоқ-чапок бўлмоқчи...

Бошқалар билан қиёслаганда Викторнинг доим омади чопган — ишда ҳам, соғлиқ бобида ҳам, Буин чўққисини забт этган альпинист сифатидагина эмас, йўқ, хар жихатдан...

“Сен яна овқат ҳақида ўйлаётган бўлсанг кераг-а?” дейди Марлис. У эса ҳеч нарсани ўйлаётгани йўқ, йўлга тикилиб кетяпти, холос; “Монпелье, 12 км.” деган ёзувни кўриб шу тўғрида нимадир демоқчи бўлиб турган эди, вассалом. Энди гапирмагани маъкул.

...Виктор енгилгина жароҳатланади — чаккаси ёрилибди, ул-бул ери тирналган, аммо у тиркамали юқ мошинасини ҳеч эслай олмайди. Монпельедаги касалхонага етай деб қолганда Марлиснинг жони узилади. Ҳатто бу фалокат каерда рўй бергани, ағдарилган ўша лаънати тиркама ҳозир чинорзорнинг қай гўрида ётгани ҳам Викторнинг хотирасида қолмаган; ҳалокат рўй берган жойни текшириш ҷоғида у ўзини бу чорраҳани энди кўриб тургандек ҳис этади; кейин уни шу ернинг ўзида сўроқ қилишади (француз тилида) ва йўл аслида уники бўлгани, бинобарин, унинг айби йўқлигини айтишади.

Кейинчалик у бош врач этиб тайинланади.

Монпелье йўлидаги ўша автоҳалокат тўғрисида ўн йиллар бадалида у ҳеч кимга оғиз очмайди; бу фожиа қандай содир бўлганига ҳануз ақли бовар қилмайди.

Баъзи танишлари ўзларича бир нималарни тусмоллаб юради, холос.

У эндиликда клиника бошлиғи, икки фарзанднинг отаси, саёҳатга кўп чиқади, аммо Испанияга ҳеч кўнгли чопмайди.

Жарроҳнинг операция арафасида ўзидан гап очиши нораво, албатта — буни у яхши билади; лекин шу тобда у негадир Францияда, Монпелье яқинида содир бўлган ўша фалокатни ёдга олади: “Хаммаси айтди, йўл сеники эди деб, демакки, айбизман...” “Биз нега бу ҳақда гаплашяпмиз ўзи?” дейди у бир оздан кейин. Бемор ҳам ҳайрон. Нега дўхтири йўлига ҳайрли тун тилаб, одатдагидек, “Ухлашга ҳаракат қилинг, ҳеч ухлолмасангиз, навбатчи

ҳамширати чакиарсиз” деб күя колмади. Дарвоке, бу гапни у олдинроқ айтган эди. У тумбочка устида ётган китоблардан бирини олиб муқовасига күз солади-да, қайтиб жойига күяди. Аслида, у беморга хавотирга ўрин йўқлигини, эртага операцияни ўзи қилмаса-да, унда албатта иштирок этишини, хуллас, хотиржам бўлиш лозимлигини айтмоқчи эди, холос.

У ўшандан кейин ҳеч қачон йўл ҳалокатига дуч келмаган.

Умидсизликка тушган бемор бўлса нима сабабдан уни бош врачнинг ўзи операция қилмаслигини сўрашга ботинолмайди.

“Ишончинг комилми?” деб сўрарди Марлис ҳар доим...

Бу фалокат тўғрисида у қайтиб ҳеч кимга оғиз очмади.

Ўшанда яқинлашиб келаётган беўхшов юк мосинасини биринчи бўлиб Марлис кўрган, эҳтиёт бўл деган, Виктор эса кўратуриб тўхтамаган — йўл уники эди-да, ахир! Эҳтимол, у янам тезроқ хайдагандир, ўзига ишончини намоиш этмоқ учун. Марлис бирдан қаттиқ чинкириб юборган. Монпелье жандармаси Викторни айбиз деб топган. Вассалом.

ШОҲСАНАМ таржимаси





Ҳамидулла АКБАРОВ

KINO VA AKSIOLOGIYA

Эндилиқда аудиовизуал санъатларнинг назарий асосларини идрок қилиш, уларнинг тараққиёт босқичларини тадқик этиш учун кино ва телевидениенинг табиати ва тарихини билишининг ўзи кифоя килмай қолди. Бунинг боиси шуки, мазкур икки санъат тури кейинги вақтда мөхияттан ўзгаришга учрамагани ҳолда, уларни англашга доир илмий ёндашувлар янгича мазмун касб эта бошлади. Хозирги глобаллашув даврида кино ва телевидениега фақат уларнинг ўзига хос хусусиятлари нуқтаи назаридан эмас, балки кенг миқёсда қараш тобора муҳим бўлиб бормоқда. Кинони аксиология билан боғлиқ ҳолда ўрганиш ҳам ана шундай янгича тамойиллар сирасига киради. Шу ўринда қисқача маълумот бериш жонизки, юнонча “*axia*” — қиммат, қадр ва “*logos*” — сўз, таълимот биритмасидан юзага келган бу атама қадриятлар, уларнинг табиати ва ўзаро муносабатларини ўрганувчи фанни ифода этади. Биз бу мавзуни ёритишга жазм этар эканмиз, бунда кино санъатини ҳам аввало қадрият сифатида олиб, унинг бошқа санъат турлари билан муносабатини тадқик этиш зарур, деб ҳисоблаймиз.

Табиийки, турли санъат соҳаларининг бир-бирига таъсир кўрсатиб, бир-бирини бойитиши уларнинг назарий ва методологик асосларига ҳам таъсир этмай қолмайди. Шу жиҳатдан буюк қирғиз адаби Чингиз Айтматовнинг “Мен эндилиқда роман ёки қисса ёёсам, фақат китобхонни эмас, томошабинни ҳам назарда тутаман” деган эътирофи бежиз эмас. (Адаб билан 1997 йил августда Брюссель шаҳрида қилинган сұхбатдан. Сұхбат матни мақола муаллифида сақланади).

Дарҳакиқат, замонавий санъат турларининг ўзаро таъсир жараёнинга назар ташлайдиган бўлсак, ҳам мураккаб, ҳам сержило манзарага гувоҳ бўламиз: театрга аталган пьеса саҳналари киносенарий каби мизанкадрлар эътиборга олинган эпизодлар шаклида ишланиши; мусаввир бирор бир ҳолат тасвирини унинг аввали ва охирига нозик ишора билан “ҳаракатда” яратиши; бастакор эса куйда ритм, ранг, кайфият ҳосил қилиш учун монтаж маромини, кадрларнинг ранг-тусини эсга олиши каби бир қанча жиҳатларни фақат театршунослик, киношунослик, мусиқашунослик, ҳатто фалсафа ва тилшунослик нуқтаи назаридан таҳлил қилишга уриниб кўрсак, илмий хулосаларимиз бирёклама ва юзаки бўлиши аниқ.

Шу ўринда XX асрнинг биринчى яримида яратилган бир рус фильмига доир куйидаги мисолни келтириб ўтиш мумкин. Иван Грозний даври фреска (нақш) ҳамда икона (санам) чизиш санъатида кўзга яқол ташланган кизил ранг ўтган аср улуғ рус кинорежиссёри Сергей Эйзейнштейннинг эпик асари — икки серияли “Иван Грозний” фильмида драматургия нуқтаи назаридан улкан вазифани адо этди. Ранг асар қаҳрамони билан эмас, балки унинг мавзуси билан боғлиқ бўлмоғи зарур, деган фикрни назарий жиҳатдан асослаган режиссёр кизил ранг орқали фитнаю жазо, қора ранг орқали таназзулу ҳалокат, тилла ранг орқали айшу ишратни ифодалайди, ҳаво рангни эса шоҳона мавзунинг асоси деб ҳисоблайди. Биз айни ўринда фильмнинг батафсил таҳлилига берилмасдан, бу мавзулар ранглар воситасида юксак бадиий ифодасини топганини таъкидлаш билан чекланамиз. “Александер Невский” фильмида эса худди шу режиссёр

ранг ва туслар борасидаги анъанавий қарашларга қарши борди ҳамда шу йўл билан мураккаб бадиий муаммони ҳал этди: рус ерига бостириб кирган тевтон рицарларини оқ либосда кўрсатди, ўз ерини ҳимоя қилган рус қўшинига эса қора кийим кийдирди. Шу тариқа оқ ва қора ранглар кураши тасвирланди. Муҳораба асносида қора ранг ҳалқа мисол оқ рангни қуршовга олди. Охир-оқибат эса “оқ”ларни музлаган кўл домига тортди, “қора”лар ўз юрти озодлигини сақлаб қолди.

Хуллас, мусаввир, режиссёр, сценарий-навис, тадқиқотчи салоҳиятига эга бўлган С.Эйзенштейн киноасарда бадиий тафак-курнинг кенг қамровли, салмоқли ва таъсирчан бўлиши ранг композициясининг изчил ечимиға боғлиқ эканини ҳам бадиий, ҳам илмий жиҳатдан исботлаб берди. Бу масалага у кино санъати вакили — назарийётчи ва амалиётчи сифатида ёндашиб билан чекланмади. У адабиёт ва мусиқага, театр ва тасвирий санъатга ҳам айнан шу ракурсдан назар ташлади. Методологик жиҳатдан пухта тайёргарлик кўрган С.Эйзенштейн санъатшунос сифатида мусаввирлар асарларига, улар амал қилган қонун-қоидаларга мурожаат этди. Лекин бунда экран эстетикасини, янги санъатнинг энди шаклланаётган назариясини эътиборда тутиб, ранглар мажмуи ва унинг уйғулиги ҳақидаги тадқиқотларга диккатни қаратди ва шундай муҳим хуносага келди: рангли фильм яратишда, аввало, рангтасвирдан эмас, балки бадиий адабиётдан ўрганиш зарур. Ҳеч кимга сир эмаски, эндилиқда бу қоида методологик аҳамият касб этмоқда.

Аудиовизуал санъатни тадқиқ этишнинг йўли ва усуллари кўпайиб бориши, бу соҳада рўй берадиган тадрижий жараён гуманитар фанларга кучли таъсир ўтказмоқдаки, энди буни ҳеч ким инкор эта олмайди. Ушбу ҳолатни изоҳлаш учун кино ва телевидениенинг синтетик табиати, мураккаб таркибини эсга олишнинг ўзи кифоя. Чунки, бу ижод турлари ўта мураккаб композицияни ҳам, тасвир ва овозни ҳам, мажозий ифода ва монтажни ҳам, динамик ритм ва тафаккурни ҳам экран орқали мужассам ифода этишга қодир экани назарда тутилса, методоло-

гик ишлар ҳам шу даражада пухта ва пишиқ бўлиши зарурлигини тасаввур этмоқ мумкин. Бундай мезон бошқа санъат турларига мансуб асарларни таҳлил килишда ҳам кўл келиши табиий, албатта. Шу боис С.Эйзенштейн “Эндилиқда санъатнинг фақат алгебра ва геометриясини билиш, эгаллаш билан қаноат қилиб бўлмайди. Санъатнинг интеграли ва дифференциалини ҳам билиш зарур. Кинематограф даврида санъат турлари бу шартларни адо этмай иложи ҳам, бунга ҳакки ҳам йўқ”, деб таъкидлагани бежиз эмас (Эйзенштейн С. Избранные произведения. В трёх томах, т. 3, М., 1965, стр. 33).

Санъатнинг “интеграл”и ва “дифференциал”и эса фақат олий математика тушунчалари билан эмас, балки умуман фанлар интеграцияси, гуманитар ва табиий фанларнинг яқинлашуви, уларнинг бирбирини ўзаро бойитиши билан ҳам боғлиқ. Бу ўринда эса дунёни бадиий англаш билан уни илмий билиш икки қадрият тури сифатида ўзаро алоқага киришишига гувоҳ бўлиш мумкин. Баъзи бир мисоллар келтирсан.

Кўхна шаҳарларимиздаги ноёб обидалар миллий меъморларимизнинг гўзал ва бетакор ижоди бўлиш билан бирга, ислом маданиятининг бекиёс намунаси ҳамdir. Уларни бунёд этган қўлигугул усталарнинг фалсафий тафаккури, эстетик диди, дунёвий билимлари нечоглиқ юксак эканини иншоотлар тимсолида яққол кўриш мумкин.

Бинобарин, уларга боқиб, меъморларнинг билим ва малакаси, гўзалликка доир тасаввурлари, шу билан бирга, гармония, материаллар қаршилиги, рангшунослик, тик ва ётиқ чизгилар муносабатига оид тушунчалари ҳақида ҳам батафсил маълумотга эга бўламиз. Бу обидалар ўз кўрки ва маҳобатини асрлар оша йўқотмай келаётганини ҳайратланиб қайд этиш билан бирга, уларни асрлаб-авайлаш, ўрганиб тадқиқ қилишда ислом маданияти, илм-фанининг аҳамияти катта бўлганини ҳис этамиз.



* * *

Маълумки, мумтоз шеъриятимизда истомаданияти таъсирида умуминсоний моҳиятга эга бўлган теран фалсафий асарлар яратилди. Айниқса, шеърий тимсолларнинг фалсафий мазмундорлиги, эстетик қиймати асрлар давомида эътироф этиб келинмоқда. Бунга ишонч ҳосил қилиш учун Лутфий, Навоий, Бобур, Машраб, Оғаҳий каби мумтоз шоирларимиз ижодига мурожаат этишининг ўзи кифоя. Улар қаламига мансуб ўлмас асарларнинг зарофати, аввало, замирауда фалсафий мушоҳадалар мўллиги билан изоҳланади. Салафлар фалсафасининг туб моҳиятини англаш сари интилиш, уларнинг хилма-хил фикрий оқим ва йўналишларга муносабатини ўрганиш натижасида инсон ҳаётининг кўринишлари ҳақидаги борлиқ фалсафаси — экзистенциализм назарияси XX аср бошида юзага келди. Бу мавзу атрофида ҳам ҳар қанча фикр юритиш мумкин. Лекин биз унинг юқорида зикр этилган илмий муаммога алоқадор фақат бир жиҳатини таъкидлаб ўтамиш: Ҳозиргача бутун дунёда, айниқса Шарқда инсон ҳаётининг турли жабҳаларига кучли таъсир кўрсатиб келаётган ислом маданияти экзистенциализмга ҳам ижобий таъсир кўрсатди. Бинобарин, тасаввуф илмини экзистенциализм билан қиёсий ўрганиш бу борада мухим хулосаларга олиб келиши шубҳасиз.

Сирасини айтганда, илмий концепция ва умуман, таҳлил замонавий талаблар даражасида бўлиши учун бадиий асарларга дунё миқёсидаги интеграциявий жараёнларни ҳисобга олган, интернетда қўлланадиган матнларнинг методологик асосларини назарда тутган холда ёндашиш зарурга ўхшайди. Шу билан биргга, миллий ва умумбашарий қадриятларга турли илмий таълимотлар нуқтаи назаридан ёндашиш ҳам янгича таҳлилларга йўл очиши мумкин. Бундай экспериментлардан кўзланган бош мақсад — илмий асосланган концепция яратиш, бадиий асарга ва уни юзага келтирган муҳитга холис баҳо беришдан иборат. Миллий кино санъатимизнинг кечаги кунига аксиология нуқтаи назаридан нигоҳ ташлашга қарор қилганимизнинг сабаби ҳам ана шунда.

* * *

Юртимизда чор Русиясининг мустамла-качилик сиёсати ҳамда унинг мантиқий давоми бўлган қизил империя хукмронлиги йилларида қадриятлар назарияси ҳам, амалиёти ҳам нақадар катта зарар кўргани эндиликда яққол кўзга ташланмоқда. Бугунга келиб аksiология соҳасида ҳам тақиқлаб кўйилган илмий усусларни атрофича ўрганиб, зарур хулосаларга келиш имконияти мавжуд. Хусусан, ўзбек адабиётидаги миллий оңг қиймати кодини (шартли белгилар мажмуи) идрок этиш, унинг маъно-моҳиятини аниқлаш ва шу асосда илмий таърифини беришда ҳам бунинг аҳамияти катта, деб ўйлаймиз. Миллий адабиётимизнинг илдизлари ислом маданияти заминидан озиқланганини исбот этувчи илмий далиллар келтириш имконияти пайдо бўлган ҳозирги даврда бадиий ижоднинг кўпасрлик тарихга эга бу соҳасидаги фалсафий-эстетик концепциялар ва миллий идеалнинг образли ифодаси тадқиқотнинг фавқулодда янги обьектига айланса, ажаб эмас. Масалан, яқин ўтмишда тазиик остида бўлган структурализмнинг методологик тамойиллари ҳам инобатга олиниб, бадиий матн янги ракурсда ўрганилганда, унинг эстетик қиймати билан бирга фалсафий, ахлоқий, маърифий аҳамиятини аниқлаш имкони ҳам пайдо бўлди.

Маълумки, мустабид мафкура шароитида гуманитар фанлар бир-биридан сунъий равишда ажратиб кўйилган эди. Чунончи, тил ва адабиёт соҳасидаги тадқиқотларда бошқа гуманитар фанларнинг методологик тамойилларига мурожаат этиш акидапараст танқидчилик “пешво”ларини дарғазаб этар, илмий марказлар эса бундай саъӣ-ҳаракатни шубҳа билан кузатиб борар, олимлар муқаррар тарзда ҳар хил тўсиқларга дуч келар эди. Бу эса тадқиқот обьектига муайян санъатнинг фақат ўзига хос, ички хусусиятларидан келиб чиқиб юзаки ёндашишдек бир иллатни келтириб чиқарадики, бу шеърият ва тасвирий санъат асарлари, мусиқа ва меъморлик санъати дурданаларининг асл қиймати — аклий-хиссий теранлиги ҳамда гўзаллигини тадқиқ этишга тўскинлик қиласади. Ҳолбуки, Алишер Навоий ёки Абдулла Қодирий қала-

мига мансуб адабий матн, Камолиддин Беҳзод ёки Ўрол Тансиқбоевнинг рангтасвир асарлари, “Чўли ироқ” ёки “Гирия” каби мумтоз наволар, Самарқанд, Бухоро ва Хивадаги муҳташам меъморий обидалар фақат адабиётшунослик, санъатшунослик, мусиқашунослик, театршунослик ёки архитектура нуқтаи назаридан таҳлил қилинса, уларнинг бадиий, фалсафий моҳияти тўлиқ очилмай қолиши мумкин. Табиийки, бу борада интертекстуал усувларга таянган ҳолда тадқиқот олиб бориш яхши самара берган бўларди.

Инсон ижтимоий-руҳий ҳаётининг тажассуми бўлган бадиий асарлар таҳлилида ўзига хослик билан бирга юксак маънавий-ахлоқий идеалга, бир сўз билан айтганда, олижанобликка интилишни кўрсатиш ҳам бениҳоя мухимдир. Негаки, санъат соҳалари бир-бирига жуда яқин келган ва ҳатто тулашиб кетган ҳолатлардаги мурракабликни аниқлаш ҳамда англаш бу жараённинг асосий мақсади ҳисобланади. Интертекстуаллик тушунчаси ва унга доир тадқиқот усувлари юқорида зикр этилган асарларнинг умумэстетик қиймати ҳамда миллий маданиятдаги ўрнини белгилашда айниқса кўл келади. Масалан, Шарқ адабиётининг ноёб обидалари бўлмиш Абулқосим Фирдавсийнинг “Шоҳнома”, Алишер Навоийнинг “Хамса” асарларини, Абдулла Қодирий ва Абдулхамид Чўлпоннинг роман ва ҳикояларини интертекстуаллик нуқтаи назаридан таҳлил қилсак, уларда ижтимоий онгнинг деярли барча турига оид тушунчалар бадиий ифодасини топганини кўрамиз. Масалан, Абулқосим Фирдавсий, ўз замондоши Абу Наср Форобий каби, бадиий тимсоллар воситасида фалсафий фикрларни муҳрлаб кетганини, улкан тарихий воқеалар тасвирига оламу одам ҳақидаги қарашларини ҳам омухта қилиб юборганини эсланг. У баъзан жуда улкан foylarни атиги бир жумлада мужассам этишга муваффақ бўлади... Абдулла Қодирий эса ўз романлари тасвирида гоҳ етук тарихшунос, гоҳ зукко мусиқашунос, гоҳ халқ урф-одатларининг билимдони сифатида гавдаланади.

Шундай экан, интертекстуаллик ҳодисаси ҳамда у билан боғлиқ назарий қоидалар асосида мумтоз бадиий адабиёт намуналарининг бадиий шакли ва foiyi мазмуни-

ни тадқиқ этиш зарурати мавжудлигини таъкидламоқ керак. Биргина “Қодирий насрода мусиқанинг ўрни” деган мавзунинг шу нуқтаи назардан ўрганилиши мутлақо янги, мағзи тўқ ҳулосаларга олиб келиши мумкин. “Ўткан кунлар” романидаги бир эпизод — Отабек ва созанда ўртасидаги мулоқот асносида мусиқанинг инсон руҳиятига таъсири бадиий жиҳатдан нақадар тेरан очиб берилганини эсга оладиган бўлсак, бу фикрнинг қанчалик ўринли эканига ишонч ҳосил қилиш мумкин.

* * *

Қадриятлар ва уларнинг ўзаро алоқалари ҳақидаги таълимот — аксиология, замондошимизнинг моддий ва маънавий шаклдаги бойликларга муносабати тобора ўзгариб боришини назарда тутган ҳолда, турли асарларга ҳар бир даврнинг ўз талаб-эҳтиёжларидан келиб чиқиб ёндашмоқни тақозо этади. Шу ўринда Чор Русияси ва қизил империя истибоди даврини ёдга олсак, мураккаб ва зиддиятларга бой манзара намоён бўлади. Яқин тарихдан аёнки, чор Русияси ҳамда мустабид тузум ҳукмронлиги даврида, таассуфлар бўлсинки, қадриятларни улуғлаш эмас, балки аёвсиз топташ сиёсати юритилди.

Юртимизнинг барча миллатпарвар ижодкорлари қатори ўзбек киносининг ёнг етук намояндлари ҳам бу сиёсатга қарши чиқди, шу сабабли қатағонга учради. Ислом арконлари билан мадрасада танишган, бадиий ижод сири, кино эстетикасини эса Москвада эгаллаган Сулаймон Хўжаев юртимизда муаллифлик кинематографияси пайдо бўлиши, ривож топиши йўлида астойдил меҳнат қилган, заҳмат чеккан ва афсуски, ноҳақ қурбон этилган ўзбек ўғлони эди. У ўтган асрнинг ўттизинчи йилларида сценарий ёзиб, фильм суратга олиб, роль ижро этиб, эзгу бир foyni экранда бадиий талқин этмоқчи бўлди. Унинг “Тонг олдидан” (1934 йил) тарихий драмаси халқимизга хос меҳр-муҳаббат, болажонлик, меҳмондўстлик каби фазилатларни оёқости этмоқчи бўлганларни фош қилишга қаратилган эди. Фильм эҳтирос билан олинган эпизодлар, тезкор ритмдаги кадрларга бой. Унда халқимизнинг буюк тарихи ва маданиятини топтамоқчи бўлган чор мустамлакачиларининг беражмлигидан

ғазабга тўлиб-тошган Туркистон халқининг фожиали ҳаёти, аячли тақдирини тасвирлаш мақсад қилиб қўйилган эди. Абдулла Қодирийнинг маслакдош дўсти бўлган, Чўлпон ва Фитрат ижодини юксак қадрланган, нозик дидли Гулом Зафарий билан гап-гаштақда қизғин мунозаралар курган Сулеймон Хўжаев ноёб истеъдодини, ижодий эҳтиросини, билим ва малакасини тарихнинг машъум даврида (яни 1916 йилда) юз берган халқ фожиасини кўрсатишга сарфлади.

Бу ўринда Сулеймон Хўжаев даврнинг кучли цензураси, "хушёр" назоратини ҳисобга олиб, бинобарин, кўпдан-кўп тўсиқларни енгиб ўтиб ижод қилганини алоҳида таъкидламоқ лозим. Сценарийни "Марказ"-да — Москвада тасдиқлатиш талаб этилгани, суратга олинган қадрлар киностудия "бадиий кенгаш" и томонидан баҳоланиб турилганини назарда тутсак, ўша оғир, таҳликали даврда бундай мавзуга дадил кўл уриш ҳакқиий жасорат экани аён бўлади.

Кино тасмасига жо бўлган тасвир ва бадиий тоғояга мутаносиб оқилона монтаж, ўз микрокурилмасига эга бўлган ранг-баранг эпизодлар (улар ихчам новеллалар сифатида ҳам таҳлил қилиниши мумкин), турли оммавий саҳналар ва ниҳоят, бош қаҳрамон кечинмаларини бир бутун ҳолда камраб олган яхлит композиция меҳр-муҳаббат, муруват ва одамийликни улуғлаш билан бирга, уларни форат этишга қаратилган мустамлакачилик сиёсатига, зулму зўравонликка қарши бамисоли замбарақдан отилган ўқ эди. Ўз халқи бошига ёғдирилган хўрлик ва адолатсизликни қатъий турив қоралаган ватандошимизнинг ўзи ушбу фильмнинг қаҳрамони сифатида на-моён бўлди. Фильмда инсоний шаъни поймол қилинган онанинг оху фарёди, бешигида портлатилган гўдак фожиаси, қадрқиммати ерга урилган ўзбек дехқонининг изтиробини кўрсатиб бериш ўша даврда чинакам жасорат намунаси эди. Бу мураккаб картинани яратишда ижодкор қўлланган сюжет йўллари, талқин усули, тасвир ва ифода воситалари, жўшқин ҳикоя мароми — булар ҳозиргача тўлиқ ўрганилмаган, илмий жиҳатдан тадқиқ қилинмаган. Ваҳоланки, мазкур асарни фақат кино тарихига алоқадор ҳодиса деб баҳоласак, унинг қадрига етмаган бўламиз. Чунки қад-

риятлар ва уларнинг жамият ҳаётидаги аҳамияти нуқтаи назаридан ҳамон таҳлилу талқинини кутиб турган бу киноасар ҳам давр хужжати, ҳам экран дурдонаси сифатида авлодларга Фикрий-хиссий таъсир ўтказиб, тарихий, маърифий, эстетик вазифани адо этишига ишончимиз комил.

Сулеймон Хўжаевнинг сценарийнавислиқ ва режиссёрлик фаолиятини аксиология мезонлари билан ўлчайдиган бўлсак, янада муҳим хulosаларга келамиз. У фильмнинг асосий қаҳрамонлари Ботир ва Қодирни эзгу ниятли, содда, са-мими, саховатли, мўмин-қобил шахс сифатида тасвирлайди. Овозсиз кино имкониятларидан келиб чиқсан ҳолда, аввало ижтимоий муҳитни бутун тафсилотлари билан акс эттиради. Шу билан бирга, ижро қоидалари ва унинг ранг-баранг усулларини, айни пайтда кинотехника имкониятлари, портрет яратиш йўлларининг кўплигини ҳисобга олади. Шунингдек, у монтаж воситасида экранда мўъжиза яратиш мумкинлигини назардан қочирмайди. Асарнинг яна бир жиҳати — зарурат туғилганда қадрлар орасида интерпритр берилиши (овозсиз кинода қабул қилинган бу усул томошабиннинг киноасарни англашини осонлаштиради) билан боғлиқ. Бу усул ҳамда воситаларнинг барчаси бири-киб асосий қаҳрамонлар дунёқарашини очиб бериш, уларнинг қашшоқ ҳаётга кўнишиб, сабр-тоқат қилиб, айни чоқда ширин орзу-умидлар билан яшаб келаётганини таъкидлашга кўмаклашади. Фильмдаги дастлабки қадрлар жуда таъсирли: кафтдеккина томорқасида машақкат билан етиштирган пахтасини аравага ортаётган ота ўғлининг белбоғидаги пичокни кўриб, унга танбех беради, бу "матоҳ" зўравонлик нишонаси, дейди. Аслида, бу рўзгорбоп пичноқ бўлса ҳам, ўғил одоб саклаб, отага жавоб қайтармайди. Йигитнинг айни чоқдаги ҳолати — маъюс чеҳрасини йирик планда кўрсатиш орқали унинг кўнглидан кечаётган ўй-фикрлар томошабин қалбига ҳам етиб боради. Орадан кўп ўтмай, ота ўғидан олиб қўйган пичокдан ўзи фойдаланмоқчи бўлади. Ана шу кутилмаган драматик ҳолат билан боғлиқ қадрлар мазмун, айниқса, ритм жиҳатидан аввалигі лавҳага жуда яқин, эпизодлар бирбирига осонгина уланиб кетади.

Режиссёр кино "тил" и билан қаҳрамоннинг ҳар қандай зиддиятни ақл-идрок ёрдамида, яъни тинч йўл билан ҳал қилишга уринишини таъкидлайди. Шу билан бирга, қалбига ёвуз ният уя қурғанларни ҳам тартибга чақиради. Пахтасига харидор бўлган приказчик номардлик йўлига кирганида, яъни тухмат ва қаллоблик билан унинг бир йиллик ҳосилини тортиб олмоқчи бўлганида ҳам фильм қаҳрамони ўзини оғир-вазмин тутади, муттаҳамга қарши қўл кўтармайди. Шу ҳолатда ҳам у муроса йўлини қидиради, лекин фириб-гарнинг найранги авжига чиққанида бе-ихтиёр этигининг қўнжига қистирилган ҳалиги пичоққа қўл узатади-ю, бир лаҳзада миршаблар куршовида қолади.

Қаҳрамон руҳиятини шундай психолого-гик таҳлил қилиш кейинги эпизодларда ҳам изчил давом этади. Воқеалар қамрови ўзгаради, образлар сони ортади, фильм асосида турган ғояни бадиий ифодалаш динамикаси кескинлашиб боради. Шундан сўнг экранда эмизикли боласига меҳри тобланиб турган она қиёфаси пайдо бўлаади. Зум ўтмай ўша жойга снаряд келип тушади ва даҳшатли портлаш рўй беради. Она боласини меҳр билан эркалаётгани яна бир бор кўрсатилади, унинг ортидан рус армияси тўпларидан отилган ўқ ўзбек хонадони кулини кўкка совургани акс этирилади. Кейинги кадрларда эмизикли бола ҳароба ичидаги кўринади. Оч ва яланғоч бола тинимсиз йиглайди, ёнида қонга беланиб ётган онаси нега ўрнидан турмайди, нега уни қўлига олиб "болажоним!" дея эркаламайди — унинг мурғак ақли буни англаб етолмайди. Шу пайт икки рус астари от қамчилаб келади ва боладан нарироқда донлаб юрган товуқни кўриб, даррор милитигини ўқлайди. Дарвоқе, улар паррандани нишонга олдими ёки боланими? Ҳар қалай ўқ узилади ва... бола қонга беланади, ҳароба ичра жон беради.

Сулаймон Хўжаев бундай ҳаётини кадрлар орасига оммавий кўринишларни ҳам киритиб юборади: ғазабнок ҳалқ маҳкамама ёнига йифилиб, талабини баён этади. Куролланган рус аскарлари эса адолат истаб келган одамларни пулемётдан ўқ ёғдириб, қонга ботиради. Энг муҳими, режиссёр ўзбек дәхқонининг ўтган аср аввалидаги фожиавий ҳаётини кўрсатишда ҳам, аҳоли

норозилигини тасвирилашда ҳам тарихий ҳақиқатга содиқ қолади. Ҳамиша ҳалқ дарди билан яшаган бу ижодкор хурриятга интилган ҳалқимизнинг ҳамма вақт имкон қадар адолат юзасидан иш кўришга интилиб келгани, лекин бу эзгу нияти ўтмишнинг энг кир ва қора кунларида улкан синов ва тўсикларга учраганини дарду изтироб билан кўрсатишга ҳаракат қилган.

Албатта, Сулаймон Хўжаев аксиология таълимоти билан танишиб, унинг тамоийиларидан баҳраманд бўлганми, йўқми — бу ҳақда бир нарса дейиш қийин. Лекин бу санъаткор бир томондан, зеҳни, дида ва истеъоди, бошқа жиҳатдан бой миллий меросимизни, дунёвий илмларни пухта ўргангани, ислом дини ва унинг фалсафасини чукур эгаллагани боис қадриятлар фалсафаси — аксиологияга доир "инсоният", "эзгулик", "ҳақиқат" сингари тушунчаларни ҳаётий асосда таҳлил этишга интилгани фильмда яққол сезилиб туради. "Тонг олдидан" фильмни Сулаймон Хўжаевни ўзбек кино санъатининг асосчиларидан бирига айлантирибигина қолмай, афсуски, унинг ҳаётни фожиали якун топишига ҳам сабаб бўлди. Фильм экран юзини кўргач, у турили баҳоналар билан хибсга олинади ва 1937 йилда НКВД ходимлари томонидан қатл этилади.

* * *

Ўзбекистон ҳалқ шоири Эркин Воҳидовнинг "Ўзбегим" қасидасида эл-юртимиз довруғини оламга ёйган буюк аждодларимиз ҳаётини фарҳ билан юксак пардаларда куйланади. Бизнингча, Сулаймон Хўжаев ҳам ана шундай инсонлар қаторида хотирлашга муносиб санъаткор эди. Модомики, гап "Ўзбегим" ҳақида бораётган экан, мавзуга оид яна бир масалага тўхталиб ўтмоқ лозим. Маълумки, тоталитар тузум ўз хуммини ўтказиб турган қалтис бир даврда бундай ҳақ сўзни айтиш учун шоирга ҳалқимизнинг дарди, меҳри, орзулари илҳом берган эди. Ҳалқимиз қалбида миллий ўзлигини англаш, фурур туйғусини уйғотишида "Ўзбегим"нинг хизмати бекиёс эканини ҳам яхши биламиш. Айни вақтда мазкур шеърий асарнинг яна бир муҳим аҳамияти бор. У аксиологик триадани (учлил) белгилаш ва аниқлашда олиму фузалоларга кўмаклашиши шубҳасиз, деб ўйлаймиз.



МОХИЯТ ЖИЛОЛАРИ

Мансурхон ТОИРОВ

ZEHNIMIZDA CHAQINLAR

Бутун оламнинг яхшилиги ёмонлиги кичкина бир қалбга жо бўлганига ҳайрон қоласиз.

* * *

Агар эгнидаги оппоқ келинлик либоси бўлмаса, қизларни қандай куч бегона осто-
нага етаклаб кела олур эди?

* * *

Эвоҳ, яхшилик уруғининг ҳар мингтадан бири ниҳол берса, ёмонлик уруғининг ҳар
бири минглаб ниҳол беради.

* * *

Бошига кулфат тушган одамнинг маслаҳат сўрагани — ёрдам
кутгани.

* * *

Ҳеч ким менчалик севмаган, деган хуносага келмагунингизча, чин муҳаббатга
эришмаган бўласиз.

* * *

Виждон бор бўлса, у фақат... соф бўлади.

* * *

Умрим бўйи авлиёларни учратдимми ёки йўқми — билмадим, лекин авлиёликка
даъвогарларни жуда кўп кўрдим.

* * *

Билингки, энг ишончли дўст ҳам, энг хавфли душман ҳам — ўзингизда ғужассам!

* * *

Мол улашиб ҳеч кимга етказа олмайсиз, ширин сўзингиз эса ҳаммага етади.

* * *

Қувонмоқчи бўлсангиз, болаларингизга боқинг, янам қуво ниши истасангиз — набираларингизга!



Дўстим йўқ десангиз, дўстингиз бўлмайди; тинчим йўқ десангиз, тинчингиз бўлмайди; ҳеч нарсам йўқ десангиз, ҳеч нарсангиз бўлмайди.

* * *

Одамга энг ярашикли либос — одоб либосидир.

* * *

Ер думалоқ эканини ҳамма билади, лекин унинг думалоқ эмаслигини ҳамма кўради.

* * *

Ҳақиқатдан буюкроқ нарсани кўрсатинг!

* * *

Хотин, бола-чақа сизга қанчалар яқин. Ота-она, ака-ука, опа-сингилларни ҳам айнан шу қарич билан ўлчаб туринг: шунда улар ҳам сизга нақадар қадрли эканини биласиз.

* * *

Қўшнингиз ким эканини билмоқчи бўлсангиз, уйингизни таъмирлашни бошланг!

* * *

Ҳеч кимнинг йўлига тўғаноқ бўлмаганингизга имонингиз комилми?

* * *

Кўзёшининг таъми бир хил бўлгани билан сабаблари бошқа-бошқа.

* * *

Нокерак ҳақиқатлар ҳам бўлади. Уларни билиш фақат баҳтсизлик келтиради.

* * *

Гўзаллик доим баҳт келтиравермайди, ҳатто кўпинча баҳтсизликка сабаб бўлади, лекин гўзал бўлмоқ... қанчалар яхши.

* * *

Катта йўл турганда хилват сўқмоқларга фақат севишганлар ва "қоработир"лар қайрилади.

* * *

Эвоҳ, неча марта дўст деб душманнинг этагидан, душман деб дўстнинг ёқасидан тутдим!

* * *

"Чифатой" қабристони — юртимнинг яхши-ёмон тарихи...

* * *

Бирор кимсада қасдингиз бўлса, менга айтинг: соатлаб ҳол-аҳвол сўраб, тинка-мадорни қуритадиган ўта сергоп бир танишим бор — уни ўшанинг олдига юборамиз.

* * *

Ёқтиргаган кишингнинг ёнида бўлгандан тегирмон тошининг тагида бўлган яхшироқ.

* * *

Туфлиси пўрим одам оёғига кўп тикилади.

* * *

Ит ҳурап — карвон ўтар. Ҳураётган ит сеники, карвон эса бегонаники бўлса ҳам!

* * *

Тавба, менга ва оиламга ғайирлиги бор одамларни ҳам уйимдаги зиёфатга таклиф қилгим келаверади.

* * *

Бандаси у ёқда турсин, Оллоҳдан ҳам нимани сўрамоғу қандай сўрамоқнинг йўл-йўриги бор.

* * *

Олам ғам-ғуссага лиммо-лим. Ҳамдарлар эса яккам-дуккам. Бироқ томошабин кўплиги ажабланарли. Бу манзара шерлар оҳу подасидан бир оҳуни ражиётганда, бошқалари ўз навбатини кутиб томоша қилишига ўхшайди.

* * *

Ош-овқатдан ўзини ва бола-чақасини сирган одам пулини йиғиб-йиғиб дори-дармонга сарф қилади ёки табиба олиб бориб беради.

* * *

Бирорни орқасидан ёмонлаш қийин эмас, мақташ қийин.

* * *

Кўпчилик бирлашса — қудратли куч, албатта, лекин бу ҳали ҳақиқат дегани эмас.

* * *

Севганимисиз, лоақал ошиқларнинг кўзини кўрганимисиз?

* * *

Севайлик! Севилмасак... шоир бўлармиз.

* * *

Баъзан даллолларга ҳам зор бўласан киши.

* * *

Эвоҳ, қанча-қанча яхши одамни ёмон деб биламиз. Қанча-қанча ёмон одамни эса яхши деб. Гуноҳи — янглишганинг гарданига!..

* * *

Кўрсатган йўлинг узунми-қисқами, менга барибир — адаштириб қўймасанг бўлгани.

* * *

Йўқсиллар дўст-душманнинг олдида сир бой бермаслик учун юзларини шапатилаб, қизартириб юради. Давлатмандлар эса ҳадеб йўклидан, етишмовчиликдан, қимматчиликдан шикоят қилгани қизиқ!

* * *

Эшикнинг борлиги, бу — ундан ҳамма ҳам киравериши мумкин дегани эмас.

* * *

Ошиқ-мошиқлар фақат эшик-ромларнигина эмас, бутун дунёни ҳам ушлаб туради.

* * *

Чиқиндилар ичидан нимани кўрсак кўрайлик, аммо... бешикни эмас!

* * *

Овга чиққаннинг ов бўлиш эҳтимоли ҳам бор.

* * *

Хеч нарсадан кўрқмайдиган одам бўлмайди, хеч нарсадан уялмайдиган одам бўлади.

* * *

Тушингда бўлса ҳам, бироннинг нарсасини олган бўлсанг, қайтариб бер!

* * *

Баъзи одамлар бузук тарозига ўхшайди. Нимаики бўлса, ўлчаб, баҳолаб ташлайвега ради, лекин бирор марта ҳақиқатга яқин келолмайди.

* * *

Одамнинг "пўкаги"ям сувда чўқади.

* * *

Катта йўлдан катта-кичик арава юра беради, лекин кичик йўлдан катта арава юра олмайди.

* * *

Мажбур бўлса, ит мушукни елкасида олиб юради.

* * *

Супра ёзилган уйда албатта дастурхон ҳам ёзилади.

* * *

Душманлар қуршовида бўлсанг, жаннат — дўзах; дўстлар қуршовида бўлсанг, дўзах — жаннатмасмикан? Яна... ўзинг кечир, Оллоҳим!

* * *

Ҳар кимнинг охиратини берсин. Охират эса шу дунёдан бошланади...



МОХИЯТ ЖИЛОЛАРИ

Исматулла МАМАНОВ

— Ўғлим, қанчалик азоб-уқубат тортмагин, ҳаётдан умидингни ўзма! “Умид тўрга, умидсизлик гўрга тортади”.

* * *

— Ўғлим, инсон умрининг мазмуни ҳаётининг сўнгги лаҳзала-рида кечадиган ҳолатига боғлиқ. Чунки инсон дунёга нега келиб кетаётганини пайманаси тўлган дақиқалардагина тушуниб етади.

* * *

— Ўғлим, луқманинг ҳалоллиги — иймоннинг мустаҳкамлигидан.

* * *

— Ўғлим, фозилнинг фазилати шунда: билганини “биламан”, билмаганини “билмайман”, дейди.

* * *

— Ўғлим, инсоннинг умри давомида қиласиган арзимасдек туюлган хайрли ишлари тўпланиб улкан савобга айланади.

* * *

— Ўғлим, тафаккур тўхтаган жойда таназзул бошланади.

Инсон зурриётининг ўзига ўхшашини истагани ҳолда, унинг ўзидан-да тўқисроқ бўлиб етишишини, ўзидан-да маънилироқ турмуш кечиришини тилайди ва умри мобайнида тўплланган ҳаёт тажрибасини, қимматли фикр-мулоҳазаларини фарзандига мерос қолдирмоқ пайида бўлади. “Отамдан қолган ўгитлар” пандномаси ана шундай ниятдан, ана шундай эҳтиёждан туғилган дейиш мумкин.

Ҳаётнинг кўп баланд-пастини кўрган, мушоҳадага мойил, доно отахоннинг ўғилга бевосита мурожаати шаклида битилган ушбу ҳикматомуз фикрлар эзгуликни тилаб соф кўнгилдан чиққани билан эътиборлидир. Бошқача бўлмас, чунки асар муаллифи Исматулла Мамановнинг ўзи (касби хукуқшунос, фан номзоди) ҳаётда ана шундай некбин, самимий, адабиёту санъатга ошуфта инсон.

* * *

— Ўғлим, ҳаётингда ҳамиша нимадир етишмай тургани яхши, акс ҳолда худбинга сийланасан.

* * *

— Ўғлим, анови отабезорининг ишини қара, йиллаб тўшакда михланиб ётган падарини ярим кило гўшт кўтариб келиб йўқламаган одам вақти қазоси етиб вафот этганида дошқозонда икки юз кило ош дамлаб, сохта обрў олмоқчи бўлибди-я...

* * *

— Ўғлим, фоний дунёда тўғрилик излаб ҳақиқат топгандан кўра, ёлғон сўзлаб, мартабаси ортганлар кўп.

* * *

— Ўғлим, умр беш кунлик эканини зинҳор унутма, эзгу ишлар қилиб қол! Чунки, биринчи кун — сен дунёга келган кун — ўтди. Иккинчи кун — сен уйланиб, оиласи бўлган кун — ўтди. Учинчи кун — фарзандлар кўриб, ота деган номга эга бўлган кун ҳам ўтди. Тўртинчи кун — эзгу ишлар билан ном қолдириладиган кун — ўтпяти. Бешинчи кун — сен дунёни тарқ этадиган кун, бу сенга боғлик эмас.

Инчунун, ихтиёргингда бир кунга етар-етмас вақт қолган, шошил!

* * *

— Ўғлим, ёлғон билан чин дўстлашган манзилда адолат бўлмайди.

* * *

— Ўғлим, адолатсиз одамгина адолатдан кўрқади.

* * *

— Ўғлим, жамиятда содир этиладиган жиноятлар замирида кўпинча биз ёнидан кўриб кўрмасликка, билиб билмасликка олиб, аҳамият ҳам беравермайдиган одобисзилклар ётишини асло унутма.

* * *

— Ўғлим, бўлса — тежа, бўлмаса — қаноат қил. Нафсингга раддия бер!



Менга бир умрга татигулик ўтилар қолдириган раҳматли отам билан, афсуски, расмiga тушолмаган эканман. Бу ҳам балки кимгайдир сабоқ бўлар. Ушбу портретни эса, ҳаваскор рассом сифатида, ўзим чизганман. Оллоҳ рози бўлсин!

Муаллиф

* * *

— Ўғлим, иймонсиз сотувчининг дўқонида инсофдан бўлак барча мол топилади.

* * *

— Ўғлим, хўжасининг гапларини такрорлашни пухта ўзлаштириб олгани билан тўтиқуш воизга айланиб қолмайди.

* * *

— Ўғлим, ўжарлик бу — жарлик.

* * *

— Ўғлим, замона зайли билан бир бечора кимса эшагини "тoғa" деб юборган экан, уқдингми?

* * *

— Ўғлим, ҳақиқат бор, ишонавер. Фақат, у ҳамиша кечикади.

* * *

— Ўғлим, камбағаллик айб эмас, бироқ камбағалликка кўнишиб қолиб, уни умрбод "касб"га айлантириб олиш айбдир.

* * *

— Ўғлим, тантиликни тупроқдан, серобликни сувдан, саховатни самодан, қудратни қўёшдан, юқсанлигини юлдуздан ўрган.

* * *

— Ўғлим, баҳт — аҳилликнинг соясидир.

* * *

— Ўғлим, бойлик билан ақл топиб бўлмайди, аммо ақл билан бойлик топиш мумкин.

* * *

— Ўғлим, тама кўчасидан ўтма, тамагир кўрпачасида ўтирма.

* * *

— Ўғлим, пойгакда жой бўлса, тўрга чиқишига интилма. Чунки, обрўли одам пойгакда ўтиргани билан обрўсиз ёки обрўсиз одам тўрга чиқсани билан обрўли бўлиб қолмайди.

* * *

— Ўғлим, эпли бўл, эпчил эр элақда ҳам сув ичади.

* * *

— Ўғлим, бирор билан қудалашишдан аввал кўзларингни каттароқ оч, қудалашганингдан сўнг кўзларингни қаттиқроқ юм.

* * *

— Ўғлим, уйда, ота-онанг бағрида бола бўлиб қолсанг-да, кўчада, одамлар орасида эркак бўл.

* * *

— Ўғлим, аёлнинг макрини гарданига олган қирқ түяning ҳар бири қирқ филнинг қудратига эга бўлмоғи лозим.

* * *

— Ўғлим, икки киши жанжаллашаётган бўлса, билки, айб ақллисида.

* * *

— Ўғлим, қўлнинг кафтидек аён нарсага шапалоқдек баён шартмикан?

* * *

— Ўғлим, кайфиятингни туширма. Тушкун кайфият — заҳарли илонга ўхшайди. Тирмашиб бутун танангга ўралади, имкониятни бой берсанг, захрини санчади.

* * *

— Ўғлим, яхшилик ва ёмонлик эшикларини инсон ўз ихтиёри билан очади.

* * *

— Ўғлим, сени ўзингдан кўра кўпроқ биладиган одамнинг ўзи йўқ, сен эса ўзинг ҳақингда ҳеч нарса билмайсан.


* * *

— Ўғлим, қуш қанотга, инсон эса қаноатга муҳтоҷ. Зеро, қаноат — инсон қанотидир.

* * *

— Ўғлим, мен яшамаяпман. Бефойда, ўтаётган кунларимнинг ҳисобини олиб турибман, холос. Бир, икки, уч...


Турсунбай АДАШБОЕВ



Баллада


Ҳар гал борсам қишилоққа,
Қалбим кетар тозарив.
Қоғиялар чақмоқдай
Эркин қанот ёзади.
Чойга чорлар тогамлар,
Жавдар нонни ушатиб.
Кўзим кийик шохидаги
Қамчи сопга тушади.
Тогамнинг айтар сўзи
Аниқ руҳ — сиёғидан.
— Ажабо, қамчи даста
Кийикнинг туёғидан?!.
— Саночсоида бир чол бор,
Асли исми Норбобо.
Ҳайитбой, — дер эл уни,
Соч-соқоли қор бобо.
Ориятли, покдомон —
Канда қилмас рўзани.

Нўйгутлар уругидан,
Сал ўжарроқ — дўзали.
Тоғликка хос ҳунари —
Эгар ясар, қўм тикар.
Ўрмадўз қамчи ясаб,
Пўстинларни жўн тикар.
Улкан мешга ўхшайди
Чор тарафдан Саночсои.
Тўрт обулнинг чорваси
Боқилувчи сўлим жой.
Бобонинг қўналгаси
Ўзига хос — Дўнгбулоқ.
Ўн тутинли маҳаллага
Жуда қулай, ўнг булоқ.
Норбой ёлғиз фарзанд
Ота билан онадон.
Чегаранинг ўзи ийқ,
Ўнта аҳил хонадон.



Үйланмади Ҳайитбой —
Үзи шуну хоҳлади.
Чолу, камтир ўтишиди
Кўккка ўрлаб оҳлари...
Сабабини билолмай
Ҳамон ҳайрон ёш-қари.
Турфа чўпчак тўқийиди
Овул гайбатчилари...
Дўнгбулоқча ёндошидир
Қишлоғимиз қўраси.
Шу боисдан биз ёқдан
Унинг дўсти, жўраси.
Таъмирлаймиз йил сайин
Хўжалик саройларин.
Сўнг суваймиз бобонинг
Отхонасин, томларин.
Асло дариг туттмайди
Қази, кулчатойини,
Баъзан қўмсаб қоламиз
Кийик ўтли чойини.
Қўралар таъмирлангач,
Нуқта ҳам қўяр бўлдик —
Хўжалик ҳисобидан
Бир новбос сўяр бўлдик.
Бу воқеа аслида
Қуидагича юз берган:
Ошпаз сўраб боргандা,
Бобо болта, туз берган...
Кейин билсан, ўшанда
Хатога юз тутибмиз —
Норбобога насиба
Беришни унугтибмиз.

Шу кун шайтон озгириб,
Бизларни гафлат босди.
Рости гап, оқибатни
Қилибмиз оёқ ости.
Гурурли чол илинжни
Бошдан ҳавола қилиб,
Хуфтон намозидан сўнг
Тангрига пола қилиб,
Пинакка кетган экан
Ёстиги ёнбошида,
Тонгда недур дупурган
Япасиҳи том бошида.
Бобо чиқса, тепада
Кийик сергак туритти.
Ўнг оёқдан ўқ еган,
Оқсоқланиб юритти.
Чолни кўргач жонивор,
Ўзни урди қўрага.
Хайриятки, атрофи —
Четан девор — ўралган.
Ўқириқни бир нави
Илинтирди шоҳига —
Яратган ёрлақаса,
Омад боқар гоҳида.
Бир коса шўрвани-ку
Кўзимиз қиймаганди,
Чол кийик гўшти билан
Бизларни сийлар энди...
Ва ҳайитда Норбобо,
Ҳимматни ортиқ қилган.
Менга ушибу қамчинни,
Беминнат тортиқ қилган.



“ЧУН ИЛИК БЕРМАСКИ...”

Чун илик бермаски, ўпсам ул ситамкор илгини,
Бир киши илгин ўпайким, ўпгай ул ёр илгини.

Биринчи мисрасидаги “ўпсам” сўзи сабаб шоҳбайтни ўқиган кишининг кўз ўнгига бир малаксиймо гавдаланади ва “ситамкор” ибораси бу тасаввурни гўёки тасдиклайди. Кейинги мисрадаги “ёр” сўзи эса шеърхоннинг тугал хulosага келишига туртки бўлади — байтда бир ҳурлиқо ҳақида гап бормоқда. Бироқ, наҳотки шоир севгилисининг қўлини ўпган кишининг қўлини ўпса?..

Баҳоуддин Нақшбанд ҳазратлари айтадики, “Авлиёларда бир замон борки, бу замонда уларнинг сухбатидаги беадаблик айни адабдир, бир замон борки, ундан адана айни беадабликдир”. Шу маънода, ғазал ҳусни матлаасига бир кўз ташлаган ҳозирги ўқувчига андак “беадаблик”дек туялган бу байт аслида ҳақиқий муҳаббат, пиру муридлик муносабатлари ҳусусидадир.

Бу оламда ҳар томонлама муҳофазаланган одамнинг ўзи йўқ. Бешикдаги гўдақдан тортиб жон куши парвозга шайланётган қариягача — барча-барча шайтони лаъин тажовузидан омонлиқда эмас. Муршиди комил мурид қалбини ана шу иблис ҳийаларидан ҳимоя қиласди ҳамда руҳини юксалтиради. Шу боис эл орасида “Пири йўқ одамнинг шайтондир пири” деган ибора кенг тарқалган. Маҳдуми Аъзам эса “Пирсиз кирма жанггоҳга ҳеч дам, / Исқандари замон бўлсанг ҳам”, деб огоҳлантирган. Шайтон найрангию нафс куткуларидан эмин бўлиб, комилликка эришмоқча кишининг ўз саъи-ҳаракатлари етарли эмас, ҳатто у Исқандари замон бўлган тақдирда ҳам. Зеро, на боши, на охири кўринадиган биёбонда қолган киши ўз ҳолича йўл юрса, кўзлаган манзилини тополмасдан забун бўлиши мумкинлигини шоир “Ситтаи зарурия” асарида бундай ифодалайди “...Уддасидан чиқсанг, етук

бир йўл кўрсатувчи (муршид) топ. Чунки йўл йирок, хатарли, унинг биёбони мусофиirlарни қатл этувчидир”. Пирсиз ташланган ҳар бир қадам хато ва ҳалокатга етакловчи одимдир. Шунинг учун камоли ихлос билан муршиду комилнинг этагини тутмоқлик даркор. Махтумқули таъбири билан айтганда, “Ихлос билан бир комилга қўл берган, / Етар бир манзилга, етмайин қолмас”.

Пирсизлик эса беҳудалиқдир. Ҳазрат Навоий “Мажолис ун-нафоис” асарида Камолиддин Биной тўғрисида сўз айта туриб бу ҳолни куйидагича шарҳ этади “...Бу сифати салби учун фақр тарийқин ихтиёр қилди ва риёзатлар тортти, чун пири ва муршиди йўқ эрди, ўз бошича қилғон учун ҳеч фойда бермади...”

Муродига етишмоқ қасдида пирга эргашган мурид, сулук одобига кўра, шайхнинг қўлини ўпиб (байтдаги — ўпсам) сидку эҳтиромини изхор этади. Пир эса “ситамкор”. У муриду мўхлисларнинг ҳаммасига ҳам қўл тутавермайди. Шайхнинг назарига туша олмаслик эса муриднинг ҳали фўрлигини англатади. Чунончи, пиру муршид излаб ҳамроҳлари билан юрт кезиб юрган Сайийд ота авлиёуллоҳ Занги отани учратганида, “Сайийдлардан бўлатуриб мен шу қора одамга мурид бўламанми?” деган иddaoni кўнглидан ўтказгани боис шайхнинг эътиборидан колгани ва кўп йиллар у зотнинг даргоҳида риёзат чекиб, охир-оқибат Анбар она воситасидагина иршодга етишгани маълум.

“Ёр” сўзи эса байтда бизнинг тушунчамиздан кўра кенгроқ маънода кўлланган. Аникроғи, энг яқин рафиқ, ажралмас ҳамдам, меҳрибон раҳнамо, ҳақ йўлга етакловчи устоз... Бу сифатларнинг барчаси пири комилдагина жам бўлади. Ундан ўзгаси ҳар қанча зўр кўринмасин, барибир нуқсонидир. Шунинг учун шоир фазални

Эй Навоий, билки ҳижрон дастидин бўлмас халос,
Сайр аро матлуб, агар тутмас талабгор илгини,—

деб якунлаган.

Оллоҳ таолога ошиқ бўлган киши аввало Унинг севган бандаларини севмоги керак. Улар Пайғамбар алайҳиссалом издошлиари бўлган авлиёуллоҳлар, муршиди комиллардир. Аммо буларнинг назарига тушиб учун ҳам киши муайян вақт заҳмат чекиб, тайёргарлик кўриши ва шунинг баробарида улар ҳузурига йўл очувчи бир кишини топмоги даркор. “Бир киши илгин ўпай-ким” деганда шоир ана шуни назарда тутган. “Ситамкор” эса, айтиб ўтилганидек, муршиди комилнинг ўзидир. Қачонки, муршид муриднинг қўлидан тутмас экан, у ҳеч замонда Оллоҳ таоло висолига ета олмайди, адашиб-улоқиб ҳижрон водийисида бутунлай йўқолиб кетади.

Улуғ шоир бу ўринда тариқат одобаридан янга бирига эътибор қаратган. Бу — киши ўзини ниҳоятда ҳақибу фақир тутмоғидир. Умуман, ҳазрат Навоий қайси асарида ўз шахси ҳақида сўз юритган бўлмасин, барчасида “камина фақир” деган каломни тилга олади ва ўзини ниҳоятда ҳақир тутади. Бу байт ҳам ул зотнинг ана шу одатидан истисно эмас.

Дамин ЖУМАҚУЛ




Shuhrat RIZO mustolaa qiladi

Ўзбек тилининг изохли луфати. 5 жилдлик. Тошкент,
“Ўзбекистон Миллый энциклопедияси”, 2006-2008.

Талабалигимизнинг илк паллаларида “Хозирги замон ўзбек адабий тили” фанинг фонетика, лексикология, лексикография бўлимларидан маъруза ўқиган домламиз доцент Миразиз ака Миртоҷиев (хозирда профессор, табаррук ёшдалар, умрлари узоқ бўлсин) луфатчилик борасида батафсил тўхталиб, бу соҳа кишилари орасида юрадиган ҳазилнамо бир нақлни айтиб әдилар: “Илм аҳлидан кимники жазоламоқ лозим бўлса, уни осма, қамоққа ташлама, сургун қилма — яхшиси, луфат тузишга мажбур эт. Бундан кўра оғирроқ азоблаш усулини тополмайсан”.

Дарҳақиқат, бу ишнинг машаққатини ҳар ким ҳам тасаввур эта олмайди. Луфатчига катта-катта ўн хонали уй бўлса ҳам кам. Йўқ, ўзига-ку каталакдек бир хужра ҳам кифоя, бироқ ҳар бир ҳарф, сўз, бирикмага алоҳида-алоҳида тузиладиган ва йигиладиган карточкалари, қайдлари, мисоллари ёйилганда бутун хона саҳнини эгаллайди. Ишлайтганда ўзи ҳам бу хоналарга қайд қофозлари аро хасислик билан қолдирилган ингичка йўлакчалардан дорбоз каби кириб-чиқиб юради. Қани, бирор кас ўша хонага кириб, қайсиdir қофозчани турган жойидан ўёки бу томонга берувхат силжитиб қўйсин-чи, ўша куни бу хонаёндан дилхиралик ҳукмрон бўлиши турган гап. Луфатчи шўрлик туну кун ишлайди. Тириклилк ғами билан юрганда ҳам хаёлига бир сўз келиб қолса ўёки бирор жойда бирор нима ўқиса, ё эшитса, дарров ҳаловатини йўқотади. Ўша, ўзидан бошқа ҳатто валламатига ҳам киришга изн бермайдиган хонанинг дордек ингичка йўлакчасидан яна дорбоздек ўтиб, керакли қофозчага қўшимча қайдларни киритади-да, сўнг осоийш топади. Шу тариқа кунлар, тунлар, ойлару йиллар излашда, топишда, яна излашда ўтаверади, ўтаверади. Бир ҳарфда келадиган сўзлардан сўнг иккинчи, учинчиси ва ҳоказо. Минглаб, ўн минглаб, юз минглаб қайд қофозлари. Шулар бари кун келиб жамланади ва бир муқова остида китоб бўлади. Кенг хоналарга сифмаган ўша сон-саноқсиз қайдлар китоб саҳифаларига жо бўладио каттаю кичикка бирдек аскатади. Кимнингдир тил чигали, кимнингдир дил чигалини ечмоққа кўмақдош бўлади бу китоблар. Уларни биз жайдари лафзимизда жўнгина “луфат” деб кўя қоламиз. Бирор сўз ўёки ҳодиса ҳақида Фикр юритганда, иккилансак, гумонга борсак, албатта, “бир луфат кўрай” деймиз. Яна ўзимизнинг бот-бот варақланавериб титилиб кетган ва стол четида шай турадиган суюмли, ишончли луфатимизни кўлга оламиз. Керакли сўзни топиб, унинг луфавий маъносию товланиш-тусланишларини бир назардан ўтказиб олгач, энди дадил истифода этамиз. Қани, бирортаси эътироз қилиб кўрсин-чи! Ҳар қандай тушунча ўёки атаманинг луфавий маъносига асосланган одам янглишмайди ва худа-беҳуда ҳар мақомга йўргалайвермайди. Ана шундай “йўрга”-лар луфат кўрмаган ё луфат нима эканини билмаган одамлар бўлиб



тюолади менга. Рост-да, ҳар қандай тил, фундаментал илм, ма-
лака луғатни пухта ўзлаштиришдан бошланади.

Бир вақтлар тилимизда "изм"лар бемаза қовуннинг уруғидек кўпайиб кетган эди. Энди эса юнонча "logos" тирғалиб ке-
ладиган таълимотларнинг оврупocha ифода шаклларини жорий
этишга зўр бериб уринаётганлар учриб боряпти. Булар гўё замонавий билимдонлар. Машхур саҳна асаридағи лўттибоз бир
қаҳрамон айтмоқчи, "ўзимизнинг сўзларга лотинча қўшимчани
кўшинг-да, лотин тилини биламан деяверинг". Тилни бундай
сунъийлаштиришга уринишнинг илдизлари анча чуқур бўлиб,
аслида бу мустамлака сиёсатнинг мағкуравий "ўйин"ларидан
бири эди. Моҳият эътибори билан айни ҳодисани маърифат-
парвар бобомиз Абдулла Авлоний ўз вақтида қаттиқ танқид ос-
тига олган: "Биз, туркистонликлар миллий тилни сақламак бир
тарафда турсун, кундан-кун унутмак ва йўқотмақдадурмиз. Ти-
лимизнинг ярмига арабий, форсий улангани камлик қилуб, бир четига рус тилини
ҳам ёпишдурмақдадурмиз... Эҳу! Бизга на бўлди? Боболаримиз йўлидан чикуб кетдук.
"Яхши қўшингдан олгунча, ёмон уйингни қидир", демишлар. Боболаримизга етуш-
фон ва яраган муқаддас тил ва адабиёт бизга ҳеч камлик қилас. Ўз уйимизни қидирсан
ва ахтарсан, йўқолгандарни ҳам топурмиз. "Йўқолса йўқолсун, ўзи бошимга тор
эди", деб Ёврупо қалпогини киуб, кулги бўлмак зўр айб ва уятдир. Пайғамбаримиз
"Элларда жамол лисон ва тилдир", демишлар (Абдулла Авлоний. Танланган асарлар.
T., 2006, 61-бет).

Бутун халқ, миллатга жамол бўларли лисон ва тилни соғ ҳолда асрагувчи,
авлодларга етказувчи восита эса, аввало, луғатдир. Айни ўринда биз XXI аср-
нинг дастлабки ўн йиллигига ўзбек миллий маданияти учун улкан ҳодиса сифа-
тида амалга оширилган беш жилдлик "Ўзбек тилининг изоҳли луғати" ҳақида сўз
юритмоқдамиз.

Узоқ мозийни қўйиб, истиқолонинг ўн етти йиллик яқин тарихини кўз ўнгимизда
жонлантираск ҳам, халқимиз ҳаётида том маънода маънавий-маданий ҳодиса бўлган
воқеалар кўп, албатта. Таъбир жоиз бўлса, мен "Ўзбек тилининг изоҳли луғати"ни
моддий маданият жавоҳирлари ўлароқ кўз ўнгимизда бунёд этилган Имом Бухорий
мажмуаси, Интерконтинентал меҳмонхонаси, Ҳасти Имом мажмуаси каби кўплаб
замонавий меморий бойликларимиздан қолишмайдиган ҳодиса деб баҳолаган бўлар
эдим. 2006-2008 йилларда нашр этилган беш жилдан иборат бу салмоқдор китоб-
лар саҳифасига саксон мингдан зиёд сўз ва сўз бирикмаларининг маъноси жамлан-
ган. Бу фақат айтишгагина осон. Аслида, бутун бир олимлар гурухининг қирқ йиллик



Шуҳрат Ризога "Тафаккур" тавсифномаси

- журналинизнинг жонкуяр дўсти, фаол муаллифларидан;
- нуктадон адабиётшунос дессангиз ҳам, театршуносу киношунос дессангиз ҳам шу одам;
- бир неча йил катта идораларда хизмат қилиб, маданий-маърифий ташкилотчилик бобида кўзи пишган жамоатчи;
- сал ҳафсала билан мулоҳаза қилиб гапирса, оғзидан чиққани — тайёр мақола; ёзган-
лари эса — бир талай китоб, дарслик, кўлланма;
- оғиркарвонроқ кўрингани билан роса ингичка фикрлайди;
- яхши асарни учратса, муаллифнинг ўзидан кўпроқ қувонади, ҳар жойда тарғиб қилиб
юради — бегараз, бегубор, тантни...

Эллик ёшга тўлган бир одамга шулар камми?

Умрининг қолган ярми бундан-да сермазмун, самаралироқ бўлсин деб ният қиласиз.

мехнати якуни бўлган бу беш дурдона, дарҳақиқат, игна билан қудук қазиган фидойи инсонлар заҳмати самарасидир.

Балки бугунги компьютерлаштириш замонининг ҳавосини олган бирор мардум таърифу тавсифларимизни истеҳзога олиб, биргина компьютер дастури билан арзимаган муддатда амалга ошиrsa бўладиган иш-ку бу, дейиши ҳам мумкин. Аммо ишончим комилки, техник ижро нуқтаи назаридан муайян қулайлик яратиши тайин бўлган компьютерлар ҳар бир сўзнинг кўпдан-кўп маъно товланишларини, унинг оҳанг (интонация) воситасидаги ўзгаришларини, шева ва лаҳжалардаги бетакрор хусусиятларини ҳамда шуларга доир минг йиллик бадиий, илмий адабиётимиз ва юз йиллик матбуотимиз намуналаридан олинган минг-минглаб мисол, изоҳ ва шарҳларни аниқлаб, кўрсатиб беришга охизлик қиласа керак. Қолаверса, фақат инсон зотига ато этилган неъмат — ҳис-туйғу, эҳтирос ва илҳом ҳам бу китобларни яратишда муаллифларни четлаб ўтмагандир, албатта. Гоҳо бир сўзнинг ўнта, ўн бешта ва ҳатто бундан-да кўп маънолари кўрсатилади. Оддий қора сўзда, матбуотда, бадиий адабиётда тўғридан-тўғри англашиладиган маънолари, кўчма маънолари, рамз, образ сифатида кўлланадиган ўринлари келтирилади. Бир сўзни образ сифатида аниқ тасаввур этиб, уни шундай изоҳлаб беролган тилшунос олимни туйғу ва илҳомдан бебаҳра деб ким айта олади?!

Лугатнинг ҳар бир жилди илк саҳифасида таҳрир ҳайъати аъзоларининг номлари келтирилган. Рўйхат охирида Азим Ҳожиев домланинг номи. Албатта, бу ўринда бошқача бир талқинга асос йўқ — рўйхат алифбо тартиби бўйича тузилган. Аммо, менга қолса, шу номни истисно тариқасида рўйхат бошига қўярдим. Ҳеч шубҳасиз, Тўра aka Мирзаев раҳбарлигига ҳайъат аъзоларининг ҳар бири илмий ва ташкилий жиҳатдан ниҳоятда катта иш қилган. Мен, айниқса, муаллифлар — Э.Бегматов, А.Мадвалиев, Э.Умаров, Н.Махкамов, З.Мираҳмедова, Д.Худойберганова, М.Содиковаларга бир китобхон сифатида, улар яратган лугатларга эҳтиёжманд инсон сифатида юракдан ташаккур айтаман. Айни чоғда Азим Ҳожиевдек улуғ бир заҳматкаш олим билан замондошлигимдан фахр этаман. Мазкур лугатни тузиш бўйича “Йўриқнома”дан тортиб жиллардаги 18 та ҳарфга оид минглаб мақола шу инсоннинг илмий меҳнати, янада аникроғи, жасорати маҳсулидир. Айни лугат ва унинг асосий муаллифи ҳақида шундай фикр айтишга тўлиқ асос бор. Ўлайманки, менинг фикримга кўшилгувчилар ҳозир ҳам мавжуд ва яна вақт ўтган сари уларнинг сони ортса ортадики, асло камаймайди. Бир чети, бизнинг миллат сифатидаги миллий маънавиятимиз ҳам шундай ҳодисалар туфайли камол топиб бораверади.

Наим К а рим о в. XX аср адабиёти манзаралари. Тошкент, “Ўзбекистон”, 2008.

“XX аср адабиёти манзаралари”. Дабдурустдан бундай сарлавҳага кўзи тушган оқил одам бир сесканиши табиий. Ҳазилми, бутун бир асрлик — юз йиллик адабиётини, юз йил бўлганда ҳам, башарият кечмишидаги энг мураккаб, энг зиддиятли, энг фожиавий, бунинг устига, тафаккурнинг чексиз имкониятлари қашф этилиб, ҳайратомуз мўъжизалар яратилган буюк бир асрнинг қадим ва улуғ бир ҳалққа тегишли адабиётини таҳлил доирасига тортиш ва номига яраша залворли умумлашмалар, холис ва теран фалсафий хуносалар чиқариш олимлик дайвосида юрган ҳар кимнинг ҳам ҳадди эмас... Хўш, унда бундай юкни ким кўтара олади? Кимнинг журъатини истеҳзосиз қабул қилиш мумкин? Ким шундай китоб яратишга маънан ҳақли? Назаримда, бундай сарлавҳага кўз ташлаган ҳар бир фахмли адабиётчи шу саволни хаёлдан ўтказиши шубҳасиз. Шундай яхлит асар учун чўнг чизгилар яратиб Иззат Сulton, Матёқуб Кўшжонов, Озод Шарафиддинов домлалар бокий дунёга риҳлат қилди. Улар билан ёнма-ён ё кейин адабиёт илмига кириб келганлар ҳам неча-неча йирик ва мўъжаз чизгилар қилган, ҳозир ҳам шу ташвишда юрибди. Бироқ ҳеч ким журъат этиб, катта миқёсларга чиқишига кувват топа билмаяпти. Бу иш келгуси авлодга қолади

шекилли, ҳар қалай, кўпдан-кўп чизгилар бор-ку, керагини умумлаштириб олар, деган тусмол ҳам йўқ эмас эди.

Шукрки, шундай жасоратга қодир одам — олим бор ва у, ҳеч шубҳасиз, ўтган юз йиллик ўзбек адабиёти ҳақида умумлашма фикр айтишга қодир ва ҳақли. Зеро, бу олим умрининг эллик йилдан мўлпроғи гоҳи қайнаб, гоҳи сокин оққан ўша адабиёт дарёсига аввал тиник бир жилға, сўнгра эса жўшқин сой, яна ҳам кейинроқ ўзанида пурмаъно бир салобат билан юзган анхор мисол кўшилиб кетган. Бу олим — фан арбоби, профессор Наим Каримовдир.



Наим ака бугун заҳматкаш умрининг саккизинчи ўн йиллигидаги туриб, ўтмиш аксар устозлари, сафдошлари ва ҳатто ёшроқ замондо ҳамкаслари тажрибасига асосланиб, ҳаёти давомида ёзилмиш битикларидан саралаб “Сайланма” жиллар тартиб қилиш ҳақида ўйласа, бирор хайриҳоҳ ёки чапдаст шогирди кўмагида нашр эттириш, ҳеч ким буни ғайритабии ҳол деб қабул қилас эди. Ҳатто, тўғри тушуниб, рағбат кўрсатиши ҳам мумкин эди. Йўқ, аксинча, ўтилган йўлдан ўтишни асло истамайдиган ҳақиқий олим сифатида Наим ака ўз умрининг файласуф палласида илмий ва инсоний жасорат кўрсатди. Шонли ва фожиавий бир асрнинг яхлит адабий ҳам ижтимоий-маънавий манзарасини чизмоққа жазм этди. Чизганда ҳам қиёфаларни аниқ, рангларни тиник қилиб, ҳар бир ҳодиса ва воқеанинг қонуний жой-жойини кўрсатиб, ҳеч нарсанни ҳаспўшламай, итоаткор андишага, муте мулоҳазаларга бормай, фикрий мустақиллик, илмий холислик ва энг мухими — назокат ҳам фасоҳат билан юз йиллик адабий ҳаётнинг маҳобатли манзарасини яратди.

Китобда аср адабий жараёнлари ва ҳодисалари моҳиятидан келиб чиқиб, муаллиф ўз даврлаштириш концепциясини таклиф этган ва шунга кўра қарашларини янги-янги топилмалар билан далиллашга, асослашга муваффақ бўлган. Олим XX аср ўзбек адабиётини уч даврга ажратади: “... биринчи даврни миллий уйғониш даври адабиёти, иккинчи даврни ижтимоий силсилалар даври адабиёти, учинчи даврни эса истиқлол даври адабиёти, деб аташ тўғрироқ бўлади” (227-бет).

Биринчи ва учинчи даврлар борасида, уларнинг номланиши ва даврий чегаралари хусусида аксарият адабиётшуносларимиз яқдил бўлсалар керак. Бироқ иккинчи давр масаласида баҳслар авж олиши аниқ. Чунки шўролар мағкураси ҳукмронлиги ва тазиики остида кечган бу давр ўта зиддиятли қарашлар ва мураккабликларга эга. Шу даврга мансуб адабиёт намояндаларининг ҳаёти ва ижодига турлича қарашлар, талқинлар, эҳтирос билан ёндашувлар баҳс кайфиятини устувор этади. Шунга қарамай, Наим ака Шўро даври адабиётини сира якранг ҳодиса сифатида баҳоламасдан, унинг ҳеч бир кимсага малол келмайдиган истилоҳини топишга ҳаракат қиласди, яъни — “Ижтимоий силсилалар даври адабиёти”. Мушоҳада этиб кўрилса, ҳодиса моҳиятига жуда яқин истилоҳ. Дарҳақиқат, ижтимоийлашув — ўша давр адабиётининг бош белгиси. Қолаверса, унинг ижтимоийлашув силсилалари ичida кечгани ҳам ҳақиқат. Демак, муаллиф таклифини умумқоида сифатида қабул қилиш мумкин. Айни чоқда домланинг шу давр адабий сиёсатининг моҳият йўналиши ҳақидаги куйидаги фикрларини ҳам инкор этиш қиин: “...мустабид тузум ўз ихтиёридаги барча миллий адабиётларни руслаштириш, советлаштириш сиёсатига собит колиб, бу адабиётларни ўз ғояларининг oddий ва жўн жарчисига айлантиришга эришди”(228-бет). Муаллиф масалага янада чуқуррок кириб, “Атоқли шоирларимиз билиб-бilmай ўз шеврлари билан, романнависларимиз эса ёстиқдек-ёстиқдек асарлари билан ўз ҳалқини руслаштириш жараёнига катта хисса кўщдилар” (231-бет), деб ёзади ва бу мулоҳазаларини “Мен яхудийман”, “Улуғ рус ҳалқига”, “Россия”, “Куёш жарчиси” каби бир қатор шеърлар мисолида асослайди. Узоқ йиллар “гражданлик лирикасининг энг юксак намунаси” деб келинган бу шеърлар “қонимизга аллақачон руслashiш майлари кириб бўлган” и учун “мантиқан далилланмаганини сезмадик”, “ўзбек адабиёти фақат рус адабиёти иклимидан нафас олиб, ўзининг миллий илдизидан, миллий

озиқ манбаларидан маҳрум этилаёзди" (229-бет), дея хулоса чиқаради олим. Бу каби фикрлар, назаримда, баҳс эҳтиосларини оловлантириш эмас, аксинча, даврнинг реал воқелигини тӯғри ҳис этиб, объектив умумлашмаларга келиш учун битилган деб баҳоланиши керак. Зоро, биз шундагина бир жойда депсиниб қолмай, эстетик тафаккур илгарилаши учун имконият яратамиз. Чунки, XXI аср ибтидосида туриб ортдаги жараёнларни сарҳисоб қилиб олиш бу — келажакнинг интилиш ва изланишларини тӯғри йўлга солиб юбориш демакдир. Ҳақиқатан ҳам, шундай сарҳисобга қодир олимнинг борлиги адабиётимиз, адабиётшунослигимиз ва умуман миллий маданиятимизнинг ютуғидир.

Хуршид Дўстмуҳаммад. Беозор қушнинг қарғиши. Тошкент, "Шарқ", 2006.

Хуршид Дўстмуҳаммаднинг бир вақтлар ёш адибларнинг "Чашма" номли тўпламида чоп этилган дастлабки ҳикояларини танқид қилиб, "Киова қўёши"да узоқ Америка ҳиндулари ҳаётидан мавзу танлаб ўтирмаи, ўзимиздаги мустамлакачилик сиёсати фоҳиалари ҳақида очик-ошкора ёзса бўлмасмиди, деб муаллифга тъяна этганим эсимда. Ўшанда, ҳикоя ёзилган давр — XX асрнинг саксонинчى йилларида ҳам худди бундан олтмиш йиллар мұқаддам ўз юртимиздаги истибододга нафратини пардалаб, рамзий маънода "Хинд ихтилолчилари" ёки "Португалия инқилоби" ҳақида пъесалар ёзиб, дард-армонларини тўкиб соглан Абдурауф Фитрат, Абдулла Авлоний йўлини тутишга ҳануз маҳкум эканимизни, Америка бизонларини кириб битириш Киова қўёшини сўндиргани каби, эрк, озодлик дея майдонга чиқсан жадид боболаримиз ёки улардан кейинги не-не зиёлиларимизни қатафон этиб, ўзбек миллати қўёшини сўндиromoқчи бўлгандарини ҳали англаб, тушуниб етмаган эканман, шекилли. Хуллас, Хуршид Дўстмуҳаммад деган ёзувчи билан дастлабки танишувим ана шундай гойибона, унинг илк ҳикоялари орқали бундан роппа-роса чорак аср мұқаддам рўй берган эди.

Чорак аср... Ана шу давр мобайнида Хуршид Дўстмуҳаммад "Бозор" романни, бир қатор қиссалар, ҳикоялар, пъеса ва киносценарийлар, юзлаб танқидий ва публицистик мақолалар, 80-90-йиллар ўзбек насли ҳақида салмоқли адабиётшунослик тадқиқоти, журналист одобига доир йирик илмий иш яратди. Мана, энди мазкур сарбанд хирмондан қалбга энг яқин ҳикоялар ва бир драматургик машқни жамлаб, "Беозор қушнинг қарғиши" тўпламига жо қилибди.

Тўплам мундарижасининг ўзиёқ кишини ўйга толдиради. Ҳикоялар мавзу доира-сига кўра туркумларга ажратилиб, ҳар бир туркумнинг номланишидаёқ дастлабки йўлламна англашилади. "Бизни улғайтирган болалик"да мураккаб муносабатлар дунёсига эндиғина ҳаёт даричасидан боқаётган бола нигоҳидаги турфа ҳолатлар акс этса, "Бедор мозӣ"да сеп мисоли чувалашиб кетган тарихий ўтмишни ҳиссий англаш, "Кенг осмоннинг тор кўчалари"да коинот қадар бепоён қалб манзаралари, "Изтироб экан-ку мухаббат!.." да "сехру жодуга бой бу гўзал туйғу" жозибаси, "Кўнгил янгилик қидирар..." да бир хиллиқдан безиш, янги бадиий кашфиётларга интилиш



кайфияти, "Беозор детектив"да саргузашт тафсилотлар асносида инсон дунёсини янада чукурроқ ўрганиш, "Кулган, кулдириган..." туркум ҳикояларида "ҳар қандай ҳолат замиридаги кулагили ҳолатни кўра билиб" завқиёб бўлиш, кулгу орқали фориғланиш, "Дилдаги хориж"-да эса хориж ҳаёти, чет эллар адабиётини ўрганиш жараёнидаги таассоротлар, ҳаяжонлар, умуминсоний миқёсларни ҳис этиш кайфияти бадиий ифодасини топган.

Дастлаб мени китоб бошидаги "Муаллиф ва муҳаррир сухбати"да баён этилган фикрлар ўлантириб қўйди. "Бадиий ижоднинг табиати шундай: кўлингиздаги қалам ҳамиша сизнинг юрагингизга таҳлика солиб туради... Мана шу таҳлиқани, чорловни ва даъватни ҳамиша ҳис этиб турган ижодкор изланишдан, қора меҳнатдан тўхтамайди". Ёки "...

хикоя яратиш мусобақа эмас", "Хар бир ҳикоя — янги ижодий кайфият!", "Ҳаётнинг айнан ўзига ўҳшатиб ёзиш жудаям катта маҳорат белгиси эмас, йўқ, ҳикоя айнан ҳаётга ўҳшамаган ҳолатлар оламига айланмоғи зарур". Ёки биринчи туркум сўзбосидаги фикр: "...ҳамдардлик туйфуси шакллана боргани сайин изтиробни ҳис этиш касбга айланади... Ижод ахли ана шу касб соҳиблари..."

Тўпламдаги ҳикояларни синчков назар билан ўқиган одам ана шу фикрларнинг тўлиқ бадиий ифодасини топади. Мен ўша "юрақдаги таҳлика"ни ҳар бир ҳикоя қатида, "қора меҳнат"ни эса ҳар бир сўз, образ, руҳий ҳолат тафсилотида бадиий деталлар, ижодий фикр, ғояни пардалаш, ўқувчининг мантиқий якунни ўзи чиқариши учун вазиятни заргарона тайёрлаш ("Алам", "Отамнинг ошнаси"), рамзий ифодалар ("Жажман", "Ибн Муғаний", "Киова қўёши") тасвиirlарида кўргандек, аникроғи, қалдан туйғандек ёки ҳар бир ҳикояда янги ижодий кайфиятни, "Кўнгил янгилик қидирадир..." туркумида алоҳида бадиий эксперементларга мойилликни, кучли эҳтиёжни сезгандек бўлдим. "Нусҳакашнинг меросхўри" ҳикоясида эса "ҳаётнинг айнан ўзига ўҳшатиш" бадиий ижоднинг ҳар қандай соҳаси учун ҳам яратиш эмас, бадиий қашфиёт, стихия, илҳом пўртналари эмас, балки оддий "нусҳакашлик" экани ҳақидаги фикрнинг жуда таъсирчан, нозик фаҳм ва маҳорат билан ифодаланганини кузатдим. Ҳаммасидан ҳам ижод ва ижодкор табиати ҳақидаги таъриф ёқди — "изтиробни ҳис этиш касби".


Ҳақиқат истаган зот борки, бари изтиробга маҳкум. Ҳаққа етмоқ йўли — азият. Одамзоддаги ҳайвонийликни чекламоғу инсонийликни барқарор этмоқ — нақадар мушкул иш бу. Ана шу мушкуллик ижод аҳлиниңг мулки аъмоли. Ҳар бир воқе нарса-ҳодиса — мушкуллик ҳосиласи. Мушкулликни туймаган, ҳис этмаган одам яратмоққа кодир эмас. Мушкуллик эса изтиробларга доя. Изтироблар ўз галида илҳом сари етаклайди. Илҳом буюк маънавий неъматларни бунёд этади. Ҳайратларга, ҳаракатларга сабаб бўлади.

Назаримда, Ҳуршид Дўстмуҳаммаднинг изтироби ана шундай — ҳайрат ва файрат бағишлочи изтироб. Ҳаёт аъмолини, тириклигини белгилаган изтироб касби. Балки шу касбни яхши билгани учун ҳам бир одамга гоҳи кўплик қиласидан бошқа ҳунарларнинг осон эвини қилиб юргандир. Не бўлганда ҳам касбидан айирмасин. "Беозор қушнинг қарфиши" китоби эса унинг ўша "изтиробни ҳис этиш касби"га энг муносиб шаҳодати...

Исҳоқ Ражабов. Мақомлар. Тошкент, "Санъат", 2006.

Мутахассис бўлмаган одам ҳам Исҳоқ Ражабовнинг "Мақомлар" китобини бир бор вараклаб кўйса, Шарқ мусиқа маданияти, жумладан, миллий мусиқа тарихимиз, унинг турли давр ва босқичлари ҳақида кенг тушунчага эга бўлиши аниқ. Нафақат тушунча, мусиқа орқали миллий ўзликни англашида ҳам, халқи, миллатидан фурурла-ниш ҳиссини кашф этишида ҳам бу китоб сабоқ, олам-олам завқ, иштиёқ бағишлияди. Айни замонда, бугунги ҳаётимизда ўрни тобора кенгайиб, кучайиб бораётган бегона "замонавий" мусиқанинг салбий таъсиридан сақланиш, беҳаёқ оҳангларга қарши маънавий иммунитет пайдо этиш учун ҳам ниҳоятда зарур бу китоб. Мақомларимизни қадим меъморий осори атикаларимиз каби миллий фурур манбаи сифатида тақдим этар эканмиз, уларни музей мулки деб эмас, ҳаракатдаги жараён ўлароқ кўрсатиш йўлларини, ҳозирги авлодларга ҳам самарали таъсир усулларини излашимиз керак. Акс ҳолда таг-замини бетайин, одамни инсонлик, миллий мансублик моҳиятидан буткул ажратиб, узоклаштириб юборадиган маънисиз шовқинларнинг кулига айланиси қолишимиз ҳеч гап эмас. Бунинг учун мазкур "Мақомлар" китобининг, факат угина эмас, бошқа шундай асарларнинг тарғиботини мактабданоқ йўлга қўйишни ўйлашимиз лозим.

Биз "мақом" сўзини жонли ва ёзма нутқимизда кўп қўллаймиз. Албатта, нафақат мусиқий истилоҳ мазмунида, балки луғавий маъносига кўра, тураржой ёки бирор кимса ёхуд нарсанинг ўрни, даражаси маъносида ҳам. Мусиқий атама сифатида



мақом “мусиқа чолғулирида күй ва ашулаларни ташкил этадиган то-вушларнинг жойлашадиган ўрни, яъни пардалар” экан. Китоб му-аллифи бу таърифни араб истилоси давридан то XIX асрларга бўлган даврда минтақамизда яратилган ўнлаб мусиқага оид рисолалар, луғатлар асосида келтиради. Китобнинг юксак илмий аҳамиятига ва муаллифнинг улкан олим эканига асосий шаҳодат ҳам шуки, “Мақомлар” китоби ўнлаб, балки юзлаб илмий-тариҳий манбалар асосида, жуда пухта назарий ва амалий меросга таяниб яратилган. Китоб саҳифаларини вараклай туриб, муаллиф жуда катта илмий меросни бир тизимга солиб, тадрижий-тахлилий усулда батафсил тадқиқ этганини, ҳар бир мақом йўли, жумладан, “Ўн икки мақом” ва “Шашмақом”нинг тариҳий тадрижи, шўйбалари, гурухлари ҳақида ҳам тафсилӣ, ҳам рақамли жадваллар билан маълумотлар келтирганини кўрамиз. “Мақом” атамасининг XIII-XV асрлардаги “парда” сўзига маънодош ифодасидан то ҳозирга қадар ўсиш-ривожланишида “күй ва ашула йўллари туркуми” маъносини англатишигача бўлган ўзгаришларнинг ҳар жиҳатдан далилланган илмий тафсилотини ўқиймиз. Ана шундай туркум маъносидаги “Ўн икки мақом” ва “Шашмақом”га, сўнгги уч асрлик мусиқий меросимизга оид назарий ва амалий фикрлар, маълумотлар асосида ҳозирги истиқлол даври қарашларига foят мутаносиб холосалар, ҳатто айтиш жоизки, ўз даври (ўтган асрнинг 60-70-йиллари) учун ниҳоятда дадил, маънавий жасорат деб аташга арзигулик foявий концепция илгари сурилганига гувоҳ бўламиз.

“Хорижий мамлакат олимларининг кўплари асоссиз равишда, Ўрта Осиё ҳалқларининг ўрта аср маданий бойликлари форслар ёки араблардан олинган ва бу улар маданий бойликларининг таркибий қисми бўлган, деб қарайдилар. Бу нотўри, албатта. Ўрта Осиё ҳалқлари Шарқнинггина эмас, балки бутун дунё фани ва маданиятининг хазинасига салмоқли ҳисса кўшганлар. Ўрта Осиёдан чиққан кўпгина буюк олимлар, замонаси талабларига кўра, араб ва форс тилида ёзганликлари уларнинг ўлмас асарларини ўша тилга мансуб ҳалқларнинг маданий бойликлари деб ҳисоблашга асос бўла олмайди. Ўрта Осиёдан чиққан олимлар ерлик ҳалқларнинг илмий ва маданий анъаналарини давом эттиридилар ва қўшини ҳалқлар тўплаган маданий бойликлардан унумли фойдаландилар. “Мақом” иборасининг Ўрта Осиёда ҳам жорий этилгани эса ўтмишдаги маданий шароитлар маҳсулидир.

Мақомлар араблар истилосига қадар ҳам бошқа номлар билан аталиб келган, деб ўйлаш мумкин. Арабча “мақом” ибораси эса Ўрта Осиёда тахминан Форобий даврида машхур бўла бошлаган.

Инглиз олими Г.Фермернинг Ислом энциклопедиясига ёзган мусиқага доир мақоласида Ўрта Осиё ва Хурросон ҳалқларида араб истилосигача маҳсус мусиқа назарияси мавжуд бўлгани қайд этиб ўтилган” (137-бет).

Ана шу foявий концепциясига қатъий таянган олим китобнинг сўнгига қадар аниқ манбалар асосида ўзининг кузатишлари ва гипотезаларини илмий асослаб боради. Ва ниҳоят, ўкувчи жуда бой мусиқий меросимиз маданиятилизнинг қадимишлиги, маънавиятилизнинг юксаклиги самарааси эканини идрок этиши учун имкон яратади.

Исҳоқ Ражабовнинг “Мақомлар” китоби ҳозирги давр мусиқашунослари учун, назаримда, кўп жиҳатдан “этalon” — намуна вазифасини бажаради.

Аввало, китобда умуммусиқий билим, малака, илмий лаёқат ниҳоятда юксак.

Иккинчидан, тариҳийлик ҳўсси кучли — жараённи муайян тариҳий тадрижда тизимли кўра билиш, ўрганиш ва тадқиқ этиш хусусияти устувор.

Учинчидан, манбалар билан ишлаш маданияти юқори, ҳар бир манба ва унинг муаллифига тегишли қамровдор маълумотлар базаси мавжуд.

Тўртинчидан, ҳар бир сўз, ибора ва тушунча луғавий асосидан бошлаб то бутун тариҳий жараёндаги ўзгаришларига қадар эътиборга олинниб, маъно жиҳатидан аниқ белгиланади ва мувофиқ ҳолда истифода этилади.

Бешинчидан, мусикий мероснинг шаклланиш ва ривожланиш тамойилларига кўра, жуғрофий ўринларини аниқлаш ва кўрсатиш илмий далиллаш орқали амалга оширилади, бунда ҳам илмий мезон тўлиқ устувор.

Олтинчидан ва энг муҳими, асарда миллый рух ва ватанпарварлик туйғуси foят баланд ва бунга асос бўладиган далилу ҳодисалар аниқ илмий таҳлил этиб, исботлаб берилади. Шу орқали ўкувчида малоллик келтирадиган бачкана эҳтирос эмас, балки қалбга фурур хисси бағишлидиган ёрқин тасаввурлар пайдо этилади.

Очиғи, сўнгги кезларда мақомлар борасида эълон қилинаётган айрим китоб ва мақолаларда тушунчаларни ноўрин, сунъийлаштириб қўллаш, хусусан, “Мақомлар” ўрнига “Мақомот” шаклини таклиф этиш, мақом йўллари шаклланган ва тарқалган жуғрофий манзилларни белгилашда фақат бир жиҳатни ажратиб олиб, бошқаларига беписанд муносабат кўрсатиш, Исҳоқ Ражабов китобида бир неча туркумлар тарзида уюшгани илмий исботланган ва ўзига хос ривожланиш йўллари намоён этилган Тошкент-Фарғона мақом йўлларини “тарқоқ ҳолда ҳамда йирик туркумларга уйғунлашмаган” дея асос-исботсиз камситиш, шу билан бирга, “Шашмақом”дек ноёб маънавий меросимизнинг яралишига оид қарашларда миллый негизларни шубҳа остига олиб, уни тарихий шароит тақозосига кўра маҳаллий ўтроқ ҳалқ орасида яшаган майда этник гурухлар вакиллари ижоди маҳсули сифатида билвосита тақдим этишга уринишлар ёки шундай ишоралар қилиш ҳоллари кузатилмоқда. Буларнинг барига ўзбек олими Исҳоқ Ражабовда ёрқин намоён бўлган юксак илмий маданият ва ватанпарварлик туйғуларини айрим замонавий тадқиқотчиларга бот-бот эслатиб туриш заруратини пайдо қиласди.

“Мақомлар” асари нафақат миллый, балки кўплаб Шарқ ҳалклари мақомшунослик илмининг ҳам ўзига хос қомуси деб аташга лойиқ китоб. Чунки унда биз кузаттган айрим жиҳатлардан ташқари, соҳанинг барча специфик хусусиятларига доир пухта назарий қарашлар, тадқиқ ва тафсилотлар, хулоса ва умумлашмалар мавжуд. Буни мутахассислар вақти билан яна ёътироф этишар. Бироқ менинг — мутахассис бўлмаган бир китобхоннинг фикрича, бундай тадқиқотлар ўн йиллар давомида бир яратилади. Гоҳи тадқиқотни яратиб, уни оммалаштириш олимнинг ўзига насиб этмайди ҳам. Айни мисолда ҳам шундай бўлган дейиш мумкин. Чунки бу тадқиқотнинг қисқароқ шакли 1963 йилда нашр этилган бўлса, у вақтлар мақомга ҳам, миллый меросга ҳам муносабат “ойболта” остида бўлгани бугун кўпчиликка маълум. Ўша мураккаб замонларда фақат кулфат ё беписандлик келтириши мумкин бўлган мавзуларга қўл уриб, яна денг миллий ўзлигимизни англашга қаратилган фояларни илгари сурган тадқиқотлар яратилиши — муаллифнинг “косаси оқармай ўтгани”дан далолатдир. Бугун, ҳақиқатлар ниҳоят қарор топаётган бир замонда устоз Исҳоқ Ражабов заҳматларини юзага чиқарган олим Оқилхон Иброҳимов номини алоҳида тилга олиб, ражабийлар сулоласига мансуб муаллифнинг бир замонлар нашр этилган асарлари ҳамда кўлёзма ҳолида сақланаётган тадқиқотларини чоп этиш ва оммалаштириш зарурлигини таъкидлаган бўлар эдик. Чунки миллый мусиқамиз, мақомларимизнинг барҳаётлиги, авлоддан авлодга мерос бўлиб ўтмоғида Исҳоқ Ражабов каби олимлар яратган тадқиқотларнинг аҳамияти бекиёсdir.



Yoshlar va rýyuralizm

Жамиятимизнинг барча аъзолари каби аҳолининг алоҳида қатламини ташкил этувчи ёшлар ҳам озод юрт фуқароси сифатида ҳуқук ва эркинликларга эгадир. Бу эса ўз навбатида уларнинг ҳам Конституция ва қонунлар, бошқа меъёрий-ҳуқукий хужжатларга ҳеч бир истисносиз қатый риоя килишини такозо этади. Ўзбекистон келажаги, ислохотларнинг истиқболдаги муваффақияти кўп жиҳатдан эртанги кунимизнинг ҳал құлувичи кучи — ёшларнинг ғоявий чиникиши, ён-атрофида рўй берадиган ходисаларга мустақил муносабатда бўлиши, ўзининг шахсий фикр ва мулоҳазаларини эркин ифода эта олишига боғлиқ экани шубҳасиз. Шуни ҳам тарьидамоқ керакки, қараашлар ранг-баранглиги, сўз ва фикр эркинлиги умуминсоний қадриятлар ҳисобланниб, уларсиз жамиятнинг тўлақонли ривожини тасаввур этиб бўлмайди.

Мамлакатимизда 2008 йилнинг “Ёшлар ийли” деб эълон қилиниши муносабати билан ёш авлодни демократик қадриятлар асосида тарбиялаш, уларни ҳалкимизнинг табиатига, турмуш тарзига ёт бўлган зарарли ғоявий оқимлар тарьиридан асрар ҳар қачонгидан ҳам долзарб аҳамият касб этмоқда.

Демократик тараққиёт йўлидан бораётган давлатларда бўлгани сингари Ўзбекистонда ҳам мустақиллик йилларида ҳуқуқий давлат қуриш жараёни мағкуралар ва ғоялар хилма-хиллиги, ҳар бир фуқаронинг ўз хоҳиш-истагини эркин ифода этиши асосида ривожланмоқда. Айни пайтда ҳар кимнинг ўз фикрини эркин ифода этиш ҳуқуқи, фикр ва қараашлар ранг-баранглигининг рўёбга чикиши учун сиёсий, ҳуқуқий шароит яратиб берилиши мамлакатда бошбошдоқлик юзага келишига, жамоат тартиби бузилишига, Конституция ва қонунларга хилоф ғоялар тарқатилишига сабаб бўлмаслиги керак. Бошқача айтганда, ғоялар ва фикрлар эркинлиги мутлақ бўлмаслиги лозим. Шунинг учун демократик жиҳатдан тараққий эттган давлатларда ҳам эркинликни сунистеъмол қилишнинг олдини олиш мақсадида муйян чеклашлар кўлланади.

Шу нуқтаи назардан қараганда, бугун юртилизда шаклланётган мағкуралар, ғоя ва қараашлар ранг-баранглиги мавжуд конституциявий тузумни зўрлик билан ўзгартиришга қаратилган бўлмаслиги, мамлакатимиз суверенитети, худудий яхлилиги ва хавфсизлигига дахл, ҳалқ маънавиятига тажовуз қилмаслиги, уруш, миллий, иркӣ ва

диний адватни тарғиб этмаслиги, фуқароларнинг конституциявий ҳуқуқ ва эркинликларни камсиутвиҳи ҳаракатларга давлат этмаслиги шарт.

Фуқаролик ва сиёсий ҳуқуқлар тўғрисидаги ҳалқаро пактнинг 19-моддаси 3-қисмида ҳар бир шахснинг зарур ҳуқуқ ва эркинликлардан фойдаланиши унинг зиммасига алоҳида мажбурият ва масъулият юклаши ҳақидаги эслатма мавжуд. Дарҳақиқат, ўз фикрини эркин ифода этишда бошқа шахсларнинг қонун йўли билан белгиланган ҳуқуқлари, обрў-эътиборини хурмат қилиш, давлат хавфсизлиги, жамоат тартиби, аҳоли саломатлиги ёки ахлоқи билан боғлиқ мезонларга риоя этиш талаб қилинади.

Ўзбекистон Республикаси Конституциясининг 9-моддасига биноан, юртимида “Ҳар ким фикр, сўз ва эътиқод эркинлиги ҳуқуқига эга. Ҳар ким ўзи истаган аҳборотни излаш, олиш ва уни тарқатиш ҳуқуқига эга, амалдаги конституциявий тузумга қарши қаратилган аҳборот ва қонун билан белгиланган бошқа чеклашлар бундан мустасондир, фикр юритиш ва уни ифодалаш эркинлиги фақат давлат сири ва бошқа сирларга таалуқли бўлган тақдирдагина қонун билан чеклаши мумкин”. Бу ҳуқуқий меъёrlар умумеътироф этилган ҳалқаро андозаларга ҳар томонлама мосдир.

Ҳар бир инсоннинг ўз фикрини эркин ифода қилиши тўғрисидаги конституциявий ҳуқуқ ва эркинликлар Ўзбекистон Республикасининг “Аҳборот эркинлиги принциплари ва кафолатлари тўғрисида”ги, “Оммавий аҳборот воситалари тўғрисида”ги, “Фуқароларнинг мурожаатлари тўғрисида”ги қонунларда ўз ифодасини топган.

Мамлакатимизда ижтимоий ҳаётнинг кўппартиявийлик, фикрлар хилма-хиллиги асосида ривожланиши ҳар бир инсоннинг тафakkur дараҷаси, хиссийёт олами ва фикрларини эркин ифода этиш ҳуқуқи тан олингани ифодасидир. Шу билан бирга, турли фикрдаги инсонларни ягона мақсад йўлида бирлаштирадиган, хилма-хил ғоя ва қараашлар ўртасидаги оқилона мувозанатни таъминлайдиган шундай бир қурдатли куч бор, у — миллий ғоя хилма-хил фикр ва қараашларга эга бўлган ёшларни ягона мақсад йўлида бирлаштириша байроқ бўлиб хизмат қилмоқда.

Зоҳиджон ХУШВАҚТОВ,
Қарши давлат университети тадқиқотчisi

Noosfera davri: tarixiy saboqlar, yangi imkoniyatlar

XX аср бошларида ёқ жаҳоннинг машхур олимлари кишилик жамияти ўз тараққиётининг Ноосфера даври — Ақл босқичига қадам кўйгани ҳақида бонг урган эди. Бу янги даврнинг ижтимоий-фалсафий таълимоти негизида табиат, жамият ва инсоннинг йўғун ривожланишини сақлаб қолиш, бутун сайёра бўйлаб инсонпарварлик рухини қарор топтиришдек эзгу мақсадлар ётади. Бироқ Ақл босқичининг илк асрида ёқ, таассуфки, дунё халқлари иккита йирик жаҳон уруши, юздан ортиқ минтақавий қирғинбаротни бошдан кечирди. Оқибатда 142 миллион 500 минг нафар бегуноҳ кишининг ёстиғи қуриди. Бундай мудҳиҳ фожиадан сабоқ чиқармаган инсоният ҳозир ҳам ўзаро ишончсизлик натижасида ҳарбий қуроланишини авж олдиришда давом этмоқда.

Ноосфера даврининг тарихий сабоқлари ва янги имкониятлари ўзбек халқи макон тутган қадрдан ҳудуд — Марказий Осиё учун қандай алоҳида мазмун-моҳият касб этади? Аввало шуни таъкидлаш жоизки, “Марказий Осиё” атамаси илк бор таникли немис географ олими А. фон Гумбольдт томонидан Парижда 1843 йили чоп этилган уч жилдлик “Марказий Осиё. Тоғ тизмаларини тадқиқ қилиш ва иқлимини тақօсолаш” асарида кўлланган эди. Унда тадқиқотчи ҳудуднинг сугориш тизими ва тоғ тизмаларини ўрганиб, Марказий Осиёни мустақил, ўзига хос минтақа сифатида таърифлайди. Шуни ҳам қайд этиш лозимки, бу атама XX асрнинг сўнгги чорагидагина геосиёсий тушунча сифатида кўллана бошлади. Ҳозирда Марказий Осиё 4 миллион квадрат километрлик майдонга, 55 миллион аҳолига эга бўлган йирик минтақа ҳисобланади. У Осиё ва Оврупо давлатларини бир-бири билан боғловчи кўпприк бўлиб, муҳим геосиёсий ва геоиктисодий аҳамиятга молик макондир.

Маълумки, янги минг йиллика ҳар бир давлат ва минтақа олдида, аввалимбор, миллий манбаатларини ҳимоя қилиш вазифаси дол зарб бўлиб турибди. Сиёсатшунос О.Аббосхўжаев бу борада Ўзбекистон ва Марказий Осиёга таҳдид солаётган хавф-хатар ўчоқларини иккига ажратиб, таҳлил қиласи. Булардан дастлабкиси хорижий нодавлат нотижорат ташки-

лот номи остида ҳаракат қилаётган, фарбона ҳаёт ва тафаккур тарзини универсал турмуш модели сифатида дунёга ёймоқчи бўлаётган мафкуравий кучлар бўлса, иккинчиси, муқаддас ислом динининг инсонпарвар тамойилларига зид ўлароқ дунёвий ҳукуматларга қарши “жизход” эълон қилган, бутун дунёда “халифалик” тизимини яратиш қуткуси билан яшаётган экстремистик, террористик марказлардир (О.Аббосхўжаев. *Мафкура полигонларида олишув*. Т., “Академия”, 2007, 17-бет).

Дарҳақиқат, ҳозирги кунда бирон бир давлат ҳудудига ҳарбий йўл билан эмас, ғоявий-мафкуравий усул билан “кириш” ҳам арzon, ҳам кулаг экани барчага аён. Бундай муносабатларда Марказий Осиёнинг кулаг геосиёсий ўрни ва табиий-моддий бойликлари, ҳеч шубҳасиз, эътиборга олинмоқда. Ана шундай вазиятда минтақавий интеграция бу ўлка давлатлари ва халқлари учун миллий манбаатлар ҳимоячиси ва салоҳиятларни бирлаштирувчи омил сифатида майдонга чиқаётir.

Марказий Осиё ўзининг геосиёсий қулаг жойлашуви ва моддий бойликларининг беҳисоблиги билан тарихан етакчи давлатлар дикқат марказида бўлиб келган. Шунинг оқибати ўла-роқ мустамлакачилик ўлка халқлари тақдирида мислсиз қийинчиликларни келтириб чиқарган. Ўшанда тарихан бир ҳудудда истиқомат қилиб келган туркӣ-форсий таркиб умумий хавфга бир неча бор яқдил қарши турга олган, ҳатто ўzlари ҳам йирик давлатларга асос соглан. Бинобарин, бугунги кунда ҳам Марказий Осиёдаги давлатлар ва халқлар тарих ўгитига кулоқ тушиб, мафкуравий ҳамлаларга биргаликда қарши туриши лозим. Зоро, минтақа тарихий хатолик ва ноаҳиллик оқибатларини неча бор кўрган? Шу ўринда Кайковуснинг “Қобуснома”да келтирилган “Халқ нега бир марта пушаймон бўлган ишидан яна қайта пушаймон бўлади?” деган насиҳатини эслаш айни муддаодир.

Яна шуни эсламоқ ўринлики, минтақамиизда ҳозиргидек чегаралар тарихда бўлмаган. Туркистон уч давлатга бўлиниб кетган давдрда ҳам иқтисодий, савдо-сотик ва маданий алоқалар учун чегаралар очик бўлган. Бироқ ҳозирги вақтда

минтақа давлатлари ўртасида ҳамкорлик ва ҳамжihatлик маълум даражада путурдан кетгани сабабли сув ресурсларидан самарали фойдаланиш, экологик вазиятни яхшилаш каби масалаларда сунъий тўсиқлар пайдо бўляпти. Бу каби ноxуҳ ҳолатларнинг олдини олиш учун эса, биринчидан, Марказий Осиёда, ўтмишда бўлганидек, ҳозир ҳам ўзаро ишончли ҳамкорлик жараёнлари зарур эканини ахборот-мафкура воситалари орқали одамлар онгига сингдира бориш лозим. Иккинчидан, миллатлар ўртасидаги маданий алоқаларни янада ривожлантириш ҳам бу борада умумий манфаатлар равнақига хизмат қилиади.

2008 йил 2-4 апрель кунлари Бухарестда бўлиб ўтган Евроатлантика Ҳамкорлик Кенгаши саммитида Ўзбекистон раҳбари Ислом Каримов Марказий Осиёда хавфсизлик ва барқарорлик юзасидан фикр билдириб, 1997-2001 йилларда фаолият юритган "6+2" гурухини "6+3" гурухига айлантириш таклифи билан чиқди. Бу ўринда НАТО ваколатхонаси ҳам гуруҳ таркибида иштирок этиши назарда тутилмоқда. Бундай амалий ҳамкорлик самараси ўлароқ Афғонистонда вазиятнинг барқарорлашуви Марказий Осиё учун ижтимоий-иктисодий жиҳатдан аҳамиятлидир. Ўзбекистон Президенти Афғонистондаги вазиятни яхшилаш учун зарур бўлган бир қатор вазифаларни ҳам таъкидлаб ўтди. Ижтимоий-иктисодий муаммоларни событқадамлик билан ҳал

эта бориш, ҳалқаро коалиция кучларига маҳаллий аҳоли ишончини ошириш, наркотрафикнинг олдини олиш, аҳолининг, шу жумладан, кам сонли миллатларнинг диний ва маданий қадриятларини ҳурмат килиш, исломга нисбатан хурулларга йўл қўймаслик, шунингдек, Покистон билан трансчегаравий ҳамкорликни ривожлантириш шулар сирасига киради. Бунда мавжуд ихтилофларни тинч музокаралар йўли билан ҳал этиш мухим бўлиб тургани таъкидланди.

Хулоса қилиб шуни айтиш мумкинки, Марказий Осиёда минтақавий бирлик учун тарихий шароит ва имконият мавжуд. Ақл босқичи — Ноосфера даврида давлатлар ва ҳалқлар ўртасидаги алоқаларни янада мустаҳкамлаш, манфаатлараро зиддиятларни эса ён беришлар йўли билан ҳал эта бориш лозим, деган талаб қатый тарзда ўртага кўйилмоқда. "Бинобарин, биз давлатимиз келажагини ўз қобигида ўралиб қолган ҳолда эмас, балки умумбашарий ва демократик қадриятларни чукур ўзлаштирган ҳолда тасаввур этамиз... Биз бутун маърифатли дунё, ҳалқаро ҳамжамият билан тинч-тотув, эркин ва фаровон ҳаёт кечириш, ўзаро манфаатли ҳамкорлик қилиш тарафдоримиз" (Каримов И.А. Юксак маънавият — енгилмас куч. Т., "Маънавият", 2008, 114-бет).

Низом ТАНГИРОВ,

Тошкент давлат Педагогика университети
магистранти

Adolatning ustuvor sharti

Яккаҳоким мафкура даврида хотин-қизлар масаласи узил-кесил ҳал қилинган деб ҳисобланниб, жамият тараққиёти диалектикаси асоссиз рад этиб келингани сабабли бизда аёлларнинг гендер тенглиги масаласи бирмунча янгиликдек туюлади. Бугун дунёда мазкур муаммо ечимиға доир катта тажриба тўпланган бўлсада, уни ҳар бир давлат ўз ҳалқи миллий менталитетини ҳисобга олмай туриб мұваффакиятли ҳал этиши душвор. Бинобарин, бизнинг диёризизда ҳам ҳозирги даврда гендер муаммосининг этнопсихологик кирраларини чукур тадқиқ этиб, илмий тавсиялар яратишга катта ҳаётй эҳтиёж мавжуд.

Аму ва Сир оралигини макон тутган элу эзлатларнинг энг қадимги маданий ёдгорликлари бўлмиш эпослар бу борада дастлабки ман-

ба ҳисобланади. Ўрта Осиё ҳалқлари, жумладан, ўзбек миллатининг уруғчилик ва қабилачилик даври ҳаётини акс эттирувчи бу обидаларда аёллардаги мардлик, жасурлик, вафодорлик фазилатлари улуғланган, қолаверса, инсоний қадр-қиммат, ҳалол ва покиза турмуш, оиласдаги меҳру муҳаббат фоялари тараннум этилган. Бу эзгу ақидалар айниқса "Тўмарис", "Ал-помиш" каби достонларда баланд пардаларда кўйланган.

Шуниси дикқатга сазоворки, эпосларда аёллар эркаклар билан тенг мавқеда тасвиirlанган. Улар барча жабҳаларда, ҳаттоқи ҳарбий юришларда ҳам эркаклар билан баб-баравар жасорат кўрсатган. Масалан, "Тўмарис" афсонасида ўша давр аёлларига хос бўлган хусусиятлар — ватнга ва озодликка бўлган муҳаббат тўйғулари

ифода этилади. Булар шундан далолат берадики, бизда азал-азалдан аёл қадри баланд тутилган, шаъни ва номуси қаттиқ ҳимоя қилинган. Ватан тақдири ундаги аёллар қисмати билан ўлчанганд: аёли хўрланган юрт таназзулга юз тутиди, аёли улуғланган давлат тараққиётга эришади, деб ҳисобланган. Аёл маърифатли, тадбирли, маънан баркамол бўлсагина мамлакат обод бўлади, деган қараш устун бўлган.

VII-VIII асрлардан худудимизда кенг ёйилган ислом динида аёл мавқеига алоҳида эътибор қаратилган. Қуръони каримда ҳар бир аёл, даставвал, Оллоҳ тооло уни шу жиснга мансуб қилиб яратганидан ифтихор ва шукронда этиши лозимлиги уқтирилади. Чунончи, „Аъроф“ сурасида „У (Оллоҳ) шундай зотки, сизларни бир жондан (Одамдан) яратди ва ором-осойиш топсин деб, унинг ўзидан жуфтини вуҳудга келтирди“, деб марҳамат қилинади (*Куръони карим. Таржима ва изоҳлар муаллифи Алоуддин Мансур. Т., „Чўлпон“, 1992, 148-бет*). Бинобарин, ислом таълимотига кўра, „жуфт“, яъни хотин — сукунат, осойишталик, ором, латофат, меҳр-муҳабат рамзиdir.

Аёлларнинг жамият ва оиласда тутган ўнини юқори баҳолаб, пайғамбаримиз Муҳаммад (с.а.в.) ҳам муборак ҳадисларида „Сизларнинг яхшиларингиз ўз ахлу аёлига хушумомалада бўладиганларингиздир... Мен сизлардан кўра ҳам ўз ахлу аёлимга яхшиман, хотинларни фарқат яхши одамларгина иззат-икром қилур, ахлу аёлларни фақат ёмон одамларгина хору зор қилур“, деб ҳидоятга етаклайди (*Ахлоқ-одобга оид ҳадис намуналари. Т., „Фан“, 1990, 88-бет*).

Ўзбек аёлларининг гўзал хулқ ва пок тийнат эгаси бўлиб етишуvida ислом динининг таъсири мудом сақланиб қолади, албатта. Чунки, бу муқаддас дин кишилар орасида одоб-ахлоқни тартибга солиб, меъёрда ушлаб турувчи кудратли кучдир.

Туронзаминдан етишиб чиқкан улуф ақл соҳиблари, беназир давлат арбобларининг жамият ва аёл тақдири масаласида баён қилган қарашлари ҳам гендернинг этнопсихологик моҳиятини тайин этишда муҳим аҳамият касб этади.

Чунончи, ўрта асрлар Шарқининг буюк қомусий олими Абу Райҳон Беруний хотин-қизлар “озодалик ва орасталик, олижонобликнинг ўзаги” бўлиши зарур, деб уқтириб, аёлнинг ташки қиёфасидаги латофат унинг ички гўзал ахлоқи билан боғлиқ эканини таъкидлайди. “Тишини ювиш, кўз ва қовоқларни тоза тутиш, уларга сурма қўйиш, сочни эса зарур бўлганда бўяш, тирноқларни олиб туриш ва силиқлаш каби хислатлар сиҳат-саломатликтан ташқари инсоннинг гўзаллиги ва покли-

гини ҳам таъминлайди”, деб таълим беради аллома (Абу Райҳон Беруний. Тарвиҳалар. Т., „Мерос“, 1991, 23-бет).

Соҳибқирон бобомиз Амир Темурнинг аёлларга бўлган муносабати барча учун ибрат на-мунасиидир. Унинг бу борада тутган йўли мулки Туронда ҳукм сурган кўплаб подшоҳлар нуқтаи назаридан кескин фарқ қилган. Ўрта асрлар даври испан элчиси Клавихонинг ёзишича, Амир Темур завжаларининг кийим-кечагидан тортиб чодиригача бир хил бўлган. Шу боис ҳам унинг аёллари ўртасида ҳатто кичик бир адоват чиққанини бирон тарихчи ёзиг қолдирмаган.

Амир Темур хотин-қизларга нисбатан ўта таълабдан ҳам бўлган. У аёллардаги поклик, шарму ҳаёга айниқса катта эътибор берган. Соҳибқирон бу ҳақда сўз юритиб, „Ўғилларим, набиралим ва яқинларимни уйлантирмоқ ташвишида келин изламоққа эътибор бердим. Бу ишни давлат юмушлари билан тенг кўрдим. Келин бўлмишнинг насл-насабини, етти пуштини суриштиридим, одамлар орқали соғлиқ-саломатлигини, жисмоний камолотини аниқладим. Келин бўлмиш насл-насаби, одоб-ахлоқи, соглом ва бақувватлиги билан барча кусурлардан холи бўлсагина эл-юртга катта тўй бериб, келин тушурдим“, деб таъкидлаган (Амир Темур ўйтлари. Т., „Наврӯз“, 58-бет).

Мутафаккир бобомиз Алишер Навоий Шарқ ҳалқлари, хусусан, ўзбек миллатининг одоб-ахлоқ, таълим-тарбия илмининг ҳам етук билимдони эди. Унинг “Маҳбуб ул-кулуб” асари айнан шу мавзудаги бебаҳо рисола бўлиб, асарда уйланиш ва унинг фойдаси, оила одоби ва аёл фазилати ҳақида кўплаб ажойиб фикрлар баён этилади.

“Фарҳод ва Ширин”, “Лайли ва Мажнун” асарларида эса Ширин ҳамда Лайли сиймолари орқали аёлларнинг этник-руҳий хусусиятлари, ақл-заковати, хис-туйғулари, ахлоқий сифатлари кўрсатиб ўтилган. “Ҳамса” таркибига кирган бу достонларда аёллардаги ва-фодорлик, меҳнатсеварлик, ватанпарварлик, эркесеварлик, ширинсуханлик каби хислатлар улугланган.

Хозирги кунда мамлакатимизда гендер муммоси кенг миқёсда тадқиқ этилаётгани ва бунда унинг этнопсихологик жиҳатларига ҳам алоҳида эътибор қаратилаётгани бежиз эмас. Шубҳасизки, хотин-қизларнинг жамиятдаги фалолигини ошириш ва мавқенини кўтаришда у илмий пойдевор бўлиб хизмат қиласди.

Шоҳиста ШОЙИМОВА,
Ўзбекистон Миллий университети
тадқиқотчisi

Barcha ezguliklar manbai

Миллий манбаатларни ифода этишга асосланган фуқаролик жамияти ва хукуқий давлат куриш мустақил Ўзбекистоннинг асосий стратегик мақсади сифатида белгилаб олингач, табиийки, маънавий ва маърифий қадриятларга алоҳида эътибор қаратиш, уларни юксалтириш зарурати пайдо бўлди. Миллий мағкуруни яратишга интилиш ҳам айни йўналишдаги эҳтиёжлар замонида юз берди.

Маълумки, ҳар қандай дунёвий жамият ёки давлатнинг шаклланишида маърифатнинг ўрни бекиёс. Буюк файласуф Арасту “Маърифатсиз жамият ҳалокатга маҳкумдир”, деб бежиз айтмаган. Шу боис ислом тамаддуни маърифат омилини муҳим деб билган. Илк ислом алломалари маърифатни “билиш”, “билим”, “биддириш” маъноларида кўллаган бўлса, IX — XII асрларда араб тилида иход килган файласуф ва қомусий олимлар “маърифат” дегандага илмни англаган. Масалан, Ал-Кушайрий “Ҳар бир илм бу — маърифат, маърифат эса илм, ҳар бир худони англовичи маърифатлидир”, деб ёзган (Роузентал Ф. Торжество знания. Концепции знания в средневековом исламе. М., Наука, 1978, стр. 173–183). Кўпгина манбаларда маърифат “англаш”, араб тилида иход этган олимларнинг юонон тилига таржима қилинган асарларида эса гносиес (“gnosis” — билим) тарзида берилган. Сукрот “Барча эзгуликлар факат маърифат воитасида пайдо бўлади”, деган.

Мустақил Ўзбекистондан Президент Ислом Каримов раҳбарлигида миллий дунёвий давлатчилик ва миллий мағкура янги тарихий шароитларда вужудга келмоқда. Зоро, Юртбошимиз айтганидек, “...миллий формиз шу юртда яшётган одамларнинг олижаноб ниятларини, ҳаётий манбаатларини мужассам этадиган юрт тинчлиги, Ватан равнақи, ҳалқ фаровонлиги деган юқсан тушунчаларни ўз ичига олади” (Каримов И.А. Юқсан маънавият — енгилмас куч. Т., “Маънавият”, 2008, 72-бет). Шунингдек, миллий фоя ўзида маърифатпарварлик, ватанпарварлик, ҳалқпарварлик, меҳнатсеварлик, миллий тўйғу, ғурур, ўз оиласи, насл-насаби билан фаҳраниш, ор-номус сингари маънавият ва қадриятларимизнинг энг эзгу жиҳатларини акс эттиромоги лозим.

Миллий мағкура тарихий ўтмиш, ҳозирги ҳаёт ва истиқболдаги ҳодисаларга муносабатни бел-

гилаш, одамлар иродасини аниқ бир мақсадга йўналтириш, уларни ижтимоий мақсадларнинг тўғрилигига ишонтириш, ихлос қўйдириш орқали курашга руҳлантириш, жамиятдаги соғлом кучларни бирлаштириш воситасидир.

Тарихдан аёнки, муайян бир фоя дастлаб алоҳида шахслар онгига пайдо бўлади. Ўз навбатида, у юқсан ижтимоий мазмунга эга бўлгани, жамиятнинг тараққиёт йўлидаги эзгу интилишларини акс эттиргани боис умуминсоний ҳақиқатга айлана боради. Форобий, Беруний, Навойи каби буюк ватандошларимизнинг эл-улус равнақи, юрт тинчлиги, ҳалқ фаровонлиги, комил инсон, диний бағрикенглик ҳақидаги маърифий мушоҳадалари миллий фоя ва мағкурунинг теран томирлари эканига “Миллий истиқол фояси: асосий тушунча ва тамоиллар” китобида айрича эътибор берилгани ҳам шундандир.

Дунёвий давлат ва жамият қуришда адолат тамоилларига амал қилишнинг аҳамияти бенихоядир. Адолат тамоилларини таъминлашда маърифатнинг ўрнини теран англамоқ учун даставал инсоннинг ўзини маърифий англагаш субъекти сифатида ўрганиш эҳтиёжи пайдо бўлади. Маърифатли бўлиш дунёвийликни англагаш демакдир. Ижтимоий ҳаётнинг барча соҳаларида ислоҳотларни амалга ошираётган ватандошларимиз учун Форобийнинг миллий фоя ва мағкурага бевосита оид бўлган қуидаги ўгитлари катта сабоқ бўлади десак, янглишмаймиз: “Инсоний вужуддан мақсад — олий баҳт-саодатга эришувдир; аввало инсон баҳт-саодатнинг нима эканини билиши, унга эришувни ўзига олий мақсад қилиб олиши керак”. Буюк мутафаккир Фикрини теран англаган ҳар бир инсон ўзининг мақсад ва вазифаларини факат маърифатчилик фаолияти билангина тасаввур қилиши мумкинлигини яхши билади. Биз курмоқчи бўлган адолатли, дунёвий ва маърифий жамият қандай бўлишини бундан минг йиллар аввал Форобий бундай тасвирилаган: “Маданий жамият ва маданий шаҳар (ёки мамлакат) шундай бўлади: бу мамлакатнинг аҳолиси саналган ҳар бир одам касб-хунарда озод, ҳамма баб-баробар, ҳар ким ўзи истаган ёки танлаган касб-хунар билан шуғулланади. Одамлар чин маънода озод бўлади. Бири иккинчисига хўжайн бўлмайди. Одамларнинг тинчлик ва эркинликларига халақит берувчи сulton (яъни подшоҳ)

бўлмайди. Улар орасида турли яхши одатлар, завқ-лаззатлар пайдо бўлади"(Абу Наср Форобий. Фозил одамлар шахри. Т., Faфур Fuлом номидаги Адабиёт ва санъат нашриёти, 1993).

Улуг мутафакир маданий жамият ва давлатни дин ёки шариат қоидалари билан боғламайди, аксинча, бу масалага факат дунёвийлик нуқтai назаридан ёндашади. Дунёвий давлат ва жамият тизимини изчил мустаҳкамлаб бориш, бошқарув жиловини маҳкам тутиш, қонун устуворлигига эришиш сиёсий ва ижтимоий зарурат эканини у алоҳида таъкидлайди. Форобий маънавий ва маърифий камолотта эришиш шахснинг ўз-ўзига бўлган масъуллиги, инсоний интизомининг нечоғлиқ юксаклигига боғлиқ эканини асосслаб беради. Камолотга эришиш йўлуни ҳар бир киши ўзи учун муқаддас низом, илоҳий қонун даражасида англамоги зарурлигини таъкидлайди.

Кўриниб турибдики, дунёвий давлат ва жамият куришининг асосий омили — инсон ақл-заковатининг маҳсули бўлган эзгу foяларнинг амалга оширилиши билан боғлиқ. Чунки, инсон қалбида яхшилик билан ёмонлик, бунёдкорлик билан вайронкорлик ҳамиша курашиб келади. Бунёдкор foялар мудом яхшиликка, эзгуликка хизмат қилган бўлса, вайронкор foялар ёвузлик-

ка, жаҳолатга етаклаган. Шунинг учун ҳам яхшилик, эзгулик ҳамда бунёдкорлик foяларини аждодларимиз доим улуғлаган.

Шарқ мутафакирларининг маърифатпарварлик, давлат ҳамда жамият куриш борасидаги foялари Farb оламига кучли таъсир кўрсатгани маълум. Farбнинг илгор олимлари Шарқ мутафакирларини ўрганиш, улар асарларини Оврупо тилларига таржима қилиш асосида маърифатга доир асарлар яратган. Шарқ таъсири шу қадар кучли бўлганки, Farбда яратилган аксарият асарларда тасвир объекти Шарқ бўлган, бош қаҳрамонлар исми ҳам Шарқдан олинган. Жумладан, Шарқ дунёсидаги маърифий ва ижтимоий-сиёсий воқеалар, тарихий шахслар ва уларнинг тарихда тутган ўрни Farb тафаккурининг йирик намояндлари Франсуа Мари Аруэ Вольтер, Шарл Луи Монтесье, Жан-Жак Руссо, Иоганн Вольфганг Гётелар ижодига кучли таъсир этган. Уларнинг аксарият асарларига Шарқ донишмандлари ижодида акс этган муҳим инсоний муносабатлар, ҳаёт манзаралари асос қилиб олинган.

Шахноза ОДИЛХОНОВА,
тадқиқотчи

Osuda hayot kafolati

Дин доимо одамларни эзгуликка, олижанобликка даъват этган, уларни тинч-тотув ҳаёт кечириш, ўзаро ҳурмат-иззатда бўлишга чорлаган, илм олишни ибодатлар ичida энг афзали деб уқтирган. Бирор бир дин муайян худудда юзага келган муаммоларни уруш, босқинчлиқ, террор йўли билан ҳал этишга даъват этмаган. Ўтмишда дин номи билан бошланган низолар ва ҳозир ҳам олам аҳлини хавотирга solaётган диний айрмачиликлар аслида бу фитналар бошида турган гаразгўй ким-саларнинг бадбин мақсадлари йўлида диндан фойдаланишга уринини, холос.

Шу нарса ҳам эътиборга моликки, қайси мамлакатда диндорлар учун эркин шароит яратиласа, диний қадриятларга эҳтиром билан муносабатда бўлинмаса, турли динга мансуб фуқаролар ўртасида адолатли тенглик таъминланмаса, бу давлатда осойишталик ва барқарорликни таъминлаш мушкул бир муаммога айланган. Мабодо уларга эришилган тақдирда ҳам бу ниҳоятда омонат бўлгани бир неча бор исботини топган ҳақиқатдир.

Ана шу нуқтai назардан келиб чиқиб, бутун Ўзбекистонда бўлгани каби Қорақалпоқ диёрида ҳам истиқлол аввалиданоқ диний эркинликка алоҳида эътибор қаратилди. 1991 йил 14 июняда қабул қилинган Ўзбекистон Республикасининг "Виждан эркинлиги ва диний ташкилотлар тўғрисида"ги қонуни Оролбўйи ўлкасида ҳам давлат ва дин муносабатларининг ҳуқуқий асосига айланди. Ушбу қонуннинг бир қанча моддалар билан бойиган янги таҳрири 1998 йил 1 май куни тасдиқланди.

Маълумки, Қорақалпоқ заминида ҳам ислом динига эътиқод қўйувчилар кўлчиликни ташкил этади. Уларнинг аксарияти эса аҳли сунна вал жамоа фирқасининг ҳанафий мазҳабига мансубдир. Ҳозирда ислом дини юксак демократик қадриятларни, олижаноб умуминсоний қарашларни мужассам этганини ҳатто унинг мухолифлари ҳам очиқ эътироф этмоқда. Айниқса, ислом шариати жамиятдаги бой-камбағал, соглом-бемор кишилар ўртасидаги муносабатларда тенглигни, биродарликини, шафқату саховатни тарғиб

этиши, ёш авлодни баҳамжихат тарбиялашга қақириши ер юзидағи бемеरхлик ва тарбиясизликлардан түйгән, қалбан ёлғизланиб қолган юзминглаб кишиларни ўзига оқанрабодек жалбетмоқда.

Тарихий хужжатларда қайд этилишича, Шўро давлати ўрнатилгунга қадар Қорақалпоғистонда олти юзга яқин масжид бўлган. Шўро даврида эса бу масжидларинг деярли барчаси дўконларга, омборларга айлантирилган. Даҳрий тузумнинг расмий ижозатига эга бўлган бир нечта масжид ҳам қаттиқ мафкуравий назорат остига олинган. Мустақиллик туфайли ҳозирга келиб республикадаги ўн бешта туманнинг барчасида жомеъ масжидлари мавжуд. Бундан ташқари, шаҳар ва овулларда ҳашар йўли билан барпо этилган ёки тадбиркорлар ҳиммати билан қурилган масжидларда ҳам диний ибодатлар адо этилмоқда. Кейинги вақтда қароматгўй валий аждодларимиз номини тикилашга ҳам алоҳида эътибор қаратилди. Қорақум эшон, Эшон

қальба, Султон Увайс, Нозлимхон сулув каби азиз зотлар номи билан боғлиқ мажмуалар ва бошқа тарихий-диний обидалар тубдан қайта таъмиранди.

Бағрикенг қорақалпок диёрида ислом динига мансуб аҳоли билан биргалиқда рус православ черкови, старообрядлар (эски диний мазҳаб эгалари) ибодатхонаси, инжил насроний-баптистлар жамоаси, яхова шоҳидлари диний ташкилоти сингари кўплаб файридин уюшмалари қонуний равишда фаолият юритмоқда.

Хуласа сифатида шуни айтиш мумкинки, диний қадриятлар баъзилар ўйлагандек, фақат кишилар қалби, руҳияти билан боғлиқ тор бир тушунча бўлиб қолмай, унинг давлат ва жамият учун фойдали жиҳатлари бисёр. Виждан эркинлиги, диний тотувлик эса тинч-осуда ҳёт кафолатидир.

Абад ҲЎЖАКЕЛДИЕВ,

Қорақалпоғистон Давлат университети тадқиқотчиси

Nikoh va nasl-nasab

Собиқ шўро тузумига қадар мусулмонлар оила қуришда насл-насаб масаласига алоҳида эътибор қаратган. Шариатда бу ҳол “кафаат” деб номланган. Удумга кўра, саййид, хўжа ва эшонлар фақат бир-биридан қиз олиб, бир-бирига қиз берган. Шунингдек, подшоҳ, амир, бек каби амандорлар ҳам ўз мавқенини кўтариш мақсадида саййид, хўжа ва эшонлар билан қариндошлик риштасини боғлаган. Беклар ўз қизларини паст табақадагиларга бермаган ва улардан ҳам қиз олмаган. Бу табақа вакиллари шайхларга қиз берган бўлса-да, лекин улардан қиз олмаган. Шунингдек, оқсукяк саналгани боис саййид ва хўжалардан ҳам қиз олмаган. Аммо уларга қиз берган. Шу билан бирга, тарихчи олим Фотиҳ Ориповнинг ёзишича, савдо аҳли ҳам насл-насабини сақлашга алоҳида эътибор қаратган. “Савдогарларда эндогамия қонуни бирмунча кучли бўлиб, бошқа ижтимоий табақадан қиз олмасди ва қиз бермасди”, деб ёзади олим (Тошкент ўтмишидан лавҳалар: Этнографик материаллар асосида. Т., “Фан”, 1987, 15-бет).

Ўтмишда фақат оқсукяклар эмас, балки айрим уруғлар ҳам ўз қизларини бошқа уруғга бермаган. Истисно холлардагина бирор камбағал оила ўз қизини каттароқ қалин эвазига бошқа уруғга узатган. Бу одат ҳозир ҳам Сурхондарё, Қашқадарё вилоятларида, шунингдек, Самар-

қанд вилоятининг Челак туманида мавжуд (Дала маълумотлари: Самарқанд, 2002, Қашқадарё 2004). Тошкент шаҳрида уруғ-қабилачилик анъанаси деярли йўқ. Чунки катта шаҳарлarda азалдан уруғ-қабилачилик анъанаси кучли бўлмаган.

Социологик тадқиқот хуносасига кўра (Тошкент шаҳрида 2007 йил муаллиф томонидан 100 киши билан сұхбат ўтказилган), бугунги кунда умр йўлдоши танлашда ёшларнинг 56 фоизига бўла-жак жуфти қайси насл-насабга мансуб эканининг аҳамияти йўқ. Бироқ кейинги вақтларда насл-насабни сақлаш ниятида оила қуришда келин ёки куёвнинг келиб чиқишига эътибор берадиган оиласалар сони ҳам ортган. Улар ҳозир 33 фоизни ташкил этади. Бироқ бунинг ҳам ўзига хос мураккабликлари бор. Чунончи, хўжа қизини фақат хўжага узатаман, деб кутиб ўтираса, қизнинг ёши ўтиб қолиш эҳтимоли ҳам бор.

Хуласа қилиб айтадиган бўлсак, бугунги кунда оила қуришда келин ва куёвнинг ижтимоий табақаси, насл-насаби ўтмишдаги каби катта аҳамият касб этмайди. Аммо баъзи кишилар ўтасида бу борада асрлар оша сақланиб келган анъаналарга риоя этиш ҳам кузатилиди.

Зиёдахон РАСУЛОВА,

ЎзРФА Тарих институти аспиранти

Besamar ketgan urinish

Тарихдан аёнки, минглар уруғидан бўлган Шоҳруҳбий 1709 йилда асос соглан Кўқон хонлиги бир ярим асрдан зиёдроқ хукм сурibi, 1875 йилларда ҳалокат ёқасига келиб қолди. Ушбу давлат тарихида энг узок давом этган ва солномаларга "Пўлатхон кўзголони" номи билан киритилган исён ана шундай хунук оқибатга олиб келди. Кўқон таҳтини 1845 йилдан бўён танаффуслар билан эгаллаб турган Худоёрхон (1831-1884) "Пўлатхон кўзголони"-ни бостиришга қурби етмай қолгач, бутун хазинасини олиб Тошкентга қочиш ва Русия хукуматидан паноҳ топишга мажбур бўлади.

Аслида, бу сиёсий таназзул илдизлари Россия империясининг XIX асрнинг 50-йилларидан бошлаб бу ўзбек давлатига нисбатан кўллаган босқинчлилик сиёсатига бориб болганди. Рус ҳарбий кучлари 1853-65 йилларда Оқмачит, Тўқмоқ, Пишпак, Авлиёта, Туркистон, Чимкент ва ниҳоят, Тошкентни эгаллаб олганидан сўнг хонлик хазинасига тушадиган даромадлар кескин камайиб, янги солиқлар жорий қилинади, бу ҳалқ орасида норозилик кайфияти авж олишига сабаб бўлади. Лекин, шу билан бирга, кўзголон тепасига келиб олган юқори табака вакиллари оддий одамларнинг ҳәётӣ интилишларига беписанд қарагани ва асосан тож-тахтга эгалик қилиш истаги билан ёнгани ҳам тарихий ҳужжатлар асосида исботланган.

"Пўлатхон кўзголони" 1876 йилда чор Русияси аскарлари томонидан бостирилди ва Фарғона водийси Туркистон генерал-губернаторлиги таркибига вилоят сифатидаги кўшиб олинади. Кўқон хонлиги тугатилган ушбу йилда Худоёрхон тасарруфидаги хонлик хазинаси мусодара этилиб, унинг ўзи Оренбург генерал-губернаторлигига бир умрлик сургунга юборилади. Бироқ собиқ хон бу ўлкага келганидан сўнг бир муддат ўтгач, Россия хукуматидан изожат олиб ҳаж сафарига отланади ва шу бўйи сургун жойига қайтиб келмайди. Ўзбекистон Республикаси Марказий давлат архивининг И-1 жамғармасида янги аниқланган бир ҳужжат (34-рўйхат, 483-иш, 5-7 вақақлар) унинг муҳокирилик даври ҳәётини тўларок ёритишига имкон берса ажаб эмас. Бу ахборот 1880 йил 19 сентябрда Туркистон генерал-губернаторлигининг маҳфий ишлар бўйича масъул ходими Умидов (исми қайд этилмаган — Н.К.) томонидан ёзилган бўлиб, унда Худоёрхон ҳаж амалларини адо этганидан сўнг вақти-вақти билан Ироқнинг Бағдод ва Ҳиндистоннинг Бўмбай шаҳарларида яшаб тургани мълум қили-

нади. Шунингдек, таҳтдан маҳрум этилган хон Бўмбайнинг инглиз миллатига мансуб губернатори билан мулоқотда бўлиб, унга Русия хукумати устидан арз қилган ва Англия давлатидан мадад сўраган. Бўмбай маъмури ҳам бунга жавобан дарҳол расмий Лондон билан боғланиб, Худоёрхоннинг қиролича Виктория қабулида бўлишини уюштирган. Шу мақсадда Бўмбайдан Лондонга келган собиқ хон учрашувда Буюк Британия монархидан ўзининг хонлик хуқуқини химоялаш ва тикилаша ёрдам сўраган. Шундан сўнг қиролича фармони билан чақирилган мажлисда ўн икки хорижий давлат вакили иштироқида Худоёрхон тақдим этган учта ҳужжат (уларнинг мазмуни номаълум — Н.К.) муҳокама этилади. Кўп ўтмай эса Лондон ва Петербургнинг ташкиларни ишлар маҳкамалари ўтрасида музокаралар ҳам бошлаб юборилади. Бу мълумотлар Англиядан олинган сўнгти хабарлар сифатида Ҳиндистон матбуотида тарқатилган, Туркистон генерал-губернаторлигининг Умидов хизмат қилиб турган маҳкамасига эса бўмбайлик бир савдогар орқали етиб келган. Эндилиқда айтиш мумкинки, инглиз таҳти эгасининг Худоёрхонга аввалги хукукларини қайта тикила ёки ўғилларидан бирини унинг таҳтига ўқазиш юзасидан музокаралар олиб бориши ёки куролли куч ишлатиш йўли билан ҳаракат қилиш ҳақидаги ваъдаси муайян сабабларга кўра амалга ошмай қолган. Бу эса Худоёрхоннинг Кўқон таҳтини қайтариб олишига бўлган сўнгти уриниши ҳам чиппака чиққанини англатади.

Икки марта салтанатни кўлдан бой бериб, икки бор уни қайтариб олишининг үддасидан чиққан, аммо учинчи гал тож-таҳтдан батамом маҳрум бўлган хоннинг шундан кейинги тақдирини ушбу давлат тарихи ҳақида йирик тадқиқот яратган олим Х.Бобобеков мълумотларига таяниб, қисқача шундай байён этиш мумкин: Худоёрхон XIX асрнинг 80-ийллари ўталаridа сиёсий ишларга араалашмаслик шарти билан Кўқонга қайтиш учун рухсат сўраб Россия хукуматига икки марта мурожаат этади. Унинг эътиборсиз қолган дастлабки аризасидан фарқли ўлароқ, кейинги илтимоси юқори доираларда кўриб чиқилиб, собиқ хонга Кўқонга қайтишига рухсат берилади. Аммо бундан беҳабар Худоёрхон яширин тарзда юртига қайтмоқчи бўлиб йўлга чиқади ва Афғонистоннинг Карруҳ деган жойида вафот этади.

Наргиза ҚУРБОНОВА,
Андижон Давлат университети аспиранти

“Замона бирла, мутриб, соз қилғи...”

Шарқда мусиқа санъати доимо шеърият билан ҳамоҳанг, уйғун тарзда ривожланган. Турли даврларда яшаб ўтган шоирлар мусиқа санъати, унинг қудратини таърифлаб шеърлар битган, асарлар ёзиб қолдирган. Чунки мусиқа сўзнинг таъсир кучини оширган, ижод ахлани тўлқинлантирган, уларга илҳом бағишлаган. Буюк мутафаккир шоир Алишер Навоий ижоди бунга яққол мисолдир. Чунончи, шоирнинг “Мезон ул авзон”, “Мажолис ун-нағоис” асарларида мусиқанинг сирсиноати хусусида қимматли фикрлар баён қилинган. Шунингдек, яна бир аждодимиз Захиридин Мұхаммад Бобурнинг “Бобурнома” асаридаги ҳам бу мавзуга оид нодир маълумотлар мавжуд.

Атоқли олим ва ижодкор Абдурауф Фитратнинг “Ўзбек мусиқаси ва унинг тарихи” асаридаги машхур “Қари наво” күйининг яратувчиси Алишер Навоий бўлиши мумкин, деган таҳмин айтилади: “Бухоронинг эски мусиқашунослари орасида бу кўйнинг Навоий асари бўлгани сўйланади. Мана шу маълумотлардан сўнг “Қари наво” кўйининг Алишер Навоий асари бўлгани эҳтимоли кучланинг коладир... Навоийнинг мусиқийга хизмати ёлғуз куйлар басталамак билан чекланиб қолмайдур. Навоий энг буюк мусиқий устодларини, энг истеъододли мусиқий талабаларни ўз тарбиясига олди”.

АЗал-азалдан мусиқа одамзодга ҳамроҳ бўлиб келган. Кўхна Шарқнинг мумтоз шоирларидан Дақиқий Фирдавсийнинг “Шоҳнома” асаридаги шавкатли жангга чорлаган думбиралар овози ўзгача бир илҳом билан тасвирланганини ёзади. Саъдий Шерозийнинг қўйидаги мисралари эса мусиқа садолари шоирларга ҳамиша илҳом бағишлаганини кўрсатади.

Кўнгилга мувофиқ ёр топган маҳал,
Эшигинг тагида кўш ногора чал.

Муаллифнинг “Бўстон” асаридаги қайд этилишича, XVIII асрда ҳам кўш ногоранинг эшик тагида чалиниши одамларнинг ўз хурсандчилигини бошқаларга билдириш истаги билан боғлиқ бўлган.

XV асрда яшаб ижод қилган шоир Сайид Қосимий “Ҳақиқатнома” асаридаги ҳозирги кунда ҳам қимматини йўқотмаган қўйидаги сатрларни битади:

Замона бирла, мутриб, соз қилғил,
Маҳал бирла ғазал оғоз қилғил.

Шоир санъати ахлани ўз замонасига, одамлар диди ва хис-туйғуларига ҳамоҳанг кўйлашга даъват этади.

Ўзбек мусиқашунослик тарихида бу санъатнинг шеъриятда тутган ўрни деярли илмий жиҳатдан тадқиқ қилинмаган. Алишер Навоий, Муқимий ва Фурқат сингари мумтоз шоирларимиз ижодининг мусиқа билан боғлиқ жиҳатлари асосан талабаларнинг диплом ишлари ва Навоий ижодига оид тадқиқотлар доирасида чекланиб қолмоқда.

Мусиқанинг асоси оҳанг ва товушлар ҳисобланади. Бу — борлиқдаги табиий товушлар эмас. Одатда, кундалик ҳаётда кулогимизга чалинадиган товушлар атрофимизда юз берабётган воқеалардан бизни огоҳ этади. Дейлик, дараҳтлар шовиллаши шамол эсаётганидан, томчилар овози ёмғир ёғаётганидан далолатдир. Мусиқа эса бутунлай бошқа бир дунё. Унда ёмғир шивири, сувнинг шовиллаши ҳам кўй ёрдамида акс эттирилиши мумкин. Биз эса бу оҳанглардан гоҳо қувонамиз, гоҳо хомуш тортамиз. Шунингдек, мусиқада даврнинг мухим чизгилари ўз аксини топади. Шу боис мусиқа санъати эришган ютуқларга қараб, маълум бир даврда инсоният қозонгандан мувваффақиятлар ҳақида тасаввуррга эга бўлиш мумкин.

Шунинг учун ҳам бугунги кунда инсонга руҳий мадад бериш, уни маънавий жиҳатдан тарбиялаш воситаси бўлган мусиқа санъати ривожига юртимизда катта аҳамият берилмоқда.

Дилбар КОДИРОВА,

Ўзбекистон Миллий университети катта ўқитувчisi

Bedil fikratining ikki sarchashmasi

Мирзо Абдулқодир Бедил (1644-1721) мероси Шарқ илму ҳикматлари, маънолар дунёсининг бекиёс хазинасиdir. Файласуф тарғиб қилган илғор foялар тафаккур аҳлини жунбушга келтириб, қалбларни забт этгани боис асарлари ҳали-ҳамон мўъжизакор қудратга эга.

Бедил дунёқарашининг шаклланишида бҳакти ва тасаввуф диний-ахлоқий foяларининг таъсири катта бўлган.

“Бҳакти” сўзи луғавий жиҳатдан муҳаббат ва қисман ибодат маъносини англатади (Н. Низомиддинов. Жанубий-Шарқий Осиё диний-фалсафий таълимотлари ва ислом. Т., Зарқалам, 2006, 118-бет). Ведаларда келтирилган маълумотлар шуни тасдиқлади, бҳакти Тангри Нарайн, шунингдек, Бҳагавад деб ҳам аталган. Бинобарин, “бҳач”, “бҳаж”, “бҳага” — улуш, бўлиниш, насиба сўзлари ризқ-рўзни тақсимлаб берувчи Тангрига нисбатан шукронани, “муҳаббат ва садоқат”ни билдирувчи “бҳакти” атамасида акс этади. Тарихчи олим Н. Низомиддиновнинг фикрича, илк бор Бҳагавад-гитада изҳор қилинган бҳакти foяси ўрта асрлар бошига келиб мустақил таълимот мақомида кенг кулоч ёйган.

Рӯҳан ва маънан мусулмон мутасавифларига яқин бўлган бҳактлар одатда уч тоифага бўлинган: норасо, тұрма ва ҳақиқий. Табиати ва феълаторига қараб улар яна тўртга ажралган: сокин, қизикувчан, дунёвий ҳамда илоҳий билимга ноийил садоқатпешалар. Улардан дастлабки учтаси мўтадил бҳактлар дейилса, тўртинчиси, дунёвийликдан бирмунча йироқлиги учун Тангрига энг яқин ҳисобланган.

Ҳинд диний ислоҳотчиси Раманжуха XI-XII асрларда яратган бҳакти фалсафий таълимоти солиҳ бҳакти бандасининг Тангрига бўлган чексиз муҳаббати ифодасидир. Шунингдек, манбаларга асосланиб айтиш мумкинки, Кабир (1380-1418), Тулси Дос (1532-1624) каби файласуфлар бҳакти таълимотининг назариётчилариридир. Ҳусусан, Кабир асл эътиқод ҳар хил диний маросимларни шунчаки адo этишда эмас, балки ички ахлоқий покликка риоя қилишдадир, деган foяни илгари сурган. “Ҳиндлар ибодатхонага борурлар, мусулмонлар — масжидга, Кабир эса улар рӯҳан бирлашган жойни излайди”, дейди у. Унинг наздида, имону ихлос факат одамнинг

дилида яшасагина атрофни обод қилгай. Кабир инсон дилини ўзига саждагоҳ деб билади. “Эй, одам, — дейди Кабир, — муҳаббат билан шафқатни, неклик билан баҳтни муллодан тилаб овора бўлма, уларни сенга четдан ҳеч ким беролмагай. Муҳаббат ҳам, шафқат ҳам, неклик билан баҳт ҳам фақат ўз қалбинг иштирокида, ўз фазилатларингу меҳнатларинг туфайли юзага келгай” (П. Кодиров. Хумоюн ва Ақбар. Т., “Шарқ”, 1994, 57-бет).

Кабир мусулмонлар билан ҳиндларни бирлаштиришни тарғиб қилган. Унинг қарашлари ҳинд ижтимоий-фалсафий Фикри ривожига баракали таъсир кўрсатган. Бҳакти таълимотида Кабир илгари сурган foя Бедил қарашларида ҳам учрайди. Комил инсон масаласи унинг асарларида ҳам асосий ўрин тутган. Зеро, Бедил дунёқараши марказида инсон, унинг шаклланишию камолоти муаммолари турди.

Инсон, Бедил назарида, мўъжизакор, шу билан бирга, фитна манбаи ҳамдир. У инсонга хос бу иккни жиҳатни доим хисобга олиш лозимлигини таъкидлайди. Бедил инсоннинг улуғворлигини, ақлий лаёкатини, кўп ишларга қодир қутлув бир зот эканини, нутқи, онги, ақл-идроқи билан ўзга маҳлуқлардан фарқ қилишини кўрсатар экан, мол-мulkка ўч, ўжар инсон ярамас ишларга ҳам кўл уришини айтиб ўтади. Инсонга муносабатда дини, мазҳаби, миллатига қараб ажратишни қоралайди.

Юз шукурки, турли дину турлича миллат
Одамлари ураганда, кўрсатдим ҳурмат.
Соя каби ҳар тарафга бўлсан-да равон,
Йўл озигим кишиларга бўлди муҳаббат.

(Шоислом Шомуҳаммедов таржимаси.)

У инсонни, ирқий, миллий ва диний тафовутларидан қатъи назар, ҳурмат ва эҳтиромга лойиқ зот, энг олий вужуд билиб, “Ҳазрати инсон” деб атайди:

Тўрт даҳр аро сен ҳайратли бир боб,
Етти баҳр ичра гавҳари ноёб.
Ҳар нарсагаким, етибди ақл,
Ундан афзалсан, буни яхши бил.

Дунё мевасининг ҳосилдорисан
Барчасидан ҳам ширинкорисан.

(Шоислом Шомухаммедов таржимаси.)

Бедил инсонни севиши, эъзозлашни, бир сўз билан айтганда инсонийликни комилликнинг муҳим шарти сифатида улуғлайди.

Бҳакти диний-ахлоқий ғояси билан тасаввубу таълимоти ўртасида ўхшаш томонлар ҳам, фарқли жиҳатлар ҳам мавжуд. Тасаввубуф — кенг қамровли, бирмунча шаклланган ва бир қанча тариқатларга эга таълимот. Агар тасаввубуф таълимоти олдинрок пайдо бўлгани ҳисобга олинса, у бҳактига ўз таъсирини кўрсатган деб тахмин қилиш мумкин.

Комиллик бу — ўз-ўзини билишдир, дейди Мирзо Бедил. У комилликни одамларнинг ўзидан излайди — инсонни ўзини англашга, яъни буюклигини билишга даъват этади. Бедил мутасаввифларнинг ўз-ўзини англаш ғоясига таянган ҳолда қўйидаги фикрни баён этади: “Инсон ўзини бўлгани каби кўрсатсин, ё кўрсатгани каби бўлсин”. Бунинг учун эса одам ўз борлигини тўғри тасаввур этмоғи, инсоний моҳиятини теран англаб етмоғи лозим. Бедил одамларни дил билан тил, қалб билан қиёға бирлигига ундейди. Шу тариқа инсонни такаббурлик ва муноғиқидан воз кечишга чакиради.

Мутафаккир назарида, агар инсон ўзининг ким эканини тўғри англаб етмаса, ҳар бир қадамини таҳлил этиб яшашга, яхши-ёмонни фарлашга ожизлик қилса, унинг дунёни тушуниши ҳам амримаҳодлир. Ўзини англамаган, қалбида кечган ботиний тўйнуни бошқара олмаган киши ўзгаларни тўғри тушуниб, борлиқ моҳияти ҳақида ҳақоний фикр юритишга қодир эмас. Инсон ўзининг салбий жиҳатларини ҳам идрок эта олгандагина ҳақиқатга яқинлашиши мумкин. Ҳаққа яқинлашмоқ эса инсон борлигининг азалий муродлариандир.

Бедилнинг машҳур “Ирфон” асарида, қолаверса, кўплаб рубойларида тасаввубнинг вах-

дати вужуд ғояси талқин этилади, унинг хилмажил қирралари очиб берилади. Бедил наздида, Оллоҳ оламда зуҳр этган. Унинг сир-синоатини фақат ўзингдан топасан:

Фоний бўлсан-да, бақо шул ердадир,
Бахту кулфат мутлақо шул ердадир.
Ўз дилимни тарк этиб кечгум қаён?
Бор умид, бор муддао шул ердадир.

(Матназар Абдулҳаким таржимаси.)


Шуни алоҳида таъқидламоқ лозимки, тавҳид моҳиятини анлаган инсон қалбида меҳр туйғуси ўйғониши Бедилга аён бўлган. У тасаввубуф фалсафасини ўрганиб, ўз дунёқарашини бойитар экан, борлиқ масаласида шундай хуносага келган: борлиқ ҳақиқати бу — тавҳид ҳақиқатидир. Унинг маъноси, дунёдаги шонли ва шонсиз, харакатда сокинлиқда бўлган нарса ва ҳодисалар ўзаро боғлиқ, ягона манбага оид, уйғун ва яхлиттир. Бу яхлитлик ва хилмажиллик бирлигининг ўзига хослиги шундаки, борлиқнинг ҳар бир зарраси ўзгалари билан боғлиқ, ўзаро алокададир. Шу сабабли ҳар бир заррадаги ўзгариш бутун борлики ўзгартирали ва ўз нав-батида, ҳар бир зарранинг ўзгариши бутун борлиқдаги ўзгаришлардан келиб чиқади.

Инсоннинг ўзга зарралардан фарқи шундаки, унинг иродаси эркин, у онги ҳаракат қиласи ва ҳар бир амали учун борлиқ олдида, Оллоҳ олдида жавоб беради.

Мирзо Бедил асарларининг фалсафий тафаккур тараққиётидаги ўрни буғунги кунда ҳам ўз қимматини йўқотмаган экан, демак, миллий ғомизининг кенг жорий этилишида, фалсафий илмлар ривожида, ёшларнинг маънавий камол топишида бу ижодий мероснинг аҳамияти бекиёсdir.

Ойниса МУҲАММАДИЕВА,

Ўзбекистон Миллий университети катта ўқитувчиси



SUMMARY

“Spirituality is a criterion of perfection” is the title of an article in which chief imam of Tashkent City Anvar qori Tursun discusses the role of religious matters in human life; some groups that use it as a tool to pursue their interests; modern spiritual changes in society; and the recent work that has been done in this sphere.

“Globalization is an intensification of economic, political, and cultural relations, quick dissemination of brand-new information technologies and fresh information throughout the world, international standardization and emergence of standards and unified patterns in public life and use” says philosopher Abdurahim Erkaev in his article entitled “Globalization: informational intervention and mass culture”. The author tries to thoroughly analyze the reasons why the complicated issue of globalization has emerged, how it intervenes in the daily lives of people and what impact it makes on mass culture.

When one talks about civilization, he definitely starts with the comparison of Europe and Asia. There is a reason why: both continents have made their great contributions to universal development. Psychologist Chori Nasriddinov’s “Thoughts in front of a globe” is an essay that is about an ancient cultural hub, the world’s biggest continent – Asia. The author’s thoughts about the history, modern life and future of the continent are original and interesting.




It is not a secret that the word is an invaluable treasure that people feel great need for. However the roots, historical development, meaningfulness, and internal magic of the word are not known to everyone. To know this, one should possess an original and delicate sense. Poet Eshqobil Shukur's "A journey to the world of words" is an attempt to discover the inner world of the word. The author skillfully analyzes some Uzbek words and phrases that are most frequently used in everyday life. He cites "Devoni lughatit-turk" by Mahmud Koshghariy as proof of his arguments.

Shukur Kholmirzaev was an outstanding essay writer. He wrote brilliant essays based on his own reminiscences of Abdulla Qahhor, Shukur Burhonov, Matyoqub Qoshjonov, Mutal Burhonov, Botir Zokirov, Odil Yoqubov and many others. "If literature is a destiny ...", an article by Shodmon Otabek, is an attempt to analyze the writer's essays.

Famous Swiss writer Max Frisch's story titled "The account of one accident", at first sight indeed reminds one of an account: it is short, concise, and incorporates ordinary notes. This piece of writing actually draws the reader's attention with meaning and psychological approach. According to it, just one car accident becomes the reason for the hero's lifelong sufferings where a sense of "guiltiness without guilt" pursues him everywhere.

Filmmaking is the most developed type of modern art. Analysis of this type of art is therefore becoming more and more complicated and difficult. Film analyst Hamidulla Akbarov tries to research one of the very first Uzbek filmmakers Sulaymon Khojaev's film entitled "Before dawn". He tries to evaluate it from the angle of axiology, the teaching of socio-cultural values in film art.



МУКОФОТЛАР МУБОРАК!

2008 йили журнал саҳифаларида эълон қилинган сара асарлари учун фаол муаллифлардан —

шоир **Эшқобил ШУКУР** ("Қалдирғочнинг кўзёшлари" шеърий туркуми, 1-сон);

адабиётшунос **Зухриддин ИСОМИДДИНОВ** ("Китоблар билан баҳс" (2-сон), "Адабнинг тақдиди" (3-сон) мақолалари);

таржимон **ШОҲСАНАМ** ("Француз тили сабоқлари" ҳикояси таржимаси, 2-сон)

тахрир ҳайъатининг қарорига асосан "Тафаккур" совриндорлари деб топилсан ва эсадалик совғалари билан тақдирлансан.

Бош муҳаррир

Эркин АЪЗАМ
Эркин Аъзам

Нашр күрсаткичи: 869/870
Баҳоси келишилган нархда

Tur

3760c

TAFAKKUR

ТАФАККУР 4/2008

